

**ЖОРЖ СИМЕНОН**

# **МЕГРЭ ВА ДАЙДИ**

*Роман*

Тошкент  
«Адолат»  
1999

**Сименон Ж.**

Мегрэ ва дайди. Мегрэ министр ҳузурида: Романлар. — Т.: «Адолат», 1999. — 232 б.

Француз ёзувчиси Жорж Сименон ўзининг полиция комиссари Мегрэ ҳақида ёзган қатор психологик-детектив романларида юз берган жиноятнинг бутун тафсилотини қизиқарли эпизодларда фош қилиш билан бирга, айни чогда мазкур жамият ҳётида учраган иллат ва нуқсоиларни ҳам шафқатсиз танқид остига олади. Бу тўпламда китобхони Муаллифишинг комиссар Мегрэ фаолиятидан ҳикоя қиливчи «Мегрэ ва дайди» ҳамда «Мегрэ министр ҳузурида» романларини ўқиуди.

**Русчадан Низом КОМИЛОВ таржимаси.**

C 4703000000--012  
— (04) — 99 Б—98.

- © «Жазушы», 1981.
- © «Правда», 1982.
- © «Адолат», 1999, таржима.

## МЕГРЭ ВА ДАИДИ

### I б о б

Орфевр соҳилидан Мари кўприги томон кета туриб, Мегрэ негадир бирдан тўхтади-ю, яна бамайлихотир йўлида давом этди, буни ёнида бораётган ҳамроҳи Лапуэнт сезмади ҳам. Комиссар шу лаҳзада ўзини шеригидан навқирон ва бардам ҳис қилмоқда эди.

Эҳтимол бунга мусаффо, тотли ва дилни қитиқловчи ажиб баҳор ҳавоси сабаб бўлгандир. Бир вақтлар Жиноят қидирув полициясининг кўча тартибини сақлаш бўлимига эндиғина инспектор этиб тайинланган ёш Мегрэ худди мана шундай офтоб чарақлаб турган тонг палласида Париж кўчаларида узоқ сайд қилган эди.

Гарчи қиши аллақачон тугаб, март охирилаб қолган бўлса ҳам баҳор фақат бугун -- йигирма бешинчи марта чинакамига ўзини кўрсата бошлади. Ҳаво очиқ, осмон шишадай тиниқ. Аммо кечаси момақалдироқ гумбурлаб, роса жала қўйди. Бугун биринчи марта Мегрэ пальтосини кабинетда қолдирган, енгил шабада тугмалари ечиқ камзулининг этакларидан тортқилар, комиссар бундан роҳатланарди.

Мегрэ қўлларини орқасига қилганча ўнгу сўлига нигоҳ ташлаб бораркан, кўпдан ўзига ёд бўлиб кетган нарсаларни ҳам эътиборидан соқит қилмасди.

Бундай қисқа сайд учун Жиноят қидирув полициясининг ҳовлисида турган қора машиналардан бирини олиш шарт эмас эди, бинобарин, улар яёв йўлга чиқишиди. Бибимарям Ибодатхонаси эшиги олдида изғиб юрган бир тўй каптар булардан ҳуркиб, дув осмонга кўтарилиди. Сал нарида, майдон четида Кёльндан келган туристларнинг каттакон сариқ автобуси турарди.

Темир кўприкчадан Сен-Луи оролига ўтишди, шунда Мегрэ деразалардан бирида оппоқ тўр ёқали қора кўйлак кийган ходима қизни кўрди. У қиз хиёбонларда қўйиладиган спектаклларнинг қаҳрамонини эслатарди. Сал нарироқда оқ пешбоғ тутган қассоб ёрдамчиси гўшт сотарди. Бир йўлакдан почталъон чиқиб келди.

Тонгда юз очган куртаклар дарахт шохларини сўлим кокилга айлантириб юборганди.

— Сенада сув ҳалиям баланд, — деди шу пайтгача ғурқ этмай келаётгай Лапуэнт.

Дарҳақиқат, дарёда сув кўп эди. Қарийб бир ой ти-

нимсиз ёмғир қўйди. Ҳар куни кечқурун телевизорда сув остида қолган шаҳар ва қишлоқларни кўрсатишарди. Сенанинг лойқа тўлқинлари ҳар турли буюмлар, эски яшиклар ва синган дараҳт шохларини лапанглатиб оқизиб бораради.

Мегрэ билан Лапуэнт Бурбонлар соҳили ёқалаб Марни кўпригига етиб келишди ва кўприкдан ўта туриб, пастда қозиққа боғлоғлиқ турган кулранг баржага диққат билди разм солишиди. Баржанинг олдқисмига чизилган учбурчак шаклидаги оқ-қизил белгига қаранди у сувда юк ташувчи компанияяга тегишли эди. Баржа «Пуату» деб аталарди. Унинг юкхоналарини қўмдан бўшатаётган кўтарма краннинг тарақа-туруқи шаҳар ғала-ғовурига омухта бўлиб кетаётганди.

Кўпридан юқорироқда, «Пуату»дан эллик метрлар чамаси нарироқда яна бир баржа турарди. У нихоятда озода ва кўркам эди. Баржа қуйруғида Бельгия байроғи ҳилпирав, оппоқ рубка ёнида, каноп беланчакда бир бола ухлаб ётарди. Баланд бўйли малла соч эркак, худди бирорини кутаётгандай, иуқул соҳил томонга тикиларди.

Баржа четига олтии ҳарфлар билан: «Зваарте Зван»<sup>1</sup> деб ёзилганди. Фламандча бу номнинг маънисига на Мегрэ, на Лапуэнт тушунди.

Соат ўнга яқинлашиб қолган эди. Полициячилар Селестэн соҳилига чиқиши; улар энди бандаргоҳга тушмоқчи бўлиб туришган эди, бир машина келиб тўхтаб, ундан учта эркак тушди.

— Ният холислигини қаранглар-а! Ҳаммамиз бир вақтда жам бўлдик...

Булар ҳам Адолат саройидан, аммо бинонинг бошқа қисмидан — мартабаси баландроқ кишилар, яъни суд маҳкамаси амалдорлари ишлайдиган қисмидан келишганди. Бири прокурор ёрдамчиси Парран, иккинчиси судья Данцигер, учничиси суд котиби бўлиб, гарчи илгари минг маротаба кўрган бўлса ҳам Мегрэ бу қариянинг фамилиясини эслай олмади.

Ўз юмуши билан шошиб кетаётган йўловчилар ҳам, йўлкада ўйнаб юрган болалар ҳам — ҳеч ким жиноят содир бўлган жойга шу тобда прокуратура ходимлари келиб турганини билмасди, албатта. Мундоқ фараҳбахш баҳор куни қаёқда-ю, жиноят деган мудҳиш нарса қа-

<sup>1</sup> Зваарте Зван (фламандча) — «Қора қув».

ёқда! Прокурор ёрдамчиси чўнтағидан тилла тамакидонини чиқазиб, беихтиёр Мегрэга узатди, аммо унинг оғзида трубкаси бор эди.

— Э, кечирасиз, кўрмабман...

У баланд бўйли, озғин, башанг кийинган малла киши эди. «Олифтагарчилик прокуратура ходимларига теккан касал», — деган ўй ўтди яна комиссарнинг кўнглидан. Аммо хўппа семиз, пакана судья Дандингер жуда одми кийинган эди.

— Хўш, кетдикми, жаноблар?

Улар тош зинапоядан сув бўйига, баржага яқин ерга тушишли.

— Шуми?

Мегрэ ҳам ҳамроҳларидан кўп нарса билмасди. У тунда рўй берган барча ҳодисаларнинг қисқа баёнини эрталаб полиция ахборотидан ўқиб билди, ярим соат бурун эса телефон жиринглаб, ундан прокуратура ходимлари билан бирга жиноят содир бўлган жойга боришни илтимос қилишиди.

У «йўқ» демади. Қайтанга яхши: очиқ ҳаво, эски танишлар. Бешовлон баржа томон юришиди. Баржа билан соҳил ўртасига тахтаб қўйилган эди.

Бояги новча малла киши буларнинг истиқболига қараб юрди.

— Қўлингизни беринг, — деди у олдинда бораётган прокурор ёрдамчисига. — Эҳтиёт шарт-да. Тўғрими?

У фламандча лаҳжада гапиради. Дағал юзи, кўк кўзлари, бақувват билаклари, ҳатти-ҳаракати — буларнинг барни узоқ масофани босиб ўтиб, матбуот учун интервью бераётган спортчи-велосипедчини эслатди.

Қум тушираётган краннинг шовқини бу ерда, соҳилнинг ўзида янам қаттиқроқ эшитиларди.

— Исмингиз Жозеф ван Гутми? — деб сўради Мегрэ бир парча қоғозга тез кўз югуртириб.

— Ҳа, мосье. Жеф ван Гут.

— Кеманинг эгаси сиз бўласизми?

Рубка томондан келаётган лаззатли таомнинг ҳидидимоқча урилди. Пастда, зина ёнида ёш бир жувон уймаданарди.

Мегрэ беланчакка ишора қилди.

— Ўғлингизми?

— Йўқ, ўғил эмас, мосье, қизалоқ. Исли Йоланда. Синглимнинг исми ҳам Йоланда, у қизимнинг чўқинтирган онаси...

Гапга прокурор ёрдамчиси аралашди, котиб ёзишга тайёрланди.

— Қандоқ бўлганини сўзлаб беринг.

— Бажонидил. Уни сувдан олиб чиқдим, анови баржадаги одам ёрдам берди.

Жеф «Пуату»ни кўрсатди, баржанинг қўйруғида бир одам штурвалга энгашганча булар томон тикилиб турар, афтидан, гувоҳлик бериш навбатини кутар эди.

Кетма-кет сирена овози эшитилди, уларнинг ёнидан шатакчи бир кема тўртта баржани судраганча оқимга қарши аста сузиб ўта бошлади. Ҳар бир баржа «Зваарте Зваан»га яқинлашганда Жеф ван Гут саломатлашгандай ўнг қўлини кўтариб қўярди.

— Чўкаётган одамни танирмидингиз?

— Умримда кўрмаганман.

— Бу соҳида анчадан бери турибсизми?

— Кеча кечқурун келувдим. Жемондан Руанга шифер олиб кетяпман. Қоронги тушгунча Париждан ўтиб, Сюрен шлюзи ёнида тунамоқчи эдим... Қарасам, двигатель қилиқ чиқаряпти. Биз, дарёчилар, Парижда тунашни унчалик ёқтирамаймиз.

Мегрэ аинча нарида, кўпприк остида юрган икки-учта дайдиларни кўрди. Уларнинг орасида семиз бир аёл ҳам бор эди. Комиссар уни илгари ҳам қаердадир кўргандай эди.

— Нима бўлди? У ўзини сувга ташладими?

— Ишонгим келмайди, мосъе! Унақа бўлса ёнидаги икки одамнинг кўзи қаёқда эди?

— Соат неча эди? Ўша пайтда қаерда турўвдингиз? Кечқурун юз берган ҳамма воқеани батафсил гапириб беринг. Бу ерда қоронги тушмасдан олдин тўхтаганмидингиз?

— Худди шундай.

— Кўпприк остида юрган дайдига кўзинигиз тушган, тўғрими?

— Кўз тушиши нимаси? Унақалар доим шунақа жойларда юришади.

— Кейин нима қилдингиз?

— Овқатландик — Хуберт, Аннеке, мен-учовимиз.

— Хуберт ким?

— Укам. Мен билан ишлайди. Аннеке — хотиним, исми Анна, бизда Аннеке дейишади.

— Кейин-чи?

- Укам кийиниб, танцага кетди. Ўйнайдиган пайтида, нима дедингиз?
- Еши нечада?
- Игирма иккода.
- Ҳозир шу ердами?
- Дўконга кетувди, ҳали-замон кепқолади.
- Кечки овқатдан кейин нима иш билан машғул бўлдингиз?
- Двигателни титкиладим-да. Қарасам, мой оқаётган экан. Эрталаб жўнаб кетмоқчи эдим, бўлмади. Бу аҳволда юриб бўладими!
- Фламандиялик адлия ходимлари билан биринчи бор муюмала қилаётгани сабабли уларга ҳадиксираб тикиларди.
- Соат нечада ишни тугатдингиз?
- Кеча улгуролмадим, эрталаб ниҳоясига етказдим.
- Чўкаётган одам бақирганида қаерда эдингиз?
- Жеф ялтираб турган кема саҳнига тикилганча босшини қашлади.
- Аввал папирос чекиш ва Аннекедан хабар олиш учун бу ёқса чиқдим.
- Соат нечада?
- Ўнлар эди чамаси, аниқ эсимда йўқ.
- Аннеке уйғоқ эканми?
- Йўқ, мосъе. Ухлаб ётган экан. Бола ҳам. Қизим баъзан кечаси билан йиғлаб чиқади. Тиши чиқяпти-да.
- Кейин двигателни тузатгани тушдингиз?
- Шундоқ бўлди.
- Рубка қоронги эдими?
- Ҳа, мосъе; хотиним ухлаётган эди-да.
- Тепада ҳам чироқ ўчганмиди?
- Албатта.
- Хўш, кейин-чи?
- Орадан анча-мунча вақт ўтди, бир маҳал қулоғимга машина моторининг овози чалинди, кейин у тормоз бергандай бўлди...
- Чиқиб қарамадингизми?
- Йўқ, мосъе. Нима кераги бор?
- Хўш, кейин нима бўлди?
- Сал ўтмай «шалоп» этган товуш эшитилди.
- Худди бирор сувга йиқилгандай-а?
- Ҳа, мосъе.
- **Кейин-чи?**
- Аста зинага тирмасиб, дарчадан мўраладим.

- Шунда нимани кўрдингиз?
- Машинага қараб чопиб бораётган икки одамни.
- Машина турган эканми?
- Ҳа, мосъе. Чиройли машина, «Пежо — 403».
- Шунақа ёруғмиди машинанинг қанақалигини билб бўладиган?
- Айни ўша ерда симчироқ бор-да. Бўйи пастроғи елкадор, оқиш ёмғирпўш кийган.
- Униси-чи?
- Унисини яхши кўролмадим, биринчи бўлиб машинага ўтиридо моторни юргизди.
- Рақамини эслаб қололмадингизми?
- Қанақа рақам?
- Машинанинг рақамини-да?
- Иккита тўқиз, охири етмиш беш, ёдимда қолгани шу.
- Бақириқни қачон эшитдингиз?
- Ҳалигилар жўнаб кетганидан кейин.
- Демак, сувга ташланган одам бақиргунга қадар орадан маълум вақт ўтган, акс ҳолда олдинроқ эшитган бўлардингиз, шундайми?
- Ҳа, мосъе, эҳтимол. Кечаси кундузгига қараганда шовқни камроқ-да.
- Соат неча эди ўшандаги?
- Ярим кечадан ўтган эди.
- Кўпприк устида ҳеч ким йўқмиди?
- Тепага қараганим йўқ.

Шу пайт соҳибда одам тўплана бошлади: баржа соҳибини ўртага олиб, нима ҳақдадир гаплашаётган аддия ходимларини ўткинчи одамлар қизиқиб кузатишарди. Мегрэшинг назарида дайдилар ҳам баржага яқинлашгандай бўлишиди. Кран ҳамон гийчиллаб ишлар, бирин-кетни келиб турган машиналарга «Пуату» ўз юкхоналаридаги қумни тўкарди

- Қаттиқ бақирдими?
- Ҳа, мосъе.
- Нима деб бақирди? Ёрдамга чақирдими?
- Бир нималар деб бақирди-да, кейин жим бўлиб қолди.
- Сиз нима қилдингиз?
- Қайнқقا сакраб, арқонин бўшатдим...
- Чўкайтган одамни дарров кўрдингизми?
- Йўқ, мосъе. «Пуату»нинг хўжайини ҳам бақириқ-

ни эшитган шекилли, кема саҳнида зир югуриб, чангак билан алланимани тутишга урина бошлади.

— Гапираверинг.

Фламандиялик йигит юз берган воқеани жон-жаҳди билан тушунтиришга уринар, афтидан, бу унга осон бўлмаётган эди шекилли, пешонаси реза-реза тер билан қопланганди.

- Чўкаётган одам доим назарингизда бўлдими?
- Йўқ. У гоҳ кўринар, гоҳ кўздан фойиб бўларди.
- Сув домига тортган пайтларда-да, шундайми?
- Ҳа, мосъе, оқим уни суриб кетаётганди.
- Қайингизни ҳам, албатта.
- Ҳа, мосъе... Қўшним қайиққа сакради.
- «Пуату»нинг эгаси-да?

Жозефга сухбатдошининг саволлари эзмаликдай туюлдими, бир уғ тортиб қўйди. Унинг учун бу жўн бир ҳодиса эди чамаси, бунақа воқеаларга у кўп дуч келган.

- Икковларинг уни сувдан тортиб олдинглар-а?
- Шундоқ бўлди.
- Аҳволи қанақа эди?
- Кўзлари очиқ эди... Қайиққа чиқариб олганимиздан кейин қуса бошлади.
- Хеч нарса демадими?
- Йўқ, мосъе.
- Кўрқиб кетгандир-да?
- Йўқ, мосъе.
- Узини қанақа тутди?
- Қанақа тутарди? Чўзилиб ётипти, оғзидан нуқул сув чиқади...
- Кўзлари ҳамма вақт очиқ турдими?
- Ҳа, мосъе, ўлиб қолдими, деган хаёлга ҳам бордим.
- Ердамга чақирдингизми?
- Йўқ, мосъе. Мен чақирганим йўқ...
- Шеригингиз чақирдими?
- Йўқ. Кўприк устидан бирор қичқириб қолди.
- Демак, Мари кўприги устида кимдир кузатиб турган экан-да?
- Ҳа, мосъе. Бирор чўқдими, деб сўради. Мен «ҳа» деб жавоб қайтардим. Ҳозир полицияга хабар қиласман, деди ҳалиги одам.
- Хабар қилдими?
- Албатта. Сал ўтмай велосипедда иккита полиция-чи етиб келди.

- Ёмғир ёга бошлаганмиди?
- Жабрдийдан баржа саҳнига тортиб чиқараётган пайтимизда момақалдироқ гумбурлай бошлади.
- Сизнинг баржангиз саҳнигами?
- Ха.
- Хотинингиз уйғондими?
- Рубкада чироқ ёниқ эди. Аинеке пальтосини ел-касига ташлаб, бизни кузатиб турган экан.
- Қонга қачон кўзингиз тушди?
- Уни штурвал ёнига ётқизган пайтимизда. Бошидаги ёриқдан қон силқиётган эди.
- Ёриқдан?
- Ха, тешикдан-да... Билмадим сизлар нима дейсизлар...
- Полициячилар тез келишдими?
- Ўша заҳотиёқ..
- Сизларга овоз берган йўловчи-чи?
- Уни қайтиб кўрмадим.
- Кимлигини билмайсизми?
- Йўқ, мосъе.
- Тунда содир бўлган ва Жеф ван Гут тутилиб-тутилиб, худди фламандчадаи таржима қилаётгандай қийналиб ҳикоя қилиб берган бу даҳшатли воқеани офтоб чарақлаб турган бир пайтда тасаввур қилишнинг ўзи ҳам оғир эди.
- Демак, дайдини олдин бошига бир нарса билан уриб, кейин сувга улоқтиришган, шундайми?
- Доктор шунаقا деди. Полициячилардан бири қайтиб кетиб, дарров докторни бошлаб келди-да. Кейин «тез ёрдам» етиб келди. Ярадорни олиб кетишганидан сўнг баржа саҳнини роса ювдим — анча-мунча қон ҳалқоб бўлиб қолган эди.
- Сизнингча, нима воқеа юз берган?
- Билмадим, мосъе...
- Сиз полициячиларга...
- Кўнглимдагини айтдим. Ё нотўғри қилибманми?
- Нима дедингиз уларга?
- Бу шўрлик кўприк остида ётган бўлиши керак, дедим.
- Уни илгари кўрмагансиз-ку?
- Эслолмаяпан... Кўприкларнинг остида ҳар доим одамлар тунашади-ку...
- Ха, яхши... Давом этинг. Демак, машина келиб тўхтади...

- Ҳа, ҳа, қизил машина. Буниси аниқ.  
— Баржангизга яқин жойда тұхтадими?  
Жеф бош силкиб, соҳилга ишора қилди.  
— Мотори ўчирилмаганмиди?  
Бу гал у рад маъносида бош чайқади.  
— Демак, оёқ товушларини эшилдингиз?  
— Ҳа, мосъе.  
— Йкки кишининг оёқ товушимиidi?  
— Иккитасига кўзим тушди, бу пайт улар машина-  
га қайтишаётган эди.  
— Кўпrik олдига келишганини кўрмадингизми?  
— Пастда мотор титкилаётган эдим.  
— Хуллас, ўша иккалови — бири оқиш ёмғирпўш  
кийган — ухлаб ётган дайдини бошига уриб, кейин Се-  
нага ташлашган, десак бўлади. Шундайми?  
— Мен тепага югуриб чиққанимда, у сувда эди.  
— Тиббиёт хулосасида, жабрланувчининг боши сув-  
га йиқилган пайтида ёрилмаган... ҳатто тошга теккан  
тақдирда ҳам бундай бўлиши мумкин эмас, дейилган.  
Ван Гут адлия ходимларига, бу ёғининг менга ало-  
қаси йўқ, дегандай қаради.  
— Хотинингизни сўроқ қилсак майлими?  
— Бемалол. Лекин у гапингизга тушунмайди, чунки  
Аинеке фақат фламандчани билади.  
Прокурор ёрдамчиси, бошқа саволингиз йўқми, де-  
гандай Мегрэга қаради. Комиссар бош чайқади. Мабо-  
до бирор савол туғилган тақдирда ҳам у буни прокура-  
тура ходимлари кетгандан кейин берган бўларди.  
— Биз йўлга чиқаверсак бўладими? — деб сўради  
баржа эгаси.  
— Фақат кўрсатмаларингизни имзолаб, бораётган  
манзилингизни айтсангиз бас.  
— Руянга кетяпман.  
— Бундан кейин ҳам қаердалигингилини бизга маъ-  
лум қилиб туришингизга тўғри келади. Котибим қўл қўй-  
ишингиз лозим бўлган қоғозларни олиб келади.  
— Қачон?  
— Тушдан кейин.  
Бу жавоб Жеф ван Гутга унчалик ёқмади.  
— Дарвоқе, укангиз баржага қай пайтда қайтиб  
келди?  
— «Тез ёрдам» машинаси жўнаб кетиши биланоқ.  
— Ташаккур.  
Жеф ван Гут яна жаноб Паррен ва унинг ҳамроҳла-

рига энсиз тахтадан соҳилга ўтишда ёрдамлашди. Адлия ходимлари кўприк томон йўл олишди. Баржа яқинида турган дайдилар ўзларини четга олишди.

— Бу воқеа тўғрисида фикрингиз қандай, Мегрэ?

— Бошим қотиб қолди. Ғалати ҳодиса. Бошпанасиз бир дайдига хужум қилиш кимга керак бўлиб қолдийкин? Бунақаси кам учрайди.

Мари кўприги остида, тош устуннинг ёнгинасида итнинг каталагидай хароб бир кулба сўппайиб турарди. Шунга қарамай у қанчадан-қанча бечораю нотавонларга вақтинчалик бўлса ҳам бошпаналик вазифасини ўтарди.

Жаноб Парреннинг анграйиб қолганини кўриб, Мегрэ мийиғида бир кулиб қўйди-ю, сўнг тушунтириди:

— Бунақа кулбалар Париждаги ҳамма кўприкларнинг остида бор. Шунақалардан бири Жиноят қидирав полицияси биносининг рўпарасида ҳам қаққайиб турибди.

— Полиция бирор чора кўрмаяптими?

— Фойдаси йўқ, биринчи йўқотсанг, иккинчиси пайдо бўлаверади.

Бу антиқа ҳужра, одатда, эски яшиқлар ва брезент лахтакларидан «қуриларди». Ҳажми шундоқки, бир одам базёр сингади. Шунда ҳам ғужанак бўлиб ётиши керак. Ерга тўшалган йириқ адёл, похол ва эски газеталардан мөгор ҳиди келади.

Жаноб Паррен жабрдийданинг нарсаларига қўл текизишдан ирганди, бинобарин, бор лаш-лушларни Мегрэнинг ўзи куздан кечиришига тўғри келди.

Таги тешилиб, оғзига панжара ўрнатилган дегча ўзоқ вазифасини ўтарди. Ичиди бир ҳовуч кул, аллақайси гўрдан териб келинган уч-тўрт дона писта кўмир. Комиссар похол тўшакни титкилаган эди, ичидан икки бурда қотган ион билан ит ҳам ҳидламайдиган колбаса қолдини чиқди. Бурчакда эса қандайдир китоблар сочилиб ётарди:

— Верленинг «Донишмандлик» асари, Боссюэнинг «Тобут узра айтилган шутқлар»и...

Мегрэ ерда ётган бир журнални қўлига олди. Журнал, афтидан, узоқ вақт ёмғирда қолган ва ахлат яшигидан топиб олинган. Бу «Тиббиёт ахборотлари»нинг эски бир сони эди.

Ниҳоят, яна бир китобнинг бир бўлаги — «Муқаддас Елена оролидан битиклар»нинг иккинчи қисми.

Судья Данцигер прокуратура ходимидан ҳам беш-баттар гарангсиб қолган эди.

— Бу одамнинг китоб танлаши ғалати экан, бири боғдан, бири тоғдан-а, — деб ғўлдираб қўйди судья.

— Эҳтимол, тасодифан шундай бўлиб қолгандир, — дэя ўз фикрини билдири Мегрэ.

Йиртиқ адёл остидан қийимнусха нарсалар ҳам то-пилди: ҳамма ёғига бўёқ чапланган кулранг свитер, афтидан, биронта рассомники бўлса керак; сарфиш тикдан тикилган шим; тагчарми ейилиб кетган кигиз шиппак; беш жуфт пойма-пой пайпоқ. Ва, ниҳоят, учи синган қайчи.

— Тирикмикин у? — деб сўради бит-мит илашиб қолишидан қўрқиб, ҳамон анча нарида турган прокурор ёрдамчиси.

— Бир соат олдин касалхонага қўнфироқ қилганим-да тирик эди.

— Омон қолишига умид бор эканми?

— Ҳаракат қилишяпти... Бечоранинг бош суяги синган, бундан ташқари, дўхтирлар, зотилжам бўлиб қолмасайди, деб хавотирланишяпти.

Мегрэ синган болалар аравачасини беихтиёр орқа-олдинга фидирата бошлади, афтидан, дайди ахлат яшикларини титкилашга мана шу аравачаси билан борса керак. Сўнг бирдан буларни кузатиб турган жулдуровоқиларга ўгирилиб, ҳаммаларига бошдан-оёқ разм солиб чиқди. Уларнинг баъзилари дарров юзини четга бурди. Бошқалари эса лоқайд бақрайиб тураверишиди.

— Ҳой, бери кел! — деб чақирди Мегрэ бир аёлни бармоғи билан имлаб.

Агар бу воқеа ўттиз йил бурун, Мегрэ кўча тартибини сақлаш бўлимида ишлаб юрган пайтларида содир бўлганида, у буларга номманом мурожаат қилган бўларди, зеро у пайтларда Париждаги дайдиларнинг кўпчилигини шахсан танирди.

Дарвоқе, ўшандан бери дайдилар кўпам ўзгарғани йўқ. Фақат сал камайди, холос.

— Қаерда туайсан?

Аёл комиссарнинг кўнглини ийдирмоқчи бўлгандай ғалати кулимсираб қўйди.

— Ҳов анови ерда, — деди у Луи-Филиппи купригига ишора қилиб.

— Кечаси сувдан тортиб олингай одамни танирмидинг?

Аёлнинг юзлари салқиган, оғзидан вино ҳиди анқиб турарди. У бош силкиди.

— Уни табиб дейишарди.

— Нима учун?

— Каллали одам эди-да. Илгари ростдан ҳам дўхтири бўлган экан.

— Кўпдан буён кўприк остида яшармиди?

— Анча йил бўлди.

— Аниқроғи?

— Қайдам... Иллар ҳисобидан адашиб кетганман...

Аёл шундай деб, хохолаб кулди ва юзига тушиб турган оппоқ соchlарини қўли билан орқага қайтарди. Индамай турганида унга олтмиш ёшлар бериш мумкин, аммо оғиз очди дегунча тиhsиз жағи ликиллаб, янам қарироқ кўринарди. Илло, кўзларида ёшлик чоғидан қолган табассум ўйнаб турар ва гоҳ-гоҳ гўё гувоҳликка чақиргандай, ёнидаги шерикларига қараб қўйиб:

— Е гапим нотўгрими? — деб сўради улардан.

Дайдилар комисsar ва унинг атрофидаги башанг кийинган жаноблар олдида ўзларини ноқулай сезиб, тортина-қўмтина бош иргашарди.

— Ҳамма вақт шу кўприк остида тунармиди?

— Йўқ, ҳамма вақт эмас. Уни Янги кўприк остида ҳам, Берен соҳилида ҳам кўрганман...

— Марказий бозорда-чи? — деб сўради Мегрэ. Чунки аксарият дайдилар айнан ўша ерда тунашини комисsar яхши биларди.

— Йўқ, — деб жавоб берди аёл.

— Ахлат яшиклари ёнида ҳам учратганмисан?

— Камдан-кам. Кўпинча у реклама ишларига ёлланарди.

— У ҳақда яна нималарни биласан?

— Бошқа ҳеч нарсани...

— Сен билан сира гаплашганми?

— Бўлмасам-чи! Баъзан сочини ҳам олиб қўярдим.

Одам бир-бирига ёрдам бериши керак-ку!

— Кўп ичармиди?

Мегрэ ўринсиз савол берганини дарров тушунди: дайдиларнинг ҳаммаси ҳам ичади-да.

— Ҳамма қатори.

— Кўпми?

— Уни ҳеч қачон маст ҳолда кўрмаганман. Лекин

мен ҳақимда бундай деб бўлмайди.— У хахолаб кулди.— Мен сизни танийман, эслаб қолганман — яхши одамсиз. Бир марта кабинетингизда сўроқ қилгансиз мени... Анча бўлди бунга... Бундан йигирма йилча олдин... У пайтда Сен-Дени дарвозаси ёнида ишлардим...

— Қечаси ҳеч қандай шовқин эшитмадингми?

Аёл қўли билан Луи-Филипп кўпригига ишора қилди, шу йўсин Мари кўприги билан Луи-Филипп кўприги орасидаги масофани таъкидламоқчи бўлди.

— Жуда олис...

— Ҳеч нарса кўрмадинг ҳамми?

— Машина чироғини кўрдим, холос... Яқинига ҳам бордим — тўғри, ёнгинасига эмас,—опкетиб қолишлидан қўрқдим, қарасам — «Тез ёрдам» машинаси экан...

— Ҳўш, сизлар-чи, кўрдингларми бирор нарсани? — Мегрэ бошқа дайдиларга мурожаат қилди.

Улар бошларини сарак-сарак қилишди.

— «Пуату» даги одам билан гаплашсак тузук бўларди, — деб қолди прокурор ёрдамчиси. У тезроқ бу можародан қутулиш пайда эди.

Фламандияликка мутлақо ўхшамайдиган бу одам анчадан буён уларни кутаётган эди. Гарчи бу баржа унга тегишли бўлмаса ҳам, «Пуату»да ўзи билан бирга хотини ва болалари ҳам бор эди. Баржа фақат Юқори Сенанинг қум конларидан Парижга қатнар экан. Бу одамниң исми-шарифи, Жюстен Гуле экан. Ўчиб қолган сигаретани лабига қистириб олган паст бўйли, кўзлари қув Жюстен Гуле нари борса қирқ бешлар атрофида эди.

Ҳамон қум тушираётган краннинг шовқини қулоқни пармалар, буннинг устига, кишини бақириб гаплашишга мажбур этарди.

— Одамларга ҳам ҳайронман — деди Гуле тўнғиллаб.

— Нега унақа деяпсиз?

— Ризқини териб еб юрган бир noctor дайдини бошига уриб, сувга ташлаворишипти-я!

— Ўзингиз кўрдингизми?

— Йўқ. Кўрганим йўқ.

— Қаерда эдингиз ўша пайтда?

— Ухлаб ётувдим.

— Нега уйғониб кетдингиз?

— Бақирган овозни эшитив, уячонио кетдим.

— Машина шовқинини эшитмадингизми?

— Балки эшитгандирман! Тепада, соҳилда машина-

ларнинг кети узилмайди, шунинг учун бунга эътибор берганим йўқ.

— Кейин баржа саҳнига чиқдингиз?

— Ҳа-да... Чолворда югурдим, кийиниб ҳам ўтирамадим.

— Хотинингиз-чи?

— «Қаёққа кетяпсан?» — деб сўради уйқу аралаш.

— Саҳнига чиққанингиздан кейин нимани кўрдингиз?

— Ҳеч нимани... Одатдагидай Сенада сув ҳайқириб оқиб ётарди. Ҳалиги одамнинг қаердалигини аниқлаб олиш учун: — «Хе-её!» — деб қичқирдим.

— Жеф ван Гут қаерда эди бу пайтда?

— Фламандияликми? Ўзининг баржасида, унинг саҳнида турган эди. Қайифини сувга тушираётган экан... Ёнимдан ўтаётганида мен ҳам сакраб қайиқча тушволдим... Кейин анови одамни кўриб қолдик, у бир кўриниб, бир шўнғиб оқиб келаётган эди... Фламандиялик уни чангак билан тутишга уринди...

— Темир чангакмиди?

— Албатта.

— Балки ўша чангак тегиб боши ёрилгандир?

— Иў-ўқ!.. Зўрга иштонидан илволдик. Мен энгashiб, оёғидан тортдим.

— Хушидан кетган эками?

— Кўзлари очиқ эди.

— Ҳеч нарса демадими?

— Оғиздан тўхтовсиз сув келди... Етқизиб қўйгани миздан кейин қонни кўрдик.

— Менимча, шу ерда тўхтасак ҳам бўлар,—деб тўнғиллади жаноб Паррен. Бу фожеага у мутлақо бепарво қараётган эди.

— Бўпти... Бу ёғини ўзим давом эттираман, — деди Мегрэ.

— Қасалхонага борасизми?

— Ҳа, бормоқчиман... Дўхтирлар, бир неча соатдан кейин тилга кириб қолса керак, дейишяпти.

— Мени хабардор қилиб туринг.

— Албатта.

Улар Мари кўприги остидан қайтиб ўтаётгандариди, Мегрэ Лапуэнти тўхтатди:

— Район комиссарлигига қўнғироқ қил, одам юборишисин.

— Сизни қаердан топаман, хўжайнин?

— Шу ерда бўламан.

Мегрэ прокуратура ходимлари билан совуққина хайрлашди.

## II боб

— Судда ишлайдими булар? — деб сўради бақалоқ аёл, ҳалиги одамлар сал узоқлашгач.

— Прокуратурада, — деди Мегрэ.

— Бари бир эмасми? — Аёл шундай дедиу, гапни дарров бошқа ёққа бурди: — Намунча, тешик тўрвани арзанда қилишмаса! Ё ростдан ҳам дўхтирикин у?

Мегрэ буни билмасди. Афтидан, билишга ҳам шошилмаётганди. Шу тобда у, гўё бу воқеаларни қачонлардир бошидан кечиргандай, мубҳам бир кайфиятда эди. Лапуэнт соҳилга кўтарилиб, кўздан ғойиб бўлди. Пакана судья билан котиб ҳамроҳлигига келган прокурор ёрдамчиси қияликдан мункайганча юқорига ўрлаб борар, ботинкасига лой тегишидан қўрқиб, авайлаб қадам босарди.

«Зваарте-зваан» баржаси кун нурида ўрқирап, кеманинг ичи ҳам ташқариси сингари ёғ тушса ялатудай озода бўлса керак, деган таассурот туғиларди кишида. Қоматдор фланандиялик чамбарак олдида турганча Мегрэни зимдан кузатар, худди қизлардек ёш ва дилбар малла сочли хотини эса, беланчак устига энгашганча боласининг тагликларини алмаштиради.

Селестэн соҳилида у ёқдан-бу ёққа тўхтовсиз ўтиб турган машиналарнинг шовқинига ва «Пуату» баржасидан қум тушираётган краннинг ғийчиллашига қарамай, қушларнинг нағмаси билан дарёнинг шовуллагани ҳам баралла қулоққа чалинарди.

Уч нафар дайди ҳамон хавотирланиб бир четда туришарди, фақат бақалоқ аёлгина комиссарнинг ортидан кўприк остига қараб юрди. Унинг эгнидаги қизғиши камзули эскириб, шу қадар исқирт бўлиб кетгандики, қараган кишининг кўнгли айнарди.

— Исминг нима?

— Леа. Лекин мени кўпинча «бақалоқ Леа» деб аташади.

Бу гапи ўзига нашъя қилиб, яна хаҳолаб кулди.

— Бу кеча қаерда тунадинг?

— Айтдим-ку сизга.

— Енингда ким бор эди?

— Фақат Дедә, ҳов анови орқасини ўғириб турган паканаси.

— Дўстингми у?

— Ҳаммаси дўстим.

— Ҳар доим шу кўпприк остида тунайсанми?

— Баъзан жойни ўзгартириб турман. Нимани қидиряпсиз?

Мегрэ ростдан ҳам ишманидир изларди. Яна табибининг лаш-лушлари устига энгашди. Прокурор ёрдамчиси билан унинг ҳамроҳлари кетгандан сўнг у ўзини анча эркин ҳис қилмоқда эди. Энди шошмаса ҳам бўлади. Латталар орасидан кичкина темир ўчоқ, това, қошиқ билан санчқи чиқди. Шишаси дарз кетган жез гардишли қўзойнакни тақиб кўрган эди, кўзлари жимирилашиб кетди.

— Табиб буни ўқиганда тақарди, — дея изоҳ берди бақалоқ Леа.

— Қизиқ, — деди Мегрэ аёлнинг кўзларига тикилганча, — нега анави...

Аммо аёл унинг гапини охиригача эшитмади. Кулбадан бир неча қадам пари бориб, каттакон тош орқасидан чала ичилган вино шишиасини олди.

— Сен ичувдингми?

— Ҳа, тугатиб қўя қолай. Барibir табиб қайтгунча ачиб қолади.

— Қачон олувдинг винони?

— Кечаси, «тез ёрдам» уни олиб кетгандан кейин.

— Бошка ҳеч нарсасига текканинг йўқми?

Леа жаҳл билан ёнбошига туфлади.

— Үлай агар!

Мегрэ ишонди. Дайдилар бир-бирларининг нарсаларига тегмасликларини у ўз тажрибасидан биларди. Улар умуман камдан-кам ўғирлик қилишади, фақат тезгина қўлга тушишларидан қўрқиб эмас, балки дунёдаги ҳамма нарсага бефарқ бўлиб қолганликлари учун ҳам бу ишга қўллари бормайди.

Рўпарада, Сен-Луи оролида, шинам хонадонларнинг деразалари ланг очиқ, уларнинг биридан ўзини кўзгуга солиб, сочини тараётган танноз бир жувон кўриниб турибди.

— Винони кимдан сотиб оларди у?

— Аве-Мария кўчасидаги майхонадан чиқиб кетаётганини бир неча марта кўрганман.... Бу ердан узоқ эмас, Жардэн кўчасининг муюлишида...

— Бошқалар билан муносабати қандай эди?

Аёл аниқроқ жавоб бериб, комиссарни мамнун этиш ниятида бир оз ўйланиб турди.

— Очифи, билмайман... Бошқалардан кўпам фарқ қилмасди...

— Ўз ҳаёти ҳақида гапириб берармиди?

— Бизда бу ҳақда ҳеч ким гапирмайди. Мабодо кай-фи жуда ошиб қолганда чакаги очилмаса...

— Табибнинг ҳам кайфи ошган пайтлари бўлармиди?

— Қаттиқ маст бўлганини сира кўрмаганман.

Мегрэ гаплаша туриб, бир тўп эски газеталар ости-дан — улар, афтидан, тўшак вазифасини ўтаса керак, — ҳар хил рангга бўялган, бир оёғи синган ёғоч тойчоқни суғуриб олди. Аммо бу уни ҳам, бақалоқ аёлни ҳам мут-лақо қизиқтирмади.

Шу пайт бир одам қияликтан йўрғалаб тушиб, фла-мандияликнинг баржаси томон юра бошлади. Иккала қўлида лиқ тўла тўрхалта, тўрхалтадан иккита катта-кон батон билан икки боғ кўк пиёз чиқиб турибди.

Фламандияликнинг укаси шу бўлса керак, чунки ўзи-га жуда ҳам ўҳшайди, фақат ундан сал ёшроқ ва ке-лишганроқ. Эгнида кўк шим, оқ йўлли свитер. У баржа саҳнига чиқиб, акаси билан бир — икки оғиз гаплаш-гач, комиссар томон қаради.

— Ҳеч нарсага тегма Ўзинг ҳали менга керак бўлиб қолишинг мумкин. Агар бирор нарсадан хабар топсанг... олдимга бор, — деди комиссар бақалоқ Леага.

— Наҳотки сизнинг ишхонангизга борсам? — У яна хахолаб кулди. — Тугатиб қўя қолсам-чи? — деди сўнг шишага ишора қилиб.

Мегрэ бош ирғади-да, полициячи ҳамроҳлигида қай-тиб келаётган Лапуэнт томон юрди. Комиссар полиция-чига, эксперт келгунча табибнинг лаш-лушларига қа-раб турини буюриб, Лапуэнт билан бирга «Зваарте Зваан» баржасига ўйл олди.

— Исмингиз Хуберт ван Гут, шундайми?

Йигит бош ирғади. У акасига қараганда камгапроқ ва сипороқ кўринди.

— Қеча кечқурун танцага борганмидингиз?

— Бунинг нимаси ёмон?

Унинг талаффузи акасиникидан кўра тузукроқ эди. Мегрэ билан Лапуэнт соҳилда турешгани сабабли Ху-берт билан бўйнини чўзиб гаплашарди.

— Қаерга борувдингиз?

— Бастилия майдонига туташ торкўча бор. Қаҳвахоналари кўп. Мен «Леон»да эдим.

— Илгари ҳам кириб турармидингиз?

— Кўп борганман.

— Демак, тунги воқеадан бехабарсиз?

— Ҳозир акам гапириб берди.

Баржа саҳнидаги мис мўридан тутун чиқиб турарди. Аёл боласи билан аллақачон пастга, тагхонага тушиб кетган, у ердан келаётган лаззатли таомнинг ҳиди комиссар билан инспекторнинг димогига урилиб, иштаҳаларини қитиқларди.

— Қачон жўнашимиз мумкин? — деб сўради йигит.

— Тушдан кейин, судья акангизга сўроқ протоколлариға имзо чекдириб олганидан сўнг.

Ниҳоятда саришта Хуберт ван Гутнинг бадани ҳам, акасиникидай, қизғиши тусда, бежирим олинган соchlариmallа ранг эди.

Бир оздан сўнг Мегрэ билан Лапуэнт Селестэн соҳилини кесиб ўтиб, Авс-Мария кўчасининг муюлишидаги «Кичик Турин» қаҳвахонаси олдидан чиқишиди. Остонада камзул кийған майхона соҳиби турарди. Ичкарида ҳеч зор йўқ эди.

— Қирсак бўладими?

Қаҳвахонасига шундай мартабали хўрандалар ташриф буюрганидан таажжубланган хўжайин ўзини четга олди. Қаҳвахона кафтдеккина эди: учтагина стол қўйилган. Деворлар яшил рангга бўялланган. Шифтда дудланган сон гўшти, Болонъяда тайёрланган колбасалар, сиртидан вино тўла мешларга ўхшаб кетадиган ажабтурвур пишлоқлар осилиб турибди.

— Нима хоҳлайдилар?

— Вино.

— Къянтими?

Тўқима четанларга солинган шишалар токчаларда қаторлашиб турган бўлса ҳам, хўжайин уларга тегмади, пештахта остидан бошқа шишани олиб, кўзини меҳмонлардан узмаганча стаканларни тўлдириди.

— Табиб лақабли дайдини танийсизми?

— Нима бўлди унга? Тирикми ишқилиб?

Энди фламандча эмас, итальянча талаффуз эшитилди. Қаҳвахона эгаси Жеф ван Гут билан унинг укасига ўхшаган бегам ва совуқон эмас, ўта қизиқон одам эди.

— Юз берган воқеадан хабардормисиз? — деб сўради Мегрэ.

- Кечаси унга бир бало бўлганини эшидим.
- Ким айтди сизга?
- Эрталаб бир дайди гапириб берди.
- Нима деди?
- Мари кўприги ёнида тўс-тўполон бўлганини, кейин табиби «тез ёрдам» олиб кетганини айтди.
- Бор-йўғи шуми?
- Уни сувдан тортиб олишибди шекилли.
- Табиб сиздан вино харид қилиб турармиди?
- Тез-тез.
- Кўп ичармиди?
- Кунига салкам икки літрча... Ёнига пул тушганда, албатта...
- Пулни қаердан оларди?
- Ҳамма дайдилардай... Марказий бозорда ёки бошқа бирор ерда ҳаммоллик қиласарди. Кўпинча кўча-кўйда реклама тахтасини кўтариб юрарди. Табибга ҳамма вақт қарз бериб турардим.
- Нима учун?
- Чунки у бошқаларга ўхшаган хашаки дайди эмас эди... У хотинимни ўлимдан сақлаб қолган.
- Қаҳвахона бекаси Леага ўхшаган семиз бўлса ҳам, жуда серҳаракат эди. У ошхонада ўз юмуши билан уймаланарди.
- Мен ҳақимда гапиряпсанми?
- Ҳа, табиби гапириб беряпман.
- Аёл қўлларини пешбандига артганча залга чиқиб келди.
- Уни ўлдиromoқчи бўлишибди, шу ростми? Полицияданмисизлар. Тузалиб кетармикки?
- Ҳозир бир нарса дейиш қийин, — комисsar дудмол жавоб қилди. — Нимадан сақлаб қолган эди сизни?
- Э-э, икки йил олдин кўрганингизда, мени танимасдингиз... Ҳамма ёғимга чилла яра тошиб кетганди. Юзим қассобнинг пештахасидаги қип-қизил гўштдан фарқ қилмасди... Шифохонада қилмаган даволари қолмади, бир-биридан бадбўй малҳамлар ёзиб беришди... Фойдаси бўлмади... Ҳатто овқат ейишни ҳам тақиқлаб қўйишиди, ўзи-ку иштаҳам йўқ... Аллақандай уколлар қилишди...

Эри унинг гапини тасдиқлагандай ора-сира бош ирғаб қўярди.

— Бир куни табиб ҳов анави бурчакка, эшик ёнига келиб ўтирганида дилимни ёрдим. У менга узоқ тикийлиб

турди-да: «Сизни ўзим даволайман», — деди. Бу гапни жуда хотиржам, худди бир стакан вино буюргандай, соддагина қилиб айтди. Мен: «Сизни дўхтир дейишади, шу ростми?» деб сўрадим. Табиб синиқ жилмайди, сўнг: «Мени одамларни даволаш ҳуқуқидан ҳеч ким маҳрум этмаган», — деб жавоб берди.

— Кейин сизга дори ёзиб бердими?

— Йўқ. Озгина пул сўради — икки юз франқ, шекилли — ўзи дорихонага бориб, ўша пулга кукун дори олиб келди. «Мана шу дорининг бир ўрамини илиқ сувда эритиб, ҳар гал овқат олдидан ичасиз. Эрталаб ва кечқурун баданингизни намакоб билан ювасиз», — деди. Хоҳ ишонинг, хоҳ ишонманг, орадан икки ой ўтгач, баданим ҳозиргидай сип-силлиқ бўлди-қолди.

— Табиб сиздан бошқа одами ҳам даволаганми?

— Бундан хабарим йўқ. У жуда камган эди.

— Бу ерга ҳар куни келармиди?

— Деярли ҳар куни... Келиб, икки литр виносини олиб кетарди.

— Бир ўзи келармиди? Уни нотаниш одамлар даврасида кўрганмисиз?

— Йўқ...

— Фамилиясини, олдин қаерда яшаганини айтганимиди?

— Қизи борлигини биламан. Бизнинг ҳам қизимиз бор, ҳозир мактабда... Бир куни у табибга қизиқсиниб қараб турганида, у: «Қўрқма... Менинг ҳам сенга ўхшаган жажжигина қизим бор», — деганини эшигтанман.

Лапуэнт ҳайрон эди: намунча комиссар қандайдир бир дайдининг ўтмишига бу қадар қизиқмаса? Газеталарнинг саргузашт бўлимида бунақа ходиса учун атиги бир неча сатр багищланади.

Аммо Лапуэнт ҳали ёш эди. — Билмасдики, Мегрэ ўзининг бутун хизмати давомида дайди одамнинг жонига қасд қилинганини биринчи марта кўриб турган эди.

— Қанча бераман?

— Балки шўрлик табибининг соғлиги учун яна бир стакан ичарсиз?

Улар яна бир стакандан къяти ичишди — бу гал хўжайнин сахийлик қилди.

Мари кўприги ортда қолди. Мегрэ билан Лапуэнт кўп ўтмай касалхонанинг кулранг биносига кириб боришиди. Бу ерда рўйхатчи аёл билан анчагина ади-бади айтишишга тўғри келди.

— Фамилиясини биласизми?

Лақабини биламан. Табиб деб аташади уни. Бу ерга кечаси олиб келишган.

— Кечаси, бошқа одам навбатчилик қилган. Қайси бўлимда ётибди?

— Билмайман... Телефонда бир талаба билан гаплашган эдим. Операция қилиш-қилмасликларини айтгани йўқ.

— Талабанинг фамилияси нима?

Рўйхатчи аёл дафтарини бир неча бор варақлаб, қаёққадир қўнғироқ қилди

— Узингиз ким бўласиз?

— Комиссар Мегрэ.

Бу ном рўйхатчи аёлда ҳеч қандай қизиқиш уйғотмади ва у лоқайдлик билан гўшакка такрорлади:

— Комиссар Мегрэ...

Сўнг аёл гўё жуда катта хизмат қилиб қўйгандай, миннат билан деди:

— «С» зинасидан тўртинчи қаватга чиқиб, катта ҳамширани топасизлар. — Шу гапни айтгунича ҳам ўн дакиқа ўтиб кетди.

Мегрэ билан Лапуэнт йўл-йўлакай ҳамширалар, ёш-ёш дўхтирлар, халат кийган беморларга дуч келишди, палаталарнинг очиқ эшикларидан қатор-қатор қўйилган каравотлар кўзга ташланарди.

Тўртинчи қаватда яна кутишга тўғри келди, катта ҳамшира жиғибийрон бўлиб икки эркакка ниманидир тушунтирас, улар ҳам хўп дея қолишмасди.

— Иложи йўқ, — деди ҳамшира ниҳоят, — маъмуриятга мурожаат қилинглар, тартиб-қондани мен жорий этган эмасман.

Эркаклар бир нима деб ғўлдираб нари кетишиди. Катта ҳамшира Мегрэга ўгирилди:

— Дайдини сўраб келдингизми?

— Комиссар Мегрэ, — ўзини таништириди у.

Ҳамшира, ким экан бу, деб роса эслашга уринди; унга ҳам комиссарнинг номи бегона эди. Бу ер бутунлай бошқа олам — рақам ёзилган кабинетлар, бир-биридан тўсиқ билан ажратилган бўлинмалар, кенг палаталарга қатор қилиб қўйилган каравотлар, ҳар бир каравотнинг оёқ томонида аллақандай белгилар битилган тахтачалар...

— Аҳволи қалай?

— Яиглишмасам, ҳозир уни профессор Манъен кўраяти.

— Операция қилишмадими?

— Ким айтди операция қилишади деб? .

— Эсимда йўқ... Уйловдимки...

Бу ерда, касалхонада Мегрэ ўзини ноқулай ҳис этди, ҳатто андак ҳадиксираб турди.

— Қанақа фамилия билан қайд этилган?

— Гувоҳномасидаги фамилия ёзилган-да.

— Сиздами ўша гувоҳнома?

— Кўрсатишм мумкин.

Ҳамшира йўлак охиридаги ойна деворли кичкина кабинетга кириб, усти шўрлаб кетган бир гувоҳномани кўтариб чиқди. Гувоҳнома ҳали жиққа ҳўл эди.

Фамилияси — Келлер.

Исми — Франсуа Мари Флорантен.

Қасби — латтафуруш.

Туғилган жойи — Мюлуз, Қўйи Рейн.

Ҳужжатга қараганда, Келлернинг ёши олтмиш учдан ошган, Парижнинг Мобер майдонидаги уйлардан бирида яшаган. Мегрэ бу уйларни биларди: кўпроқ дайдилар яшашади.

— Хушига келдими?

Ҳамшира гувоҳномани қайтариб олмоқчи эди, аммо комисsar уни индамай чўнтағига солиб қўйди.

— Мумкин эмас. Қоидага тўғри келмайди, — деб бидирлади ҳамшира.

— Келлер алоҳида палатада ётибдими?

— Нега энди?

— Қани бошлангчи.

Ҳамшира аввалига тихирлик қилмоқчи бўлди-ю, лекин кейин кўнди.

— Бари бир, профессордан рухсат олишингиз керак.

Ҳамшира Мегрэ билан Лапуэнтдан олдинроқ бориб, бир эшикни очди. Палатага икки қатор қилиб каравотлар қўйилганди. Беморларнинг кўпчилиги кўзларини очганча қимир этмай ётишарди. Халат кийган икки-уч киши хонанинг тўрида шивирлаб нима ҳақдадир гаплашарди.

Палаталарнинг ўртасидаги каравотлардан бирининг ёнида оқ халат ва қалпоқ кийган ўн чоғли йигит-қиз сочи калта қирқилган норғул бир одамни қуршаб олган. У ҳам оқ халатда бўлиб, афтидан ёшлар билан машғулот ўтказаётганди.

— Профессорга халақит берманлар. Кўраяпсизларку, ҳозир у киши банд, — деди ҳамшира.

Лекин ўзи бориб, профессорнинг қулоғига бир нима деб шивирлади. Профессор Мегрэга бир қаради-ю, яна студентларига юзланди.

— Профессор бир неча минутдан кейин бўшайдилар, — деди ҳамшира Мегрэнинг олдига қайтиб келиб. — Кабинетда кутиб туришни сўрадилар.

Шундай деб, у Мегрэ билан Лапуэнти бор-йўғи иккитагина стул қўйилган кичкина бир кабинетга бошлаб келди. Ёзув столи устидаги кумуш рамкада бир-бирига энгалиб турган уч бола билан бир аёлнинг сурати бор эди.

Мегрэ бир оз иккиланиб турдию сўнг трубкасини сигарета қолдиқларига тўла кулдонга қоқиб, бошқатдан тамаки билан тўлдирди.

— Кутдириб қўйганим учун узр, жаноб комисsar. Ҳамширадан келганингизни эшишиб, сал таажжууга тушдим. Нимагаки...

Наҳотки у ҳам: «Бир дайдига шунчаликми?» — деса?! Йўғ-э, унақа демас.

— ...Нимагақи, бунақа ҳодисалар бўлиб турадику, шунақамасми? — деб тугатди сўзини профессор.

— Ҳали ўзим ҳам ҳеч нарса билмайман, шу масала-га аниқлик киритарсиз, деган умиддаман.

— Гап шундаки, унинг бош суюги тешилган, ҳайрият, атрофи дарз кетмабди. Ассистентим эрталаб телефонда сизга айтган бўлиши керак.

— Үнда ҳали рентген патижалари маълум эмас эди.

— Ҳозир маълум... Бемор тузалиб кетиши мумкин. Мияси лат емаган.

— Боши йиқилганида ёки соҳилдаги тошга урилиб ёрилган бўлиши мумкинми?

— Асло. Бошига қаттиқ нарса билан урилган... айтилик, болға ёки гайка бурайдиган асбобга ўхшаган оғир буюм билан...

— Шунга ҳушидан кетганми?

— Албатта... Ҳозир ҳам ҳушига келгани йўқ. Бир неча кун шу аҳволда ётиши ёки бирдан ўзига кепқолиши ҳам мумкин...

Мегрэнинг кўз ўнгидан Сенанинг тик қирғоғи, табибининг кулбаси, ундан бир неча метр нарида ҳайқириб оқаётган бўтана сув ўтди, негадир шу тобда фламанди-яликнинг сўзларини эслади.

— Яна шу масалага қайтганим учун узр. Бошига бирор оғир нарса билан урган, дедингиз. Бир марта урганми?

— Нима аҳамияти бор?

— Тергов учун аҳамияти бор.

— Аввалига бир неча марта зарба урилган, деб ўйладим.

— Нима сабабдан?

— Чунки қулоғи шилингган, юзи кўкарған. Беморнинг соқолини қиришгандан сўнг, уни яна обдон кўздан кечирдим.

— Хўш, қандай хулосага келдингиз?

— Кечирасиз, қаерда юз берган бу воқеа?

— Мари кўприги остида.

— Муштлашибиганми?

— Унақага ўхшамайди. Айтишларича, жабрланувчиға тунда, ухлаб ётган пайтида ҳужум қилингган. Шунақа бўлниши ҳам мумкиними?

— Албатта.

— У ўша заҳоти ҳушидан кетган, деб ўйлайсизми?

— Бунга ишончим комил. Сизнинг гапларингиздан сўнг, нима учун қулоғи билан юзи лат еганини тушуниб турибман. Уни сувдан тортиб олишган, тўғрими? Щундан кейин соҳилдаги тошлоқ ерда судрашган, кўтаришмаган. Ана ўшандада юзи билан қулоғи шилингган. Соҳилда қум борми?

— Ўша ерга яқин жойда баржадан қум туширишяпти.

— Ҳа, баракалла. Ярасидан қум чиқди.

— Демак, табиби...

— Нима дедингиз? — профессор ҳайрон бўлди.

— Соҳилдагилар уни шундай деб аташади. Эҳтимол, илгари дўхтири бўлгандир.

Бунинг устига, ўзининг ўттиз йиллик иш фаолияти мобайнида комиссар Сена кўприги остидан топган биринчи дўхтири шу. Тўгри, қачонлардир Мегрэ қишлоқ мактабининг кимё ўқитувчисига, орадан анча йил ўтгач, ўтмишда машҳур цирк артисти бўлган бир аёлга ҳам шунақа жойда дуч келган.

— Тиббиёт нуқтаи нзаридан, беҳуш ҳолда сувга улоқтирилган одам дарров ўзига келиб, бақириши мумкиними? — деб сўради Мегрэ.

Профессор бошини қашлади.

— Ҳм... сиз мендан кўп нарса ни талаб қилаяпсиз. Ал-

батта шунақа бўлади, десёлмайман... Аммо бунақа бўлиши мумкин эмас, деб ҳам ҳеч ким айтольмайди. Балки совуқ сув таъсир қилиб...

— Ўзига келгандир, демоқчисиз-да?

— Лекин ҳамма вақт бунақа бўлавермайди. Киши беҳуш ҳолда ҳам гапириши, алаҳсираши мумкин.

— Уни кўраётган пайтингизда чурқ этмадими?

— Бир-икки марта ингради, холос.

— Сувдан тортиб олишганда кўзлари очиқ экан.

— Бу ҳеч нарсани билдирамайди. Назаримда, сиз уни кўрмоқчисиз, шундайми? Юринг.

Професор Манъен полиция ходимларини палатага бошлади. Катта ҳамшира буларнинг орқасидан ижирғаниб қаради.

Улар палата ўртасидан юриб бериб, каравотлардан бирининг тепасида тўхташди. Беморлар кутилмаган бу меҳмонларни қизиқиб кузатишарди.

— Кўрадиган жойи ҳам йўқ, — деб қўйди профессор.

Дарҳақиқат, дайдининг боши ва юзлари дока билан танғиб ташланган, фақат кўзлари, бурни ва оғзигина очиқ эди.

— Омон қолиш имконияти қанча?

— Юздан етмиш, ҳатто саксон деса ҳам бўлади, чунки юраги бақувват.

— Миннатдорман, профессор.

— Ҳушига келиши билан сизга қўнгироқ қилишади. Катта ҳамширага телефонингиз рақамини қолдириб кетинг.

Улар офтоб чарақлаб турган кўчага чиққач, енгил нафас олишди. Қўча гавжум, Биби Марям ибодатхонаси олдида турган сариқ-қизғиши автобусдан сайёҳлар тушмоқда эди.

Мегрэ қўлларини орқасига қилганча индамай борар, Лапуэнт ҳам комиссарнинг ўз ҳаёли билан бандлигини сезиб, миқ этмасди.

Улар Жиноят қидирув полицияси маҳкамасига келиб, тўппа-тўғри комиссарнинг кабинетига киришли.

Мегрэ деразани очишдан олдин Сенада оқим сари сўзиб бораётган баржаларга бир зум тикилиб турди.

— Табибининг нарсаларини кўздан кечириш учун тепадан бирортасини юбориш керак.

Тепада суд-тиббиёт экспертизаси, турли мутахассислар, техниклар, фотографлар жойлашганди.

— Яххиси, нарсаларини битта машинада шу ерга опкела қолайлик.

Мегрэ табибнинг нарсаларини бошқа дайдилар ўғирлаб кетишидан эмас, кўча болалари хомталаш қилишидан хавотирланаётганди.

— Кўприк ва йўллар бошқармасига боришингга тўғри келади... Менимча, Парижда қизил «Пежо — 403» унчалик кўп бўлмаса керак... Иккита тўққизли ҳамма номерларни ёзив ол... Йигитларни ёрдамга жалб қил: машиналарнинг эгаларини текширишсин.

— Хўп бўлади.

Мегрэ ёлғиз қолгач, трубкасини тозалаб, тамаки тўлдириди ва столи устида уюлиб ётган қофозларга хомуштиклиди.

Шундоқ чароғон кунда «Дофин» қаҳвахонасида овқатлангиси келмади, бир оз ўйланиб турди-да, уйига жўнади.

Мегрэ хоним қизил гулли кўйлак кийиб олган эди, шунданми, комиссар бақалоқ Леанинг қизғиши камзулини эслади. Ошхонага оғиоб нури тушиб турарди.

Мегрэ хаёли паришон бир аҳволда қовурилган бузоқ жигарини тановул қила бошлади.

— Нимани ўйлаяпсан? — деб сўраб қолди бирдан хотини.

— Дайдини.

— Қанақа дайди?

— Қачонлардир дўхтирир бўлган дайдини.

— Нима гуноҳ қипти?

— Билишимча, ҳеч қандай гуноҳи йўқ. Шунга қарамай, кўприк остида ухлаб ётган пайтида бошига уриб, дарёга ташлаворишибди.

— Улгами?

— Йўқ, қутқариб қолишган.

— Нега бундай қилишади?

— Мен ҳам шуни ўйлаяпман... Дарвоқе, у куёвинг билан ҳамюрт экан.

Мегрэ хонимнинг синглиси йўл инженерига турмушга чиққан бўлиб, Мюлузда яшарди. Мегрэ хоним уларникига тез-тез бориб турарди.

— Исми нима?

— Келлер, Франсуа Келлер.

— Қизиқ, таниш фамилияга ўхшайди...

— У ёқда бунақа фамилия кўп учрайди.

— Синглимга қўнғироқ қилиб кўрсаммикан?

Комиссар елкасини қисди. Қейин ўйланиб қолди: дарвоке, қўнғироқ қилса ёмон бўлмасди. Тўғри, бундан бирор иш чиқиши даргумон, лекин баҳонада хотини синглиси билан гаплашиб оладику.

Мегрэ хоним эрига қаҳва келтириб қўйгач, телефонга Мюлузни улашларини сўради. То у ёқдан жавоб бўлгунча, табибнинг исемини ичидаги бир неча марта такрорлади: Келлер... Франсуа Келлер...

Ниҳоят телефон жиринглади.

— Алло, алло! Ҳа, ҳа, Мюлузни сўраган эдим. Сен-мисан, Флоранс? Нима? Ҳа, менман. Йўқ, ҳеч нарса бўлгани йўқ, тинчлик... Париждан, уйдан... Мана, ёнимда ўтирибди, қаҳва ичяпти... Яхши, ишлаб юрибди... Ҳаммаси жойида... Мана, баҳорга чиқволдик... Болаларинг қалай? Грипп дейсанми?... Мен ҳам ўтган ҳафта озгина ётволдим. Менга қара, бир масалада қўнғироқ қилаётувдим сенга. Мабодо Келлер деган одамни эслолмайсанми? Франсуа Келлер! Нима? Ҳозир сўрайман...

— У эрига ўгирилди: — Ёши неччада?

— Олтмиш учда.

— Олтмиш учда... Ҳа... Танимайсанми? Нима дейсан?.. Узмай туринг, хоним, гаплашяпмиз... Алло! Ҳа, дўхтири. Кимдан эшитганимни ярим соатдан буён эслолмаяпман. Эрингдан эшитяпсанми?.. Шошмасанг-чи! Гапларингнй эримга такрорлаб тураман. Мервиль деган қизга уйланган. Отаси нима иш қилади? Суд маслаҳатчиси? Демак, Келлер суд маслаҳатчисининг қизига уйланган? Ҳўш-ҳўш... Ўлган дейсанми? Қачон? Анча бўлган. Сўзларингни такрорлаётганимдан ажабланма, бўлмаса ёдимда қолмайди. Нуфузли оила. Буваси мэр бўлган. Ёмон эшитилаяпти... Алло! Келлер ўша қизга уйланган. Ёлғиз қиз... Саваж кўчаси? Улар Саваж кўчасида туришган. Довдир? Нега? Аниқ биласанми? Ҳа, ҳа, тушундим. Кўчасидай ёввойи, дегин?<sup>1</sup>

Мегрэ хоним эрига, қўлимдан келганча ҳаракат қилипман, дегандай бир қараб қўйди.

— Ҳа, ҳа. Бари бир аҳамияти бўлмаса ҳам. Баъзан керак бўпқолиши мумкин. Буларнинг ишига тушуниш қийин. Ҳа... Қачон? Демак, йигирма йиллар бўпти-да. Холасидан мерос қолган. Келлер уни ташлаб кетган. Дарров эмас. Бир йилча яшаган. Болалари бормиди?

<sup>1</sup> Саваж — французча «ёввойи» дегани.

Қиз? Қимга? Руслэга? Дори-дармон? Парижда яшайди?

Мегрэ хоним эрига тақорлади:

— Қизи бор экан, дори-дармон ишлаб чиқарадиган фабрика эгаси Руслэ деган одамнинг ўғлига турмушга чиқкан. Парижда туришаркан.

Яна трубкага қулоқ берди:

— Тушунаман... Менга қара, батафсилоқ билгин, суриштиргин. Ҳа, раҳмат! Болаларингни ўпид қўй. Истаган пайтингда қўнғироқ қиласвер, ҳар доим уйдаман.

Мегрэ хоним трубкани қўйиб, эрига юзланди:

— Таниш фамилия дедима! Эшитдингми? Суд маслаҳатчисининг қизига уйланган Франсуа Келлер ўша бўлса керак. Маслаҳатчи тўйдан сал илгарироқ вафот этган.

— Хотинчи? деб ғуради комиссар.

Мегрэ хоним эрига ғалати қаради: тегажоғлиқ қиласяптими?

— Билмадим. Флоранс у ҳақда гапирмади. Йигирма йил бурун Келлер хонимга холаларида бирин мерос қолдирган экан. Ҳозир у бадавлат аёлмиш. Дўхтир девонароқ одам экан. Гапларимни эшитдинг-ку. Синглумнинг айтишича, гирт довдир экан у. Улар олдинги уйларидан ибодатхона яқинидаги бошқа уйга кўчиб ўтишган. Дўхтири яна бир йилча хотини билан яшаган-у, кейин тўсатдан ғойиб бўлган. Флоранс ҳозир таниш-билишларига қўнғироқ қиласи — кексароқларига, албатта, — сўраб-суриштиради. Кейин менга айтади. Дўхтирининг тақдидирига қизиқяпсан-ку, тўғрими?

— Албатта, — деди Мегрэ ва токчадан навбатдаги трубкани олиш учун ўрнидан турди.

— Мюлузга ўзинг бормайсанми?

— Ҳозирча бир нарса дейиш қийин.

— Борсанг, мени ҳам ола кет.

Улар бир-бирларига жилмайиб қўйишиди. Дераза ланг очиқ эди. Офтоб чарақлаб турипти. Бундай пайтда одам беихтиёр дам олиш ҳақида, таътил тўғрисида ўй суриси кетади.

— Бўпти... Синглумнинг ҳамма гапларини ёзиб қўяман. Кейин, майли, устимиздан кулсанг кулиб юрарсан...

### III б о б

Лапуэнт «Пежо — 403» маркали қизил машиналарни излаб, Париж кўчаларида изғиб юрган бўлиши керак.

Жанвье ҳам жойида йўқ, уни түғруқхонага чақиришибди. Ҳойнаҳой, тўртинчи фарзанди дунёга келишини кутиб, йўлакда типирчилаб тургандир.

— Зарур ишинг йўқми, Люка?

— Иш қочиб кетмайди, ҳўжайин!

— Бўлмаса, бир зумга менинг олдимга кир.

Мегрэ уни табибининг нарсаларини олиб келиш учун касалхонага жўнатмоқчи эди. Эрталаб шу ҳақда ўйламаган экан.

— Сени хонама-хона югуртириб, сарсон қилишади. Шунинг учун ҳар хил муҳрлар босилган хат олвол, нағи тегади.

— Ким қўл қўяди?

— Ўзинг қўявер. Уларга муҳр ҳисоб. Дарвоқе, ўзимга ҳам анови Франсуа Келлер деганинг бармоқ излари керак эди... Касалхона директорига қўнғироқ қила қолсаммикан?

Қаерданdir бир чумчуқ учиб келиб, дераза токчасига қўнди ва хона ичидан у ёқдан — бу ёққа юриб турган икки кишини кузата бошлади, афтидан, унга бу хона ўзига хос одамзот уясидай туюлди.

Мегрэ касалхона директорига ниҳоятда ҳушмуомалик билан, олдингизга бригадир Люка киради, деб айтди. Иш хамирдан қил суғургандек битди.

— Ҳеч қандай ҳужжат керак эмас! — деди у гўшакни қўяркан, — Сени директорнинг ҳузурига бошлаб киришади, у ёғини директорнинг ўзи тўғрилайди.

Мегрэ ёлғиз қолгач, телефон рақамлари ёзилган китобни варақлай бошлади:

«Русла... Руслэ... Амсдэ... Артур, Алин...»

Руслэлар кўп эди, аммо у йўғон ҳарфлар билан терилган фамилияни танлади: «Рене Руслэнинг дори-дармон лабораторияси».

Лаборатория Ўн тўртинчи округда, Орлеан қопқаси яқинида жойлашганди. Сўнг Руслэнинг уй адреси ёзилган: Сюшэ хиёбони, Ўн олтинчи округ.

Соат икки ярим. Бирдан шамол туриб, кўчада чангтўзон кўтарилди, бу момақалдироқдан нишона эди, аммо бундай бўлмади, ҳаял ўтмай яна баҳор офтоби чараклади.

— Алло! — гўшакдан аёл кишининг майин ва ёқими овози эшитилди.

— Кечирасиз, мен Руслэ хоним билан гаплашмоқчи эдим.

— Ким бўласиз?  
— Комиссар Мегрэман, Жиноят қидирув полициясидан.

Аёл жим бўлиб қолди, кейин:  
— Нима масалада? — деб сўради.  
— Шахсий масала.  
— Руслэ хоним мен бўламан.  
— Мюлузда туғилгансиз, қизлик фамилиянгиз Келлер, шўндайми?

— Ҳа.  
— Сиз билан иложи борича тезроқ кўришишим керак. Ўйингизга борсам бўладими?  
— Бирор ноҳуш гап айтмоқчимисиз?  
— Йўқ. Сиздан баъзи бир нарсаларни сўраб олмоқчиман.

— Қачон келмоқчисиз?  
— Ҳозироқ йўлга чиқишим мумкин...  
— Халақит берма, Жанна! — деди аёл кимгадир, эҳтимол, боласига бўлса керак.

Руслэ хонимнинг таажжубга тушгани, айни пайтда, ҳаяжонлана ётгани шундоқ сезилиб турарди.

— Кутаман, жаноб комиссар. Квартирамиз тўртинчи қаватда.

Мегрэ тонг пайти соҳил бўйлаб сайд қилишни хуш кўрарди. Соҳил манзараси ҳар гал ширин хотираларни қўзғарди. Айниқса Мегрэ хоним билан Сена ёқалаб Парижни неча мароталаб кезиб чиқсан чоғларини эслаганида юраги энтикиб кетарди. Мана ҳозир ҳам инспектор Торанс полициянинг кичкина машинасида уни ўша ёққа — кўркам бинолар жойлашган осуда ва хушманзара кўчага олиб кетаяпти.

— Мен ҳам кирайми, ҳўжайин?  
— Кераги йўқ.

Деворига оқ мармар териилган даҳлизга икки тавақали ойнаванд темир эшиқдан кириларди. Кенг лифт тез ва бешовқин кўтарилиди. Мегрэ эшик қўнғироғини босар-босмас оstonада оқ камзул кийган хизматкор пайдо бўлиб, комиссарнинг қўлидан шляпасини олди.

— Марҳамат, ичкарига!

Йўлакда қип-қизил копток, гилам устида қўғирчоқ ётарди. Мегрэ қия очиқ эшиқдан оқ кўйлакли бир қизчани нариги хонага олиб кириб кетаётган энагани кўрди. Сўнг бошқа эшик очилди — пардозхонанинг эшиги бўлса керак.

— Қираверинг, жаноб комиссар!

Мегрэ, Руслэ хоним ўттиз беш ёшларда бўлса керак, деб ўйлаганди. Аммо у жуда ёш кўринарди. Буғдой ранг, енгил ёзлик кийимда, истараси иссиқ. Нигоҳи ҳам овозидай майнин ва ёқимли. Хизматкор чиқиб кетиши билан у меҳмонга мурожаат қилди:

— Ўтилинг, марҳамат! Қўнғироқ қилганингиздан бери, нима гап деб ўйлайман...

Мегрэ тўғридан-тўғри мақсадга ўта қолмай, негадир:

— Болаларингиз нечта? — деб сўради.

— Тўртта: каттаси ўн бирда, қолганлари тўққиз, етти ва уч ёшда.

Афтидан у уйида полициячини биринчи бор кўраётган бўлса керак, комиссарга ҳадик билан тикилиб турарди:

— Аввалига эримга бир гап бўлдими, деб ўйладим.

— Эрингиз Париждами?

— Йўқ, у Брюсселда, йигинга кетган. Ўша заҳотиёқ қўнғироқ қилдим.

— Отангизни эслайсизми, Руслэ хоним?

Аёл энди сал ўзига келди. Хонага тувакгуллар қўйилган, деразадан Булон ўрмонидаги дараҳтлар кўзга ташланарди.

— Ҳа, эслайман, лекин...

У дудуқланиб қолди.

— Охирги марта қачон кўргансиз?

— Анча бўлди... Ўшанда ўп уч ёшда эдим...

— Мюлузда яшаган пайтингизда-да?

— Ҳа, Парижга турмушга чиққанимдан кейин келганимиз.

— Турмуш ўртоғингиз билан Мюлузда танишганмисиз?

— Йўқ, Ла-Баледа... Ойим билан ҳар йили бориб турардик у ёққа.

Бирдан болаларнинг қий-чуви эшитилиб қолди. Йўлакда қайси биридир гурс этиб йиқилди.

— Ўзр, мен ҳозир...

Аёл эшикни ёпиб чиқиб кетди, болаларига бир нималарни шипшиди.

— Кечиринг, илтимос... Бугун болалар мактабга бормаган... Ўйнатиб келаман, деб ваъда берувдим.

— Отангизни кўрсангиз, танийсизми?

— Танисам керак.

Мегрэ чўнтағидаи табибнинг шахсий гувоҳномасини чиқарди. Гувоҳнома берилган муддатга қараганда, сурат бундан беш йил муқаддам олинган. Бу йирик магазинлар, вокзаллар ва полиция маҳкамаларида турадиган фото-автомат билан олинган оддийгина сурат эди.

Франсуа Қеллер суратга эски кийимда, ҳатто соқолини ҳам олдиримай тушган. Соқоли шу даражада ўсиб кетганки, афтидан, ўзи аҳси-аҳёнда қайчи билан кузаб турса керак. Тенакал. Нигоҳи паришон.

— Шуми?

Руслэ хоним титроқ қўл билан гувоҳномани ушлаб, тузукроқ илғаш учун расмга энгашди. Үзоқин яхши кўрлмаса керак.

— Отам менинг хотирамда бунақа қиёфада қолмаган, лекин сурат отамнилигига шубҳам йўқ.

У суратга янайм яқинроқ энгашди.

— Заррабин бўлганда, эҳтимол... Шошманг, ҳозир обчиқаман.

Руслэ хоним гувоҳномани столга қўйди-да, бир зумда наргиҳи хонадан заррабин кўтариб чиқди.

— Отамнинг чап қовоғида кичкина, лекин чуқур чандиғи бор эди. Ҳа, худди ўзи... Бир қараашда пайқаш кийин бунақа расмда, лекин мана кўриниб турибди... Яхшилаб қаранг-а!..

Мегрэ ҳам заррабинни қўлига олди.

— Эсимда қолганининг сабаби, бу чандиқни менинг дастимдан орттирган эди... Якшанба кунларининг бирида дам олғани шаҳар ташқарисига чиқдик. Ўшанда саккиз ёшларда эдим... Жазира маҳалла пайқашда пайқашда... Буғдойзор четида лолақизғалдоқлар очилиб ётарди. Росаям тергим келди. Аммо буғдойзор тиконли сим билан ўралган эди. Отам мени у томонга ўтказиш учун симни кўтариб турмоқчи бўлди. Пастдаги симни оёғи билан босиб, сал олдинга энгашди... Товба, кўп нарсаларни унутибман-у, шу воқеа эсимдан чиқмапти-я! Бирдан отамнинг оёғи тойиб кетиб, таранг тортилиб турган сим зарб билан юзига урилди. Қўзи лат едимикан, деб ойимнинг капалаги учиб кетди. Отамнинг юзи қонга беланди. Ярани ювиб босглаш учун энг яқин фермага қараб ютургандик. Шу-шу отамнинг қовоғида чандиқ изи қолганди.

Руслэ хоним ушбу ҳодисани ҳикоя қиласка, Мегрэга хавотирланиб тикилар, гўё комиссар асл муддаога ўтиши учун атайлаб вақтни чўзмоқчига ўхшарди.

— Ўнга бирор гап бўйтими?

— Тунда бошини ёришган, лекин дўхтирлар, тўзалиб кетади, дейишияпти.

— Парижда бўлдими бу воқеа?

— Ҳа, Сена бўйида... Кейин уни сувга улоқтиришган.

Комиссар бу гап аёлга қандай таъсир этишини билмоқ ниятида ундан кўз узмасди, аммо Руслэ хоним нигоҳини олиб қочмади.

— Отангиз қандай яшаганидан хабарингиз борми?

— Сал-пал...

— Яъни?

— Бизни ташлаб кетганидан кейин...

— У пайтда ўн уч ёшда экансиз. Эслайсизми қай тарзда кетганини?

— Йўқ, Эрталаб турсам, уйда кўринмади. Ҳайрон бўлдим. Ойимдан сўрасам, узоқ саёҳатга жўнаб кетди, деди.

— Қаерда эканлигини қачон билдингиз?

— Бир неча ойдан сўнг отамнинг Африкада ўрмонда негрларни даволаб юрганини ойимга хабар қилишди...

— Ростдан ҳам шундай бўлганми?

— Менимча, рост бу гап... Кейинчалик отамни кўрганлар ҳам тасдиқлашди буни. Габонда, Либревилдан юз чақиримча нарида жойлашган кичкина шифохонада яшаган экан.

— Габонда узоқ вақт турганми?

— Ҳар ҳолда бир неча йил яшаган бўлиши керак. Дарвоқе, Мюлузда отамни бировлар сал кам авлиё дейишар, бошқалар эса...

Мегрэ гапнинг давомини кутди. Аёл бир оз иккиланиб тургач, қўшиб қўйди:

— Бошқалар уни хаёлпараст, савдоий деб аташарди.

— Ойингиз-чи?

— Менимча, ойим тақдирга тан берган...

— Неча ёшда ҳозир?

— Эллик тўртда... Йўқ, эллик бешда... Отам унга хат қолдирганини кейинчалик билдим, лекин ойим уни менга сира кўрсатмаган эди. Афтидан, отам у хатда энди уйга қайтмаслигини, ажралиш билан боғлиқ ҳамма ташвишларни ўз зиммасига олишга тайёр эканлигини ёзган бўлса керак.

— Ўлар кейин ажралишдими?

— Йўқ. Ойим динга қаттиқ берилган аёл.

— Эрингиз шу воқеалардан хабардорми?

Албатта. Үндап ҳеч парсанни яштумаганимиз.

Отангиз Парижга қайтганини эшитувдингизми?

Руслэ хонимнинг қовоқлари пирпиради, Мегрэ, ҳозир бу аёл бўлган ганириши мумкин деб кўнгилдан ўтказди.

— Ҳа, десам ҳам бўлади, йўқ, десам ҳам... Ўзим уни кўрмаганимай... Ойим ҳам, мен ҳам отамнинг Парижга қайтишига ишонмасдик. Дарвоқе, Мюлузлик бир киши ойимга Сен-Мишель хиёбонида реклама тахтасини кўтариб юрган, отамга жудаям ўхшайдиган бир одамни кўрганини сўзлаб бериди... У ойимнинг эски танишларидан... Исимини айтиб чақирган экан ҳалиги киши бир сесканибди-ю; индамай кетавериби...

— Полицияга хабар қилиш эсингларга келмадими?

— Нима кераги бор? Отамнинг ўзи танлаган-ку шу йўлни... Биз билан яшай олмаслигига кўзи етган.

— Унинг тақдири сизни ташвишлантирмадими?

— Эрим билан бу ҳақда кўп гаплашганмиз.

— Ойингиз билан-чи?

— Ойимдан ҳам кўп сўраганман... Турмушга чиқмасидан оддин, кейин ҳам...

— Ойингиз нима дейди бу ишларга?

— Бир-икки оғиз гап билан тушунтириш қийин буни. Ичи ачийди, албатта... Мени ҳам ичим ачийди. Наҳотки отам бизсиз ўзини баҳтли сезаётган бўлса, деб баъзан ўй суриб қоламан...

Кейин аёл овозини пасайтириб, хижолатомуз давом этди:

— Бизнинг турмуш тарзимизни ҳазм қилолмайдиган одамлар ҳам бўлади. Үндан ташқари, ойим...

Руслэ хоним ҳаяжонланарди. Креслодан туриб, дераза ёнига борди, бир оз кўчага тикилиб тургач, яна жойига келиб ўтириди.

— Ойимга айб қўёлмайман. Унинг ўз дунё қарашибор.... ҳамманикига ўхшаган. Эҳтимол, «шаддод» деган таъриф ойимга унчалик тўғри келмас, лекин у айтганини қилдирадиган аёл.

— Отангиз кетиб қолганидан кейин ойингиз билан муносабатларинг бузилмадими?

— Унақа деёлмайман... Лекин турмушга чиқаётганимдан жуда хурсанд бўлдим, чунки...

— Чунки унинг ғамхўрлигидан холос бўлгансиз?

— Бу томони ҳам бор,— деди у кулимсираб.— Албатта, бунинг ажабланадиган жойи йўқ: кўп қизларнинг аҳволи шу. Ойим меҳмонга боришни, меҳмон кутишни,

машхур одамлар билан учрашиб туришни яхши кўради... Мюлуздалигимизда ўйимизга доим таниқли кишилар йиғилишарди.

— Отангиз борлигига ҳам-а?

— Ҳа, кейинги икки йил мобайнида.

— Нима учун кейинги икки йил мобайнида?

— Чунки бу пайт ойимга холамдан катта мерос қолган... Авваллари одмигина турмуш кечирардик, шаҳарнинг овлоқ гўшасида, торгина ҳовлида яшардик. Отам асосан ишчиларни даволарди... Мерос тегди-ю, ҳаётимиз тамоман ўзгариб кетди... Биз янги жойга кўчдик... Ойим ибодатхона яқинидан бир ҳашаматли уй сотиболди... Бу иморат пештоқидаги тамға унга айниқса хуш ёққан эди...

— Отангизнинг қариндош-уругларини танийсизми?

— Йўқ. Фронтда ҳалок бўлган укасини уч-тўрт марта кўрганман. Агар янглишмасам, у қаердадир Сурияда нобуд бўлган.... ҳар ҳолда Францияда эмас.

— Ота-онасини-чи?

Яна болаларнинг шовқини эшитилди, аммо энди Руслэ хоним бунга эътибор бермади.

— Отамнинг онаси у ўн беш ёшлигига даёқ вафот этган экан... Отаси дурадгорлик ишлари бўйича пудратчи бўлган, деб эшитганман. Ойимнинг айтишича, унинг қўлида ўнга яқин одам ишлаган. Бир куни, отам ҳали дорилфунунда ўқиб юрган пайтида, бобом устахонада ўзини осиб қўйган, кейин маълум бўлишича, иши орқага кетган экан.

— Бари бир отангиз ўқишини тугатишга муваффақ бўлган, шундайми?

— Ҳа, отам ҳам ўқиб, ҳам дорихонада ишлаган.

— Табиати қанақа эди уни?

— Хушфеъл одам эди. Жавобим сизни қаноатлантираслигини тушунаман, лекин менинг хотирамда у айнан шундай киши сифатида қолган. Хушфеъл ва андак маъюс.

— Ойингиз билан ўрталарида жанжал бўлиб турармиди?

— Отамнинг бақириб-чақирганини сира эшитмаганман... Тўғри, агар уйда иши бўлмаса, одатда, кўп вақтини беморларнинг олдида ўтказарди. Эсимда, ойим ўзига беэътиборлиги, ҳар доим битта фижим костюмда юргани, уч кунлаб соқолини олмагани учун нуқул отамга дашном берарди. Мен ҳам, ўпганимда соқоли ботади, деб оловга ёғ сепиб турардим.

— Ҳамкаслари билан мунисабати қандайлигини билмасангиз керак?

— Ойимнинг гап-сўзларидангина биламан, лекин қанчалик тўғри-нотўғрилиги ҳақида бир нарса деёлмайман. Ойим ёлғон гапирмайди-ю, аммо хаёлидаги нарсанни худди бўлган воқеадай қилиб сўзлашни яхши кўради... Модомики отамга турмушга чиқибдими, демак, дунёда отамдан баҳтли одам йўқ...

— «Отанг — шаҳарнинг энг зўр дўхтири, дерди у менга. — Ҳеч шубҳасиз, Франциядаги энг яхши дўхтирилардан бири. Аммо...» — Руслэ хоним яна кулимсиради. — Бу ёғини тушуниб тургандирсиз... Отам шароитга қараб иш тутишни билмасди. Бошқаларга ўхшашни ҳохламасди... Буванг иши орқага кетгани учун эмас, руҳий касалликдан ўзини осган, дерди ойим менга... Сабаби, бувамнинг қизларидан бири руҳий bemорлар шифохонасида ётиб чиққан экан...

— Кейин нима бўлган унга, аммангизга?

— Хабарим йўқ... Ойим ҳам билмаса керак. Ҳар ҳолда, Мюлдуздан кетиб қолган.

— Ойингиз ҳалиям ўша ердами?

— Ойим аллақачон Парижга кўчиб келган.

— Адресини айтольмайсизми?

— Орлеан соҳили, йингирма тўққизинчи уй.

Мегрэ сесканиб кетди, аммо аёл буни сезмади.

— Сен-Луи оролида... Орол Парижнинг сўлим жойларидан бирига айланганидан бери...

— Отангизга қаерда ҳужум қилишганини биласизми?

— Йўқ, албатта.

— Мари кўприги остида... Ойингиз турадиган уйдан уч юз метр нарида.

Руслэ хоним қошлирини чимирди.

— Қўпrik Сенанинг бошқа томонида-ку, шундайми? Ойимнинг деразаси Турналар соҳилига қараган.

— Ойингизнинг кучуги борми?

— Нима учун сўраяпсиз?

Бундан бир неча ой муқаддам, уйлари таъмир қилинаётгани сабабли, Мегрэ хотини билан Вогез майдонида яшаганди. Улар кечқурунлари кўпинча Сен-Луи оролида саир қилишарди. Бундай пайтда Сена соҳилида кучугини саир қилдириб юрганлар ҳам кўп бўларди.

— Ойим фақат қуш боқади. Кучук билан мұшукка тоқати йўқ. — Аёл бирдан суҳбат мавзусини бошқа ёқ-қа буриб юборди: — Отамни қаерга ётқизишган?

- Мари кўприги ёнидаги касалхонага.
  - Демак, сиз мендан...
  - Ҳозир эмас... Эҳтимол, ўша одамнинг отангиз эканлигини узил-кесил аниқлаб олиш учун касалхонага боришингизни кейинроқ илтимос қилишимга ҳам тўғри келар, кейинроқ. Ҳозир унинг боши ва юзлари дока билан танғиб ташланган.
  - Аҳволи оғирми?
  - Беҳуш ётибди.
  - Нима сабабдан бу қадар бераҳмлик қилишдийкин?
  - Мен ҳам шуни билмоқчиман-да.
  - Балки муштлашгандир бирортаси билан?
  - Йўқ. Уни ухлаб ётган пайтида уришган.
  - Кўпrik тагида-я?
- Комиссар ўрнидан тўрди.
- Ҳозир ойингизнинг олдига борасизми?
  - Бормасам бўлмайди. Қўнфироқ қилиб, воқеадан хабардор қилиб қўйсам майлимни?
- Мегрэ ҳадеганда жавоб бермади. У бу ҳодиса Келлер хонимга қандай таъсир қилишини кузатмоқчи эди. Аммо аёлнинг раъйини қайтаргиси келмади.
- Раҳмат, жаноб комиссар. Энди бу ҳақда газеталарда ҳам ёзишадими?
  - Ёзиб бўлишгандир аллақачон, лекин отангизнинг фамилияси кўрсатилмаганлиги аниқ, чунки ўзим ҳам буни ҳозир яқинда билдим.
  - Ойим отамнинг фамилияси айтилмаслигини талаб қилиши турган гап.
  - Қўлдан келганча ҳаракат қиласман.
- Руслэ хоним меҳмонини йўлакка кузатиб чиққанида қизраси югуриб келиб этагига ёпишди.
- Ҳозир ўйнагани борамиз, қизалогим. Бор, Нанага айт, кийинтириб қўйсин.
- Торранс Руслэ хонимнинг уйи олдида у ёқдан бу ёққа бориб келарди. Жиноят қидирув полициясининг кичкина қора машинаси ярқираган, дабдабали хусусий автомобиллар олдида жудаям ғариб кўринарди.
- Орфевр соҳилига ҳайдайми?
  - Йўқ. Сен-Луи оролига. Орлеан соҳилига.
- Каттакон дарвозали уй эски бўлса ҳам яхши сақланган эди. Мис тутқичлар, панжаралар, зинапоя ва деворлар ярқиради. Қора кўйлак устидан оқ пешбоғ тутган эшикбон аёл ҳам аслзодаларга ўхшарди.

- Синни такниф қилишига ми?
- Ҳм... Гўйқ, лекин Келлер хоним мени кутяпти...
- Натимос, бирпас сабр қилинг.

Эшикбон ўтирадиган хонадон одатдагидай пиёздоғ ҳиди эмас, паркетга суриладиган сариқ мум иси ан-қирди.

Аёл телефон гўшагини кўтарди.

— Ким келди, деб айтай?

— Комиссар Мегрэ.

— Алло!... Берта?... Хонимга айт, қандайдир комиссар Мегрэ қабул қилишларини сўраяпти... Ҳа, шу ерда... Чиқаверсинми?... Рахмат... Чиқаверинг, учинчи қават, ўнгдаги эшик.

Мегрэ зинапоядан тепага кўтариларакан, бирдан Селестэн соҳилини эслади; фламандияликлар ҳалиям ўша ердамикан ёки протоколга қўл қўйиб, Гуанга жўнаб қолишдимикан? У қўнғироқ тугмасини босмасидан эшик очилиб, ёшгина, чиройли оқсоқ қиз, гўё тирик полициячини умрида энди кўраётгандай, комиссарга бошдан-оёқ разм солиб чиқди.

— Марҳамат, кираверинг... Шляпангизни беринг...

Квартиранинг шифти ниҳоятда баланд бўлиб, хоналарга серҳашам жиҳозлар қўйилган, зарҳал буюмлар терниб ташланганди. Осто наданоқ тўтиқушларнинг овози эшишилди. Меҳмонхонанинг қия очиқ эшигидан каттакон қафас кўринишб туарди. Ичида ўн жуфтга яқин қуш чуғурлашиб ётибди.

Мегрэ ўн минутлар кутгач, диққати ошиб трубка тутатди. Аммо меҳмонхонага Келлер хоним кириб келиши билан уни шоша-пиша оғзидан олди. Рўпарасида кичкина, нозикниҳол ва ҳали жуда ёш бир аёл туарди. Қизидан у, бор-йўғи, ўн ёшларгина катта кўринарди, холос. Кўзлари кўм-кўк, юзи бежирим. Оқ гулли қоп-қора қўйлаги ўзига жуда ярашган.

— Жаклин қўнғироқ қилувди, — деди у ва Мегрэга суюнчиғи қаттиқ ноқулай креслони кўрсатди.

Ўзи эса духоба қопланган юмшоқ курсига ўтирди. У қаддини ғоз тутарди — ибодатхонада ўргатишган бўлса керак.

— Эримни топганмишсизми?

— Биз уни қидирмаганмиз, — дени Мегрэ.

— Тўғри... Лекин у нима учун сизларга керак бўлиб қолди — хайронман... Ҳар кимнинг ихтиёри ўзида: қандоқ хоҳласа шундоқ яшайди... Тузалиб кетадиганми иш-

қилиб ё қизимга тасалли бериш учун шундай дедингизми?

— Профессор Манъенning айтишича, омон қолишига саксон фоиз умид бор.

— Манъен?.. Уни яхши танийман... Уйимга кўп келган...

— Эрингиз Париждалигини билармидингиз?

— «Ҳа» десам ҳам бўлади, «йўқ» десам ҳам. Габонга кетганига йигирма йил бўлди. Шу орада ундан атиги иккитагина хат олдим, иккаласини ҳам Африкага борган дастлабки ойларда ёзган...

Келлер хоним ўзини мотамсаро қилиб кўрсатишга уринмас, ҳар қандай вазиятда ҳам довдираб қолмайдиган аёллар сингари, Мегренинг кўзига тик қараб гапиради.

— Ҳозир гап эрим устида бораётганига ишончингиз комилми?

— Қизингиз таниди уни.

Мегрэ Келлер хонимга эрининг сурати ёпиштирилган гувоҳномани ўзатди.

Аёл қўзойнагини олиб, суратга узоқ тикилди. Аммо юзида ҳаяжон ифодаси мутлақо сезилмади.

— Жаклин ҳақ. Ўзгариб кетибди, лекин Франсуа эканлигига мен ҳам қасам ичишим мумкин. — У бошини кўтарди. — Ростдан ҳам шу атрофда яшарканми?

— Мари кўприги остида.

— У кўприкдан кўп ўтганман... Яқин бир танишим Сенанинг нарёғида яшайди. Ламбуа хоним... Эҳтимол эшитгандирсиз, эри...

Ламбуа хонимнинг эри қандай лавозимдалиги Мегрени асло қизиқтирмасди.

Эрингиз Мюлуздан кетганидан кейин уни қайтиб кўрмадингизми?

— Йўқ.

— Ўзи хат-пат ёзмадими? Ёки қўнғироқ қилгандир?

— Боя айтганим иккита хатдан бошқа хабар бўлмади... Ҳар ҳолда, бевосита ўзидан...

— Билвосита-чи?

— Бир куни мемҳондорчиликда Габоннинг собиқ губернатори жаноб Перинъон билан учрашиб қолдим. Гапдан гап чиқиб, дўхтир Келлер деган одамга қариндош эмасмисиз, деб сўраб қолди.

— Нима дедингиз?

— Ростини айтдим. У жуда хижолат бўлди. Фран-

суа ҳақида бальни маълумотларни базўр ичидан сувуриб олдим. Жаноб Перинъон, Келлер у ердан қидирган нарсасини тополмади, деб айтди.

— Нима қидирган экан?

— Биласизми, Франсуа хаёлпараст одам... Бу дунё-нинг иссиқсовуғи-ю икир-чикирларига бардоши йўқ... Мюлуздаги кўнгилсиликдан сўнг...

Мегрэ таажжубланди.

— Қизим гапириб бермадими? Дарвоқе, унда ёш эди, отасини кам қўрарди... Үзига маъқул мижоз танлаш ўрнига... Ҳа-я, чой ичасизми? Ичмайсизми? Унда менга рухсат берасиз, ҳар куни шу пайтда чой ичишга одатланганман, — у қўнғироқ чалди: — Берта, чой обекелинг.

— Бир ўзингизгами?

— Ҳа. Сизга нима таклиф қилсамикан?.. Вискими? Ихтиёргиз. Ҳа, нима деётувдим? Ҳа... Агар янгилиш масам, бир роман бор, поми «Камбагаллар дўхтири»ми, «Қишлоқ дўхтири»ми, шунга ўхшаганроқ... Эрим ҳам ўшанақа камбагаллар дўхтири эди, агар холамдан мерос тегмаганда, ҳадемай кунимиз ёвғон шўрвага қоларди... Ўйламанг, унга эътиrozим йўқ... Ўзи шунақа одам у... Отаси ҳам... ҳа-я, бунинг аҳамияти йўқ... Ҳар тўқисда бир айб, дейишади-ку.

Телефон жиринглади.

— Майлими?.. Алло! Ҳа, менман... Алисамисан? ҳа, азизим, сал кечроқ бораман... Йўқ, йўқ, қайтанга яхши... Лорани кўрдингми? Борарканми?.. Қечирасан, ҳозир кўп гаплашолмайман — меҳмоним бор... Кейин айтиб бераман. Ҳайр! — Келлер хоним яна жойига ўтирди. — Ички ишлар министрининг хотини. Танийсизми?

Мегрэ бош чайқаб, трубкасини беихтиёр чўнтағига солди. Келлер хонимнинг тўтилари ҳам, сұхбат узилиб қолаётгани етмагандай баттар ғашига тегаётганди. Мана энди оқсоқ қиз кириб, дастурхон тузай бошлади.

— Франсуа касалхона дўхтири бўлмоқчи эди, икки йил мобайнида зўр бериб конкурсга тайёрланди... Аммо ниҳоятда адолатсизлик қилишди. Мюлузга борсангиз, буни ҳамма тасдиқлаши мумкин: номзодлар ичida энг муносиби Франсуа эди. Касалхонага ишга олишганда узукка кўз қўйгандай бўларди... Аммо, одатдагидай, нуфузли бир одамнинг яқинини танлашди. Бари бир бу ҳамма нарсага қўл силташ учун сабаб бўлолмайди-ку...

— Демак, ҳафсаласи пир бўлиб...

— Қайдам, балки шундайдир... Уни жуда кам кўрардим... Ўйда бўлган пайтларида ҳам кабинетига қамалволарди. Илгаритдан одамови эди, ҳалиги воқеадан кейин бешбаттар бўлди. Уни ёмонлаш ниятим йўқ... Ажралиш хаёлимга ҳам келмаганди, ўзи хатида шуни таклиф қилди.

— Ичармиди?

— Қизим айтдими?

— Йўқ.

— Ҳа, ичарди... Гарчи кабинетида ҳамма вақт ичимлик турса ҳам, уни сира маст ҳолда кўрмаганман. Лекин бошқалар унинг ўзига ўхшаган одамлар қадам босмайдиган хароб майхоналардан чиқиб келаётганини кўришар экан.

— Габон ҳақида гап бошлагандингиз.

— Назаримда, эрим иккинчи дўхтири Швейцар<sup>1</sup> бўлишни орзу қилган. Тушуняпсизми? Ўрмонда яшайдиган негрларни даволаш, у ерда шифохона очишни мўлжаллаган, оқ танлилардан, айниқса, ўзига яқин кишилардан нарироқ юришга ҳаракат қилган.

— Шунга муваффақ бўлганми?

— Губернаторнинг гапига қараганда, аксинча, ўзига душман орттирган. Маъмурият ҳам, йирик маҳаллий компаниялар ҳам ундан юз ўгириган. Шундан кейин у ичилилликка баттар ружу қўйган. Тағин бадҳоҳлик қиляпти, деб ўйламанг, асло ундан эмас... Габонда у бир негр аёли билан хароб кулбада яшаган, ундан болалари ҳам бўлса керак...

Мегрэ нигоҳини офтоб нури тушиб турган тўтиқушлар қафасига бурди.

— Хуллас, унга мамлакатдан чиқиб кетишни шама қилишган.

— Яъни, Габондан сургун қилинган, демоқчисиз-да?

— Шунаقا деса ҳам бўлади. Лекин тафсилотини аниқ билмайман, губернатор ҳам гапни чалғитди.. Ҳар ҳолда, Франсуа кетишга мажбур бўлган.

— Танишларингиздан бири уни Сен-Мишелъ хиёбонида кўрган экан. Қачон бўлган эди бу?

— Қизим шуниям айтдими? Лекин ўша одам Франсуа эканлигига кўпам ишонмайман. Одам одамга ўх-

<sup>1</sup> Швейцар Альбер, 1875—1965) — йирик француз олими, дўхтири ва жамоат арбоби. Габонда жарроҳлик шифохонаси ташкил этган.

шайди-ку. Маҳаллий ресторанинг рекламасини кўтариб юрган ўша одам ҳам эримга ўхшаса не ажаб... Лекин танишим исмини айтиб чақирган экан, у бир учиб тушибди...

— Гаплашибдими танишингиз ўша одам билан?

— Франсуа унга умрида биринчи бор кўраётгандай тикилибди. Мен билган нарсалар мана шулар.

— Ҳозиргина қизингизга ҳам айтдим, сизни касалхонага олиб боришга ҳали эрта, чунки жабрланувчининг бош-юзи дока билан ўраб ташланган. Лекин сал соғайганидан кейин...

— Оғир бўлмасмикин?

— Қим учун?

— Унинг учун-да, албатта!

— Шунга қарамай, унинг шахсиятини узил-кесил ҳал этишимиз керак.

— Эрим эканлигига шубҳам қолмади... Айниқса, чандиқни эшитганимдан кейин... Ёдимда, август ойи эди, якшанба куни...

— Хабарим бор...

— Унда мени безовта қилмасангиз ҳам бўлади...

Мегрэ ўрнидан турди — тўтиқушларнинг овози шу қадар жонига теккан әдики, тезроқ кўчага чиқиб кетгиси келиб, базур чидаб ўтирганди.

— Ўйлайманки, газеталарда...

— Ташвишланманг, газеталарда қисқагина хабар босилади, холос.

— Бу мендан кўра ҳам куёвим учун муҳим. Хар ҳолда, ишдаги одам... Бу гаплардан у хабардор, ҳаммасини тарозига солиб, тақдирга тан берган... Ростдан ҳам ҳеч нарса ичмайсизми?

— Ташаккур.

Кўчага чиққач, Мегрэ Торансдан шоша-пиша:

— Қаерда тинчроқ майхона бор? Ўлгудай ичгим келяпти! — деб сўради.

— Оҳ, қанийди шу тобда кўпириб турган муздай пи во бўлса!

Улар осуда, нимқоронги майхонани тезгина топишдию, аммо аксига олиб, пивоси илиқ ва ниоҳятда bemaza экан.

— Рўйхат столим устида, — деди Люка. У бу сафар ҳам топшириқни рисоладагидай қилиб бажарганди.

Машинкада ёзилган рўйхат битта эмас, бир нечта эди. Энг устида турли-туман буюмлар рўйхати. Суд-тиббиёт экспертизаси ходими уларни «эски-тускилар» деган сарлавҳа остига тизибди. Аслида, табибининг қачондан бери Мари кўприги остида асраган мана шу лаш-лушларидан бўлак ҳеч вақоси йўқ! Фанердан ясалган яшиклар, болалар аравачаси, йиртиқ адёл, эски газеталар, манқал, дегча. Боссюзнинг «Қабр ўзра айтилган нутқ»и билан бошқа буюмлар тепага, Адолат Саройи лабораториясининг бир бурчагига уйиб қўйилибди.

Навбатдаги рўйхатда Келлернинг касалхонадан келтирилган кийимлари қайд этилган. Алоҳида вараққа эса унинг ҳамёнидан чиққан нарсалар ёзилган.

Мегрэ сўнгги рўйхатни ўқиб ҳам ўтирамди, уни бир четга суреб, Франсуанинг бор бисоти жамланган жигарранг пакетни очди. Юзига ботаётган қуёшнинг қизғиши нурлари тушиб турган Мегрэни кузатиш мароқли эди: шу тобда у Қорбобонинг янги йил қопчиғидан антиқа совға қидираётган ёш болага ўхшарди.

Энг олдин комисsar пакетдан ниҳоятда эскириб кетган стетоскоп чиқариб, стол устига қўйди.

— Камзуленинг ўнг чўнтағида экан, — деб изоҳ берди инспектор. Касалхонадагилардан илтимос қилувдим, текшириб беришиди — бузуқ экан.

Қизиқ, бузуқ нарсани Франсуа Келлер нима учун ёнида олиб юрган экан? Тузатмоқчи бўлганми? Ёки касбидан ёдгорлик, ўзига хос сўнгги бир тимсол сифатида сақлаганими?

Кейин Мегрэ уч тифли қаламтарош билан шишиа тикинини очадиган мугуз сопли парма-бигизни олди. Буларни ҳам табиб ахлат яшигидан топган бўлса ажабмас.

Сўнг муштуги сим билан омонатгина туташтириб қўйилган трубка чиқди.

— Чап чўнтағидан олдим, — деди Люка. — Ҳали жиққа ҳўл.

Мегрэ трубканни беихтиёр ҳидлаб кўрди.

— Тамакиси йўқ эканми?

— Халтанинг тубидан уч-тўртта чекиб ташланган сигарета топдим. Лекин сув тегиб, бўтқа бўлиб кетибди.

Комисsarнинг кўз ўнгидаги ердан сигарета қолдиғини

олиб, трубкасига куйинди тамакини эзғилаб солаётган почор одаминг қиёфаси пайдо бўлди. Табибининг трубка чекини кўнглининг аллақаерида илиқ-туйғулар уйготди, аммо Мегрэ буни сездирмади. Қизи ҳам, хотини ҳам бу ҳақда лом-мим дейишмаганди.

Катта-кичик михлар, мурватлар. Нима учун керак экан булар? Афтидан, табиб ахлат яшикларини титкилаётганида қўлига нима илинса — керак бўладими, йўқми — ҳаммасини чўнтағига солаверган. Балки у буларни қандайдир тумор ўринида кўргандир. Чўнтағидан яна шунақа нарсалар топилдики, уларнинг кўпrik остида тунаబ юрадиган одамга асқатишига асло ақл бовар қилмайди.

Айтайлик, мана бу учта соққа — ичига сариқ, қизил ва яшил толалар солинган шиша соққалар. Бундай соққани болалар беш ёки олтита оддий соққага алмаштириб олишади-да, сўнг унинг офтобда ажабтовур товла-нишига маҳлиё бўлиб, севиниб юришади.

Уч-тўртта сариқ чақа билан бир-бирига ёпишиб қолган иккита эллик франклик солинган чарм ҳамённи демаса, халтадаги бор-йўқ «бойлик» юқорида санаб ўтилган нарсалардан иборат.

Мегрэ соққалардан бирини олиб, кафтида айлантира бошлади.

— Бармоқ изларини олдингми?

— Ҳа, олдим. Беморлар анграйиб қолишли... Кейин архивга кириб, бошқа бармоқ излари билан солиштириб чиқдим.

— Хўш?

— Ҳеч гап йўқ. Қеллер биз билан ҳам, суд билан ҳам илгари сира тўқнаш келмаган.

— Хушига келдими?

— Йўқ. Каравотининг ёнида турганимда кўзларини хиёл очди, лекин бирор нарсани кўрганига ишонмайман. Хириллаб нафас олади. Ора-сира инграб қўяди...

Комиссар уйига кетишдан олдин зарур қофозларга имзо чекди. Сиртдан жиддий ва ҳорғин кўринса ҳам, ташқарида офтоб чараклаб тургани учунми, кайфияти чакки эмас эди. Чиқиб кета туриб, негадир, — билибмий, шиша соққалардан биттасини чўнтағига солди.

Бугун сешанба, демак, хотини макарон қовуриб қўйган. Бошқа кунлари таом ўзгариб туради, аммо пайшанбада — шўрва, сешанбада — қиймали ёки қўзиқориң солинган макарон бўлиши тайин.

Мегрэ хонимнинг ҳам кайфи чоғ эди, унинг қўзларида қув ифодани кўрган комиссар хотинининг янги гап топиб қўйганини пайқади. Аммо ўзи Жаклин Руслэ билан Келлер хонимнига кириб келганини айтишга шошилмади.

— Қорним ўлгудай оч!

Мегрэ хоним, эри шу тобнинг ўзида уни саволга кўмиб ташлашини кутган эди, бундай бўлмади, фақат очиқ дераза олдида турган стол ёнига бориб ўтирганидан кейингина гап бошлади. Ҳаво илиқ, осмон шафақдан қизариб турарди.

— Синглинг қўнғироқ қилмадими?

— Флоранс бало. Кун бўйи ҳамма танишларига қўнғироқ қилиб чиқибди.

Стол устида нималардир ёзилган бир варақ қофоз ётарди.

— Нима деганини гапириб берайми?

Кўча шовқини қулоққа чалиниб турарди, қўшнилар телевизор ёққани ҳам эшитилди.

— Сўнгги ахборотни кўрмайсанми?

— Йўқ, сенинг гапларингни эшитмоқчиман.

Мегрэ хотинининг ҳикоясини тингларкан, бир неча бор қўлини чўнтағига солиб, соққани айлантириб кўрди.

— Нега куляпсан?

— Ўзим шундай... Гапиравер.

— Энг олдин Келлер хонимга холаси қолдирган бойлик қаердан келганини аниқладим. Бунинг тарихи узун. Бир бошдан гапираверайми?

Комиссар ҳузур қилиб макарон чайнаркац, бош иргаб қўйди.

— Холаси илгари ҳамширалик қилган, қирқ ёшида ҳам турмушга чиқмай, қари қиз бўлиб ўтирган.

— Мюлузда яшаганми?

— Йўқ, Страсбургда. У Келлер хонимнинг онасига сингил бўлган.

— Ҳа, ҳа.

— Хуллас, касалхонада ишлаган... У ерда ҳар битта профессорнинг ўз хусусий беморлари учун бир нечтадан палата ажратилган экан. Бир пайт, уруш бошланмасдан сал олдин, Келлер хонимнинг холаси бир беморга қараган; кейинчалик бу беморни Эльзасда тез-тез тилга оладиған бўлишибди. У темир-терсак билан савдо қилувчи Лемке деган одам бўлиб, жуда бадавлат бўлишига қарамай, ножӯя ишлар билан ҳам кўп шуғуллан-

ган, ҳатто судхўрлик қилишдан ҳам ийманмаган, дейиншади.

— Уша одам Келлер хонимнинг холасига уйланган, шундайми?

— Сен қаёқдан биласан?

Мегрэ гапнинг белига тепганидан афсусланди.

— Қўзинг айтиб турибди-ю.

— Ҳа, унга уйланган. Бу ёғини эшит... Уруш пайтида Лемке қимматбаҳо металларни пуллаб юрган. Табиийки, немислар билан ҳам алоқада бўлган, шу туфайли анча-мунча бойлик орттирган... Чўзмаяпманми? Жонингга тегмадими?

— Йўқ, йўқ. Урушдан кейин-чи?

— Қаршилик ҳаракати қатнашчилари Лемкени тутиб, бойлигини мусодара қилиш, ўзини эса қатл этиш мақсадида уни роса қидиришади. Аммо топишолмайди. Лемке хотини билан қаёққадир ғойиб бўлган эди. кейинчалик маълум бўлишича, улар Испанияга, у ердан Аргентинага кетишган экан. Мюлузлик бир газлама фабрикасининг эгаси уни тасодифан кўчада учратиб қолади... Яна макарон ейсанми?

— Жоним билан, фақат яхши қовурилганидан.

— Лемке касби билан шуғулланишни давом эттирганми ёки улар шунчаки кўнгилхушлик учун саёҳат қилиб юришганми — бу ёғи қоронғи. Хуллас, бир куни улар Бразилияга учишади. Тоғ устида самолёт ҳалокатга учрайди. Экипаж аъзолари ҳам, йўловчилар ҳам нобуд бўлишади. Лемке билан хотини ҳам ҳалокат қурбонига айланишади-ю, уларнинг бойлиги, кутилмаганда, Келер хонимнинг ихтиёрига ўтади. Бошқа ҳолатда мерос эрининг оиласига қолиши керак эди... Нима учун Лемкенинг қариндошларига ҳеч нарса тегмай, бутун бойлик хотинининг жиянига ўтиб кетиши сабабини биласанми?

Мегрэ ростини айтмай, елкасини қисиб қўя қолди. Аслида ҳаммасига тушуниб турган эди.

— Қонун бўйича, — деб давом этди Мегрэ хоним, — эр-хотин баҳтсиз ҳодиса туфайли ҳалок бўлсаю уларнинг қайси бири олдинроқ ўлганини аниқлашнинг иложи бўлмаса, хотин эридан кўра, бир неча дақиқа бўлса ҳам, кейинроқ жон берган, деб ҳисобланаркан. Дўхтиrlар ҳам аёлларнинг жони қаттиқ, дейишади-ку... Қисқаси, аввалига холаси эрининг меросхўрига айланади, сўнг бутун бойлик жияннинг қўлига ўтади... Уф! {— Мегрэ хо-

ним топиб қўйган хабаридан мамнун эди. — Шундай қилиб, страсбурглик бир ҳамширанинг темир-тёрсак савдогарига турмушга чиқиши ва Жанубий Америка тоғларида қандайдир бир самолётнинг ҳалокатга учраши дўхтири Келлерни сарсон-саргардон қилиб қўйган... Мабодо хотини тўсатдан бойиб кетмаганида ва улар ўша Саваж кўчасида яшаб юравергандариди... Тушунаяпсанми нима демоқчилигимни? Дўхтири Келлер ҳам Мюлуздан кетмаган бўларди, шундай эмасми?

— Эҳтимол.

— Келлер хоним тўғрисида ҳам баъзи нарсаларни билиб олдим. Лекин гийбат бўлиши ҳам мумкин, синглим ҳам, бу гапларнинг тўғрилигига кафолат беролмайман, деди.

— Қани эшитайлик-чи.

— Келлер хоним — кичкина, серғайрат, тиниб-тинчимас аёл — дабдабани, нуфузли одамлар билан бордикелди қилишни хуш кўради. Эри кетиб қолганидан кейин ўзини айш-ишратга уради, ҳафтасига кетма-кет шоҳона зиёфатлар уюштиради. Шу тариқа хотини ўлиб, сўққабош бўлиб қолган Бадэ департаментининг бошлиғига маслаҳатчи бўлиб олади. Баъзилар унинг ўйнаши деса, бошқалар Келлер хонимнинг ундан бўлак ўйнашлари ҳам бор, деркан. Синглим бир генералнинг номини айтувди, ёдимдан кўтарилибди...

— Келлер хонимни кўрдим, — деди комиссар.

Мегрэ хонимнинг фаши келган бўлса ҳам, сир бой бермади.

— Хўш, қанақа аёл экан?

— Сен тасвирлагандай. Кичкина, ҳаракатчан, асабий. Аслидагидан ёш кўринади, тўтиқуш жинниси.

— Қаёқдан биласан?

— Квартирасига тўтиқушларни териб ташлабди.

— Парижда турарканми?

— Сен-Луи оролида, эрининг бошпанаси бўлган Мари кўпригидан уч юз метрча нарида. Дарвоқе, табиб ҳам трубка чекаркан.

Мегрэ овқатлана туриб беихтиёр чўнтағидан соққани чиқариб, дастурхон устида думалата бошлади.

— Нима бу?

— Шиша соққа. Табибининг ёнидан учта соққа чиқди.

— Мегрэ хоним эрига хайрон бўлиб қаради.

— Унга хайриҳоҳ кўринасан.

— Йўқ, шунчаки уни тушуна бошлайман.

— Келлердай одамнинг нима сабабдан дайди бўлиб  
қолганини тушундим, демоқчимисан?

— Сал-нал. У Африкада яшаган, катта шаҳар ва  
катта йўллардан жуда олисда жойлашган табибхонада  
бингтигина оқ танли ишлаган, у ҳам унинг ўзи бўлган. У  
ерда ҳам омади юришмаган.

— Нима учун?

Буни ҳамма вақт сариншта ва ораста яшаб келаётган  
Мегрэ хонимга тушунтириш осон эмасди.

— Мен ҳам шу ҳақда ўйлаяпман да, — деди Мегрэ  
ҳазиломуз, — табиб нима гуноҳ қилдийкин?

Хотинининг қовоғи уюлди.

— Нима демоқчисан бу билан? Ахир уни бошига  
уриб, сувга ташлаб юборишибди-ку, тўғрими?

— У — жабрланувчи, бу тўғри.

— Нега унда...

— Криминалистлар, хусусан, Америка криминалист-  
лари шундай назарияни илгари сурадиларки, бу назария  
бир қарашда мантиқсиздай туюлса ҳам, аслида унақага  
ўхшамайди.

— Қанақа назария экан у?

— Үнта жиноятдан камида саккизтасида қурбон бўл-  
ган шахс қотилини қўл кўтаришга мажбур этади, дейи-  
шади улар.

— Тушунмадим.

Мегрэ соққадан кўз узмасди.

— Мана, ҳоин билан рашкчи эрни кўз олдингга кел-  
тири... Улар жанжаллашиб қолишади... Эр хотинига дак-  
ки беради, хотини эса безрайиб тураверади.

— Бўлиши мумкин...

— Айтайлик, эрнинг қўлида пичоқ, у хотинига: «Яна  
ножўя иш қилсанг, ўлдираман!» — дейди.

— Бунақаси ҳам бўлади...

— Хотини: «Овора бўласан, қўлингдан келмайди!»—  
деб жавоб қайтарса-чи?

— Ха, энди...

— Баракалла. Қўпгина оилавий жанжаллар мана шу  
тариқа фожеа билан тугайди. Мана, ҳозиргина Лемке  
ҳақида гапириб бердинг. У иккита йўл билан бойиган:  
биринчидан, судхўрликни авж олдириб, мижозларининг  
дилини оғритган, иккинчидан эса, немислар билан олди-  
берди қилган. Хўш, шундоқ экан, уни бирор ўлдириб  
кетибди, дейишса ким ажабланарди?

— Лекин дўхтир...

— ...Бир қарашда, бирорнинг мушугини пишт демаган, кўпикларнинг остида яшаган, арzon винони ичвоблиб, кўча-кўйда реклама тахтасини кўтариб юрган.

— Ҳамма гап шунда-да!

— Аммо тунда кимдир кўприк остига тушган-да, табибининг ухлаб ётганидан фойдаланиб, бошига оғир нарса билан урган, кейин судраб бориб Сенага ташлаб юборган, уни дарёчилар бир амаллаб қутқариб қолишиган. Уша «кимдир» бекорга бундай қилмаган-ку, ахир. Табиб, ўзи хоҳлабми-хоҳламайми, уни шу ишни қилишга мажбур этган.

— Ҳали ҳушига келгани йўқми?

— Ҳозирча йўқ.

— Тилга кирғанидан кейин ундан ҳақиқатни билиб олишга умид боғлаяпсанми?

Мегрэ елкасини қисди-ю, индамай трубкасига тамаки сола бошлади. Бир оздан сўнг улар чироқни ўчириб, очиқ турган дераза ёнига келиб ўтиришди. Кеча сокин ва илиқ эди. Ҳадеганда гап гапга қовушмади.

Эртасига эрталаб Мегрэ ишга келганида ҳаво кечагидай очиқ, кун кечагидай чароғон эди. Эндинга барг чиқараётган дараҳтлардан кўз узиб бўлмасди.

Мегрэ ёзув столи ёнига ўтиришга улгурмасидан Лапуэнт кириб келди. Унинг кайфи чоғ эди.

— Сизни иккита йигитча кутяпти, ҳўжайин.

У негадир типирчилаб турар, кўриниши худди кеча Мегрэ хонимда бўлганидай, жуда сервиқор эди.

— Қани улар?

— Қабулхонада.

— Қимлар экан?

— Қизил «Пежо — 403»нинг эгаси билан душанба куни кечқурун унга ҳамроҳ бўлган дўсти. Дарвоқе, бу ишда хизматим йўқ даражада. Буни қарангки, Парижда қизил «Пежо — 403» уччалик кўп эмас экан, шулардан учтасининг номерида иккитадан тўққиз рақами бор, холос. Биттаси бир ҳафтадан бери ремонтда, иккинчисини эгаси Қанига миниб кетиби.

— Уларни сўроқ қилдингми?

— Бир-иккита савол бердим, холос. Ўзингиз гаплаша қолинг. Ҷақирайми?

Лапуэнт комиссарга гўё антиқа бир совға тайёрлаб қўйгандай ўзини ғалати тутарди.

— Майли.

Мегрэ чўнтағидаги соққани ўйнаганича эшикка кўз тикиди.

— Мосье Жан Гийо, — деб таништириди инспектор келганилардан бирини хонага бошлаб кириб.

Бу башанг кийинган, ўрта бўйли қирқ ёшлардаги киши эди.

— Мосье Ардуэн, чизмакаш, — Лапуэнт иккинчи одамни ҳам таништириди.

Чизмакаш баланд бўйли, озғин, Гийога қараганда ёшроқ эди. Мегрэ унинг дудуқ эканлигини дарров пайқади.

— Ўтиргилар, жаноблар. Менга айтишларича, бирингиз қизил рангли «Пежо» машинасининг эгасисиз, шундайми?

Жан Гийо шоша-пиша қўлинини кўтарди.

— Машина меники, — деди у, — қишида сотовлган эдим.

— Қаерда турасиз, мосье Гийо?

— Тюрен қўчасида, Тампль хиёбонининг ёнгинасида.

— Қасбингиз?

— Суғурта вакилиман.

У сал довдираб қолган эди. Ҳазил гапми! Жиноят қидирув полициясида ўтирибди-я. Бунинг устига, уни кимсан — комиссарниң шахсан ўзи сўроқ қиляпти. Шунга қарамай, Гийони ўтакаси ёрилган деб ҳам бўлмасди, аксинча, кейин оғайниларига гапириб бериш ниятида теварак-атрофгә аланглаб, кабинет ичини нигоҳи билан «тафтиш» қиласди.

— Сиз-чи, мосье Ардуэн?

— М-м-м-ен ҳам ўша уйда т-т-т-ураман.

— Бир қават юқорида, — деди Гийо шеригига ёрдамлашиб.

— Ўйланганмисиз?

— Б-б-б-ўйдоқман.

— Мен онлалиман, иккита фарзандим бор, бир ўғил, бир қиз, — деб бидирлади Гийо навбат кутиб ўтирмай.

Лапуэнт эшик олдида тик турганча нуқул сирли жилмаярди. Шляпасини тиззасига қўйганча стулда михланиб ўтирган бу икки одам гўё ўзаро мусобақалашаётгандай эди.

— Оғайнимисизлар?

Улар бараварига жавоб қайтаришли:

— Яқин дўстмиз...

— Франсуа Келлерни танирмидинглар?

Улар бу номни биринчи марта эшитаётгандай ажабланиб бир-бирларига қараши. Сўнг чизмакаш:

— К-к-к-им? — деб сўради.

— У узоқ вақт Мюлузда дўхтирилик қилган.

— У ерда ҳеч қачон бўлган эмасман! — деб хитоб қилди Гийо. — Мени, танийман, деяптими?

— Душанба куни кечқурун нима иш билан машғул эдинглар?

— Инспекторингизга ҳам айтдим, бунаقا қилиш ман этилганидан бехабарман.

— Душанба куни нима қилганлигинги зини батафсил гапириб беринг.

— Мижозларимга учраб бўлиб, — менга ажратилган жой Парижнинг ғарб томонида, — кечқурун соат саккизларга яқин уйга қайтсан, хотиним бир четга чақириб, — болалар эшитмасин, деган-да... Нестор боёкиш...

— Несторингиз ким?

— Итимиз, каттакон дод. Бу йил ўн икки ёшга тўлувди. Болаларимни шунақаям яхши кўрардик, минг қилса ҳам, кўз олдидা катта бўлишган-да. Шу десангиз, болалар чақалоқлигида, уларнинг каравоти ёнига ётволовиб, ҳатто мени ҳам яқин йўлатмасди...

— Хўш, нима деди хотинингиз?

Жаноб Гийо пинагини бузмай, давом этди:

— Билмадим, дод боққанмисиз-йўқми, лекин нима учундир улар бошқа зотдаги итларга қараганда кам умр кўришади. Кейинги пайтларда, писондаги ҳамма дард додларга ҳам ўтган, деган гап-сўзлар тез-тез қулоқча чалингяпти. Бундан бир неча ҳафта олдин Нестор бирдан шол бўлиб қолди, ҳайвонлар дўхтирига олиб бориб, ўша ерда тинчтиб қўя қолайлик, десам, хотиним кўнмади. Душанба куни уйга қайтсан, ит ўлим талвасида ётганини айтиши. Хотиним, болалар кўрмасин деб, дўстим Ардуэни чақириб тушибди, икковлашиб шўрлик итни уникуга олиб чиқишибди.

Мегрэ Лапуэнтга қаради, у қўз қисиб қўйди.

— Югуриб тепага чиқдим, — деб давом этди жаноб Гийо. — Боёкиш Несторинг аҳволи оғир эди. Дўхтирга қўнфироқ қилсан, театрга кетган, кеч қайтади, дейишиди. Икки соатдан ортиқ жон талашаётган итнинг тепасидан жилмадик. Полга ўтировлиб, жонворнинг бошини тиззамга қўйдим...

Ардуэн жаноб Гийонинг ҳикоясини тингларкан, ора-

чора бои спасиб қўяр, баъзан луқма ташламоқчи ҳам бўларди.

— У... У...

— Соат ўн яримда Несторнинг жони узилди, — деди уҳ тортиб суғурта вакили. — Воқеани хотинимга айтиш учун уйга тушдим. Хотиним Нестор билан видолашиб қайтгунча, ухлаб ётган болаларимга қараб турдим. Апилтапил бир нарса еганим эсимда, ахир ўша куни иш кўпайиб кетиб, тушлик қилишга ҳам улгурмаган эдим-да. Сал ўзимга келволиш мақсадида икки қадаҳ конъяқ ичганим ҳам рост. Хотиним қайтгач, шишани кўтариб яна Ардуэннинг олдига чиқдим — у ҳам мендан баттар хуноб бўлган эди. Шундан кейин итнинг жасадини нима қилиш ҳақида бош қотира бошладик. Қаердадир итлар қабристони бор, деб эшитган эдим. Лекин қабр жойи қиммат бўлса керак, ундан ташқари, дафн маросимига бутун кунни бағишлий олмасдим. Хотинимнинг ҳам иши бошидан ошиб ётган эди.

— Қисқароқ қилинг, — деб унинг гапини бўлди Мегрэ.

— Хуллас... — Гийо гапидан адашиб, дудуқланиб қолди.

— Б-б-из... б-б-из... — дея яна суҳбатга аралашмоқчи бўлди Ардуэн.

— Хуллас, Несторнинг жасадини кўча-қўйда қолдиришни хоҳламасдик... Догни бир кўз олдингизга келтиринг. Ардуэннинг ошхонасида чўзилиб ётиди жонвор... Жасади баттар ҳайбатли бўлиб кетди. Қисқаси...

Жаноб Гийо сал бўлмаса узилиб қола ёзган суҳбатнинг яна юришиб кетганидан мамнун эди.

— Қисқаси, итни Сенага улоқтиришга аҳд қилдик. Кartoшкадан бўшаган қопга бир амаллаб жойладик-да, икковлашиб зинапоядан пастга олиб тушиб, машинанинг юқдонига тиқдик.

— Соат неччиди?

— Ўн бирдан ўн минут ўтган эди.

— Ўн бирдан роппа-роса ўн минут ўтганини қаёқдан биласиз?

— Эшикбон ҳали уйғоқ эди. Бизни кўриб, нима гап, деб сўради. Мен тушунтирдим. Эшикбоннинг хонаси очиқ экан, беихтиёр соатга қарадим: ўн бирдан ўн минут ўтган эди.

— Эшикбонга, итни Сенага ташламоқчимиз, дединг-

ларми? Кейин тўппа-тўғри Селестэн соҳилидаги кўприкка қараб жўнагансизлар-да?

— Энг яқин йўл шу...

— Бунга бир неча минут кифоя... Йўлда ҳеч қаёрда тўхтамаган бўлсанглар керак?

— Сенага кета турибми? Йўқ... Энг яқин йўлни танлаб, беш минутда етиб бордик... Аввалига қиялиқдан дарё бўйига машинада тушишга иккиландим. Қарасам, ҳеч зор йўқ, шартта таваккал қилдим...

— Соат ўн бир яримларда, а?

— Нега энди?! Ҳозир тушунтираман. Ардуэн билан қопни тебратиб туриб, сувга отдиқ.

— Ўшанда ҳам ҳеч кимни кўрмадингларми?

— Йўқ...

— Ўша атрофда баржа турган эди-ку?

— Тўппа-тўғри. Ичкарасида чироқ ҳам ёниқ эди.

— Кема саҳнида одам кўринмадими?

— Йўқ...

— Демак, Мари кўпргигача бормагансизлар?

— У ёққа боришининг ҳожати йўқ эди. Несторни машина турган жойдан икки қадам нарида сувга улоқтиридик-кўйдик.

Ардуэн ҳамон маъқуллаб бош силкирди. Баъзан бир нима демоқчи бўлиб оғиз очарди-ю, яна дудуқланиб қолиб, индамай қўя қоларди.

— Кейин-чи?

— Кейин жўнавордик. Сал юргач...

— Селестэн соҳилига чиққансизлар.

— Ҳа. Таъбим ниҳоятда хира эди, шишада бир қултум ҳам конъяқ қолмаганини эсладим... Оғир кун бўлди-да ўзиям... Ахир Нестор оиласиз аъзосидай бўлиб қолган эди... Тюрен кўчасига етганда Люсьенга бир стакандан вино ичишни таклиф қилдим. У ҳам йўқ демади. Фран-Буржуа кўчасининг муюлишидаги қаҳвахона олдида тўхтадик, шундоққина Вогезлар майдонининг ёнида.

— Яна конъяқ ичдингларми?

— Ҳа... Қаҳвахона деворида соат осиғлиқ турган экан, қарасам йигирмата кам ўн икки. Қаҳвахона эгаси соат беш минут олдиндалигини айтди.

Гийо бирдан бош чайқаб, яна олдинги гапини қайтарди.

— Улай агар, ман этилганидан хабарим йўқ. Менинг ҳам аҳволимни тушунинг. Азбаройи болаларни деб шун-

дай қиласидим: улар бу мудҳиш манзарани кўришларини хоҳламадим. Ҳалиям Нестор ўлганини билишмайди, биз уларга, ит қочиб кетибди, лекин бари бир топамиз, деганимиз...

Мегрэ, ўзи ҳам билмаган ҳолда, чўнтағидан шиша соққани чиқазиб, бармоқлари орасида ўйнай бошлади.

— Гапингизга ишонса бўладими?

— Алдаб нима қиласман? Агар жарима тўлаш керак бўлса...

— Соат неччида уйга қайтдинглар?

Улар бир-бирларига қарашди. Ардуэн энди оғиз жуфтлаган эди, яна жаноб Гийо гапни илиб кетди:

— Кеч қайтдик, соат бирларда.

— Тюрен кўчасидаги қаҳвахона соат биргача ишларканми?

Мегрэ у мавзени яхши биларди. Дарҳақиқат, у ердаги барча ишратхоналар ярим тунгача ишларди.

— Йўқ, қаҳвахонани ёпиб қўйиншди, биз Республика майдонида яна бир қадаҳдан отдик.

— Кайфинглар ошганими?

— Биласиз-ку... Озгинна ичгандан кейин у ёғи уланниб кетаверади.

— Яна соҳил бўйлаб қайтдингларми?

Гийо, гапнимни тасдиқла, дегандай шеригига қаради.

— Йўқ, нима қиласмиш у ёқда?

Мегрэ Лапуэнтга юзланди:

— Бу жанобларни нариги хонага олиб кириб, берган маълумотларини ёзиб ол. Миннатдорман, мосъе. Ҳозир айтган гапларингизнинг ҳаммаси текшириб кўрилажагини тушунтириб ўтириш шарт бўлмаса керак.

— Улай агар ёлғон бўлса...

— М-м-ен ҳам.

Бу сұхбат майнавозчиликка ўхшарди. Мегрэ кабинетда ёлғиз қолди. Очиқ дераза олдида тик турганча Сена дарёсига, унда сузиб бораётган кемаларга, Сен-Мишелъ кўприги устидаги турфа хил йўловчиларга ўйчан нигоҳ ташлади. Сўнг ёзув столи ёнига ўтириб, касалхонага қўнғироқ қилди.

— Мени жарроҳлик бўлимининг катта ҳамшираси билан уланг.

Мегрэning шахсан профессорнинг ўзи билан гаплашганини кўрган ва ундан тегишли кўрсатмалар олган катта ҳамшира энди жуда такаллuf билан муомала қилди.

— Ўзим сизга қўнғироқ қилмоқчи бўлиб тургандим,

жаноб комиссар. Профессор Манъен ҳозиргина беморни кўздан кечирдилар. Аҳволи тузук, дедилар. Одамни ишонгиси ҳам қелмайди...

— Бемор ҳушига келдими?

— Батамом эмас, лекин гоҳи-гоҳида кўзларини очиб, атрофидагиларга маъноли нигоҳ ташлаяпти. Ўзига нима бўлганини англайптими-йўқми, ҳозирча бир нарса дейиш қийин...

— Ўзига ҳалиям дока ўралганми?

— Йўқ.

— Бугун яхши бўлиб қолармикан?

— Ҳализамон ўзига келади. Тилга кириши билан қўнғироқ қиласми?

— Овора бўлманг... Ўзим кираман.

— Ҳозир келасизми?

— Ҳа, ҳозир.

Мегрэ боши дока билан танғиб ташланган жабрдийда табиб билан тезроқ танишишга ошиқарди. У инспекторлар хонасига кирди. Лапуэнт суғурта ходими билан унинг дудуқ оғайниси берган маълумотларни машинкада кўчирмоқда эди.

— Мен касалхонага кетяпман. Қачон қайтишимни билмайман.

Комиссар трубкасини оғзига қистириб, қўлларини орқасига қилганча, худди меҳмондорчиликка кетаётган одамдай, Адолат Саройидан икки қадамгина нарида жойлашган касалхона томон йўл олди. Миясида минг хил ўй чарх уради.

Йўлакда у бақалоқ Лсага дуч келди. Эгнида ўша пушти ранг камзул. У bemорларни рўйхатга оладиган аёлдан хафа бўлиб, орқасига бурилган пайтда комиссарга кўзи тушдии, бидирлаб сайраб кетди:

— Буни қаранг, жаноб комиссар, киритишмаяпти, аҳволи қандайлигини ҳам айтишмайди! Зўрлаб чиқазворишмоқчи! Сизни хабарингиз борми ундан?

— Ҳозиргина қўнғироқ қилиб, анча тузук дейишиди.

— Тузалиб кетармикин?

— Ажабмас.

— Роса қийналаётгандир?

— Нега энди. Укол қилиб туришади-ку.

— Кечча жўн кийинган аллақандай кишилар келиб, нарсаларини олиб кетишиди. Сизни одамларингизмасми?

Мегрэ бош иргади, сўнг жилмайиб қўшиб қўйди:

— Ташвишланманг, қайтариб беришади.

— Шу ишни ким қилганини ҳалиям билмайсизми?

— Сиз-чи?

— Менми?.. Ўн беш йилдан буён соҳилда яшайман, дайди бир одамга ҳужум қилинганини энди кўриб турибман... Ахир биз бирорга зарари тегмайдиган беозор кишилармиз-ку. Буни бошқалардан кўра сиз яхшироқ биласиз.

Топган таърифи ўзига маъқул тушди шекилли, яна такрорлади:

— Беозор одамлармиз... Биз ҳатто бир-биrimiz билан ҳам жанжаллашмаймиз. Ҳар ким билган ишини қиласди. Шундоқ эркинлик қадрланмаса, кўприк остида яшаб кун кўришнинг нима кераги бор?

Мегрэ аёлнинг юз-кўзлари бирдан қизара бошлаганини сезиб қолди.

— Бугун ичдингизми?

— Кўп эмас.

— Шерикларингиз нима дейишяпти?

— Ҳеч нарса дейишашётгани йўқ... Ҳар хил воқеаларни кўравериб, дийдамиз қотиб кетган.

Леа Мегрэнинг тепага чиқишига чоғланаётганини кўриб:

— Кутиб турсам майлимни сизни? — деб сўради.

— Ҳали-вери тушмасам керак.

— Ҳечқиси йўқ. Қаерда санғиб юриш бари бирмасми менга?

Леага энди анча жон кириб қолган эди.

— Сигаретингиз йўқми?

Мегрэ трубкага ишора қилди.

Унда бир чимдим темаки бера қолинг... Чекадиган нарса топилмагандага тамаки чайнайман.

Мегрэ замбилда ётган бемор ва икки ҳамшира билан бирга лифтда тепага кўтарилди. Тўртинчи қаватда палатадан чиқиб келаётган катта ҳамширага дуч келди.

— Келлер қаерда ётганини биласиз-ку... Ҳозир етиб бораман: мени жарроҳонага чақиришапти.

Беморлар олдингидай Мегрэга яна ажабланиб тикилиб қолишиди. Уни танишди, шекилли. Комиссар шляпасини қўлида ушлаганча Келлер ётган каравот томон юрди. Табибининг юзи очиқ, фақат у ер-бу ерига пластиръ ёпиштирилган эди.

Кеча соқолини олиб қўйишигани учун, табиб суратига кўпам ўхшамасди. Юзи заҳил, ёноқлари бўртган,

лаблари юпқа ва қонсиз. Мегрэ беморнинг кўзларига боқдию беихтиёр сесканиб кетди.

Табиб унга соппа-соғ одамнинг нигоҳи билан тикилиб ётарди.

Мегрэ шу дақиқада нимадир дейиш лозимлигини сезди-ю, аммо чурқ этолмади. Каравот ёнида турган стулга секингина ўтирди.

— Тузукмисиз? — деди у ниҳоят паст товушда.

Мегрэ бу сўз бўшлиққа сингиб кетмаганига, табиб уни тўла-тўқис англаганига ишонган эди. Аммо табиб миқ этмади.

— Эшитяпсизми, дўхтирир Қеллер?

Узоқ ва бесамар «суҳбат» ана шундай бошланди.

## V боб

Мегрэ ўз иши тўғрисида хотини билан камдан-кам гаплашарди. Мулоҳазаларини ҳатто энг яқин ёрдамчиларига ҳам айтмас — тўғридан-тўғри кўрсатма бериб қўя қоларди. Унинг иш услуби шунақа эди: ҳамма нарсанинг тубига ўзи етишга ҳаракат қилас, одамлар турмуши ва хатти-ҳаракатини икир-чикиригача эринмасдан ўрганишга интиларди.

Бирор ҳодиса рўй берган жойга бориб келганларидан сўнг ёхуд у ёки бу маълумотга аниқлик киритилаётган пайтда, суд терговчиси ундан кўпинча: «Бу ҳақда сизнинг фикрингиз қандай, Мегрэ? — деб сўраб қоларди.

Жавоб эса ҳамиша бир хил бўларди:

«Хеч қанақа фикрим йўқ, жаноб терговчи».

Бир гал кимдир шундай луқма ҳам ташлаганди:

«Бу киши фикр қилмайди, мағзини чақишга ҳаракат қиласди».

Маълум даражада бу гапда жон бор эди, зеро комискар муҳокамада айтилган ҳар бир сўзга жуда катта аҳамият берар, шунинг учун сукут сақлашни афзал кўрарди.

Аммо бу гал ундаи бўлмади, ҳар холда Мегрэ хонимга нисбатан ундаи бўлмади—эҳтимол бунга хотинининг Мюлузда яшайдиган синглиси орқали унга катта ёрдам бергани сабаб бўлгандир.

Мегрэ таом столи ёнига ўтиаркан:

— Бугун Қеллер билан танишдим, — деди хотинига.

Мегрэ хоним ҳанг манг бўлиб қолди. Йўқ, эрининг Қеллер ҳақида ўзи оғиз очгани учун эмас, балки бу ҳақ-

да қувноқ оҳангда гапиргани уни лол қилиб қўйган эди. Балки «қувноқ» деган сўз кўпам тўғримасдир, ишқилиб, нима бўлгандა ҳам, комиссарнинг ўзини тутиши, хатти-ҳаракатлари кайфияти жудаям чоғ эканлигидан далолат бериб туради.

Газеталар бу гал унинг ғашига тегмаяпти, прокурор ёрдамчиси билан судья ҳам безовта қилаётгани йўқ... Тўғри-да! Дайди бир одам билан кимнинг неча пуллик иши бор: хўп, бошига уриб, Сенага ташлаворишибди, лекин у омон қопти, энди профессор Манъен унинг жони бу қадар қаттиқлигига ҳайрон бўлиб юрибди... Хўш, нима бўпти?

Хуллас, қурбони ҳам, қотили ҳам йўқ ғалати жиноят содир бўлгани аниқ. Агар бақалоқ Леа билан яна биринккита дайдини демаса, табиб ҳақида ҳеч ким қайғураётгани йўқ.

Шунга қарамай, Мегрэ, гўё бутун Францияни оёққа турғазган даҳшатли бир воқеа юз бергандай, бу ишга озмунча вақт сарфламади.

— Ҳушига кептими? — деб сўради Мегрэ хоним синчковлик қилаётганини иложи борича яширишга уриниб.

— «Ҳа» деса ҳам бўлади, «йўқ» деса ҳам. Бир оғиз ҳам гапирмади... Киприк қоқмай тикилиб ётаверди... Лекин ишончим комилки, сўзларимга тушунди... Катта ҳамшира эса бошқача фикрда: дорилар таъсирида беморнинг онги хиралашиб қолганмиш, у ҳозир худди ноқаутдан йиқилиб, базур ҳушига келган боксчига ўхшармиш...

Мегрэ деразага тикилиб, қушлар хонишига қулоқ тутганча овқатлана бошлади.

— Ўзига ҳужум қилган одамнинг кимлигини билармикин?

Мегрэ оғир тин олди. Юзига истеҳзоли табассум ёйилди, гўё у ўз устидан кулаётгандай эди.

— Аниқ бир нарса деёлмайман... Таассуротимни айтиб бериш жудаям қийин...

...Бунақа жумбоқ, айни пайтда уни бу қадар ўзига ром этган иш ҳаётида камдан-кам учраган эди.

Дарвоқе, учрашув жойи ниҳоятда ноқулай эди — палатада ўнга яқин бемор чўзилиб ётар, бошқалари каравотларида ўтиришар ёки дераза олдидা тик туришарди. Айримларининг аҳволи жуда оғир эди. Тинимсиз қўнғироқ чалиниб турад, ҳамшира зир югуриб, гоҳ у, гоҳ бу беморнинг тепасига борарди.

Деярли барча беморлар Келлернинг ёнида ўтирган комиссардан кўз узмай, унинг сўзларига қулоқ тутишарди.

Катта ҳамшира зум ўтмай эшикдан мўралаб:

— Илтимос, тезроқ тўра қолинг, — дея илтижо қилярди. — Беморни толиқтирманг.

Комиссар табибнинг устига энгашганча деярли шивирлаб гапираварди.

— Сўзларимни эшитяпсизми, мосье Келлер? Душанба куни кечқурун Мари кўприги остида ётганингиздан нима воқеа бўлганини эслаёласизми?

Жабрдийданинг юзидағи ифода деярли ўзгармади, аммо Мегрэни унинг кўзлари қизиқтирарди. Аксига олиб, кўзларида ҳам бирор маъно йўқ эди. Уша-ӯша маҳзун кўзлар, бошидан кўп савдолар ўтган одамнинг сўлғин ишоҳи.

— Сизга ҳужум қилишган пайтда ухлаб ётувдингизми?

Табиб миқ этмай, тикилиб ётаверди. Гўё Мегрэ Келлерни эмас, аксинча, Келлер уни ўрганаётгандай эди.

Комиссар ноқулай аҳволдан чиқиш учун ўзини таништиришга мажбур бўлди:

— Менинг исмим Мегрэ. Жиноят қидирув полициясининг бригада бошлиғиман, сизга нима бўлганини аниқламоқчиман. Хотинингиз, қизингиз билан учрашдим, сизни дарёдан тортиб олган кишилар билан гаплашдим...

Табиб «хотинингиз», «қизингиз» деган сўзларни эшитгандай ҳам пинагини бузмади, аммо кўзларида аллақандай истеҳзо учқуни йилт этганини комиссар дарров илғади.

— Гапиролмайсизми?

Бемор ҳатто бош иргаб, ёки киприк қоқиб жавоб қайтаришга ҳам уриниб кўрмади.

— Сўзларимни тушунмаяпсизми?

Бўлмасам-чи! Мегрэ янгишмаётганига ишонарди. Келлер фақат сўзларнинг маъносигагина эмас, ҳатто оҳангига ҳам тушунаётганди.

— Балки бошқаларнинг олдида саволга тутаётганимдан хижолат бўлаётгандирсиз? — Комиссар дайдини ўзига мойил қилиш учун кетидан қўшиб қўйди: — Сизни алоҳида палатага ётқизишим мумкин эди-ю, афуски, бунинг иложи йўқ. Харажатини ўз ҳисобимиздан тўлай олмаймиз.

Қизини шундаки, агар табиб жабрланувчи эмас, қотил ёки шубҳа остидаги шахс бўлганида, иш осонроқ кўчарди. Жабрланувчилар учун сметада сариқ чақа ҳам кўзда тутилмаган.

— Хотинингизни бу ерга чақиришга мажбурман: сизнинг ҳақиқатан ҳам Франсуа Келлер эканлигинизни расман тасдиқлаши керак... Чакирсан майлимни?

Беморнинг лаблари сал қимирлагандай бўлди, аммо садо чиқмади. Юзида эса — на эътиroz, на розилик ифодаси.

— Ўзингизни қандай сезяпсиз? Бугун, ҳозироқ чакирсан бўладими?

Бемор индамади, Мегрэ фурсатдан фойдаланиб, сироз нафасини ростлаб олишга аҳд қилди. Ҳар хил дорилар ҳиди ўрнашиб қолган палата ниҳоятда дим эди.

— Қўнғироқ қилволсан майлимни? — деб сўради у катта ҳамширадан.

— Ҳали кўп қийнайсизми уни?

— Хотинига кўрсатсан бўлди... Кўп вақт кетмайди бунга.

Келлернинг хотини уйда экан, ҳозир етиб бораман, деб ваъда берди. Мегрэ у келиши билан киритиб юборишиларини илтимос қилиб, йўлакда у ёқдан-бу ёққа юра бошлади. Кўп ўтмай, профессор Манъен пайдо бўлди.

— Сиз ҳам, табиб узил-кесил ўзига келган, деб ҳисоблайсизми?

— Бўлиши мумкин... Ҳозир кўриб чиқдим, менимча, ҳамма нарсага ақли етапти... Аммо дўхтир сифатида ҳали аниқ жавоб беришим қийин. Баъзилар бизни янгилишишга ҳақи йўқ, деб ҳисоблашади. Аслида-чи? Аслида биз ҳам, кўзи ожиз одамдай, тусмоллаб олға юрамиз... Бугун асаб дўхтиридан bemorни кўриб қўйиниши илтимос қилдим...

— Алоҳида палатага ётқизишнинг иложи йўқми? Шунчалик қийинми?

— «Қийин» ҳам гапми! Мутлақо иложи йўқ. Касалхона тиқилиб кетган. Баъзи бўлимларда bemorлар йўлакда ётишибди. Агар хусусий шифохонага ўtkазилса, унда бошқа гап...

— Хотини гаплашиб кўрса-чи?

— Бемор рози бўлармикин?

Бунга ишониш қийин эди... Баски, Келлер уйини ташлаб кетиб, кўприклар остида яшашни афзал кўрган

экан, энди бошига мусибат тушгандан кейин, хотинига қарам бўлишни зинҳор истамайди...

Келлер хоним лифтдан чиқиб, атрофга аланглади. Мегрэ шошиб унинг ёнинг борди.

— Хўш, қалай?

Келлер хонимнинг қиёфасида заррача ташвиш ё ҳаяжон аломати сезилмасди. Тезроқ уйига, Сен-Луи оролига, тўтиқушларининг олдига бориш учун типирчилаб турарди.

— У жуда хотиржам.

— Ўзига келдими.

— Шунақага ўхшайди, лекин ҳали далил-исбот йўқ...

— Гаплашиншум керакми у билан?

Мегрэ аслни олдинга ўтказди. У ярқираб турган паркетин авайлаб босиб, каравотлар оралаб бораркан, беморлар анграйиб қараб туришарди. Келлер хоним эса олазарак бўлиб эрини изларди, мана, ниҳоят, бешинчи каравот томон шахдам юриб бориб, икки қадам берида тўхтади. Афтидан у ҳамон ўзини қандай тутишни билмасди.

Келлер хотинига боягидай бефарқ нигоҳ билан қарди. Хоним башанг кийинган — эгнида асл юнг матодан тикилган новвотранг костюм, бошида антиқа шляпа. Ундан келиб турган атирнинг нозик ҳиди палата ҳидига омухта бўлаётганди.

— Танияпсизми?

— Ҳа, худди ўзи... Жудаям ўзгариб кетибди бояқиши...

Яна орага оғир сукунат чўқди. Ниҳоят аёл юрак ютиб, қаравотга яқинроқ борди. Қўлқопни ҳам ечмай, сумкасининг қулфини асабий ўйнаганча сўзлай кетди:

— Бу менман, Франсуа... Эртами-кечми, сени шу ахволда кўришимни билардим... Тузалиб кетади, дейишяпти, лекин... Сенга ёрдам бермоқчиман...

Хотинига бефарқ тикилиб ётган табибининг кўнглидан шу тобда нималар кечеётганикин? Мана, ўн етти ийлми, ўн саккиз йилдан бери у бошқа оламда яшаяпти. Ҳозир эса бир маҳаллар ўзи қочиб қутулган ўтмиши билан, худди аллақандай бўшлиқдан шўнғиб чиққандай, тагин юзмаюз бўлиб турибди.

Беморнинг чехрасида заррача ҳам ҳаяжон аломати йўқ эди. У қачонлардир ўзига маҳрам бўлган аёлга хо-

тиржам қараб ётарди, кейин у комиссарнинг шу ерда-лигига ишонч ҳосил қилиш учун бошини хиёл бурди.

— Ҳикоя шу ерга етганда Мегрэ луқма ташлаб қўйди:

— Ӯлай агар, бу юзлаштиришга тезроқ чек қўйишни илтимос қилмоқчи бўлди у мендан.

— Худди уни минг йилдан бери биладигандай гапи-расан-а...

Нега билмас экан? Тўғри, Мегрэ Франсуа Келлер билан илгари сира учрашмаган, лекин узоқ йиллик меҳнати давомида қанчадан-қанча одам унга кўнглини очмади! Албатта, худди шунга ўхшаган воқеаларга дуч келгани йўқ, аммо инсон кулфати ҳамон ўша-ўша-ку.

— Келлер хоним bemорнинг олдидан тезроқ кетишни хоҳларди, — деб давом этди Мегрэ. — Палатадан чиқаётшиб, сумкасидан пул олмоқчи бўлди-ю, хайрият, бундай қилмади... Йўлакда мендан: «Ҳеч нарсадан камчилиги йўқ, деб ўйлайсизми?» — деб сўради. Мен, ҳамма нарсаси етарли, дедим, лекин у тиичимади: «Қасалхона мудирига озгина пул ташлаб кетсаммикин?.. Франсуа алоҳида палатада ўзини тузукроқ ҳис қиласмиди...» — «Ҳозир бўш палата йўқ». У кетай демасди. «Мендан яна нима керак?» — Ҳозир ҳеч нарса керак эмас. Инспекторни уйингизга жўнатаман, bemор ҳақиқатан ҳам эрингиз эканлигини тасдиқловчи қоғозга қўл қўйиб берасиз...» — «Қоғознинг нима кераги бор, эримлигини тан оляпман-ку?» Шундай дедию жўнаб қолди.

Эр-хотин тамадди қилиб бўлгач, қаҳва ичишга ўтиришди. Мегрэ трубкасини тутатди.

— Сен яна палатага қайтиб кирдингми?

— Ҳа. Аммо лекин катта ҳамширанинг жудаям энсаси қотди...

— Табиб яна индамадими?

— Чурқ этмади... Фақат мен гапирдим — шивирлаб гапирдим, чунки қўшни каравотдаги bemорнинг ёнида дўхтир-талаба бор эди.

— Нималар дединг унга?

Мегрэ хоним учун бу суҳбат, эри ўз иши тўғрисида камдан-кам гапиргани учун ҳам, ниҳоятда мароқли эди. Одатда комиссар уйига қўнфироқ қилиб, тушликка ёки кечки овқатга келолмаслигини, баъзан ҳатто, кабинетида ёхуд бошқа бирор жойда тунаб қолишини айтар, сабабини эса хотини газеталардан билиб оларди.

— Нима деганим аниқ эсимда йўқ... — деди Мегрэ кулимсираб. — Унинг ишончини қозонишга ҳара-

кат қилдим... Пастда Леа кутиб турганини, нарсалари ишончли жойда эканини, касалхонадан чиққанидан кейин ҳаммасини бекам-кўст олишини айтдим. Назаримда, мамнун бўлди. Яна, агар хоҳламасангиз, хотинингиз билан бошқа учрашмайсиз, у алоҳида палата учун ҳақ тўлаб кетмоқчи бўлди-ю, лекин ҳозир бўш палата йўқ, дедим... Четдан караганда, худди дуо ўқиётган одамга ўхшаб кетган бўлсан ҳам ажабмас. «Сизни хусусий касалхонага ётқизиш мумкин эди-ю, лекин сиз учун шу ер маъқул бўлса керак, деб ўйладим», — дедим яна.

— Бари бир индамадими?

— Балки сенга ғалати туюлар, лекин ишончим комилки, у менинг хатти-ҳаракатларимни маъқуллади. Биз бир-биримизни тушуниб турардик... Яна суиқасд ҳақида гап очдим. Шу иш ухлаб ётган пайтингизда бўлдими, деб сўрадим: Худди бекинмачоқ ўйнаётган болаларга ўхшардик. У ҳеч нарсани айтмасликка аҳд қилганига энди шубҳам қолмаганди. Шунча йил кўприк остида яшашга чидаган одам сир сақлашни ҳам билади.

— Сир сақлашнинг нима кераги бор унга?

— Билмайман.

— Балки кимнидир ҳимоя қилаётгандир?

— Эҳтимол.

— Кимни?

Мегрэ елкасини қисди.

Билганимда авлиё бўлардим... Профессор Манъен: «Мўъжиза яратиш қўлимдан келмайди», — деган эди.

— Қисқаси, ҳеч нарса билолмадингми?

— Ҳа.

Аммо Мегрэ андак муғомбирлик қилаётганди. Негадир унда, Келлер тўғрисида кўп нарсани биламан, деган ишонч пайдо бўлганди. Гарчи улар бир-бирлари билан деярли таниш бўлмасалар-да, ораларида аллақандай англаб бўлмас алоқа боғлангандай эди.

— Бир маҳал...

Мегрэ шундай деди-ю хотини, лақма деб аташидан чўчиб, тўхтаб қолди, кейин ўйлаб туриб, чекинмасликка аҳд қилди: баски, гапни бошладими, охирига етка-зиш керак!

— Бир маҳал беихтиёр, ҳеч нарсани ўйламасдан қўлимни чўнтағимга солган эдим, бармоғимга соққа илинди... Шартта чиқаздиму табибининг кафтига қўйдим... Ўзим десанг, нима бўларкин, деб юрагимни ҳовучлаб турибман... Нима бўлди, дегин? Табиб соққани таниди!

Ҳаминира нима деса деяверсин-у, лекин табибнинг чехраси ёришиб, кўзлари чақнаб кетди. Ўлай агар, шундоқ бўлади!

— Барибир оғиз очмадими?

— Бу энди бошқа гап... Үндан наф чиқмаслиги равшан... Гапирмасликка қатъий аҳд қилганлигини сезиб турибман. Ишни ўзим охирига етказишимга тўғри келади...

Наҳотки табибнинг соққани танигани Мегрэни шу қадар ҳаяжонга солган бўлса? Бошқа бирорта ишга убу даражада рағбат билан киришганини хотини эслай олмади.

— Пастда Леа мени тамаки чайнаганча кутиб турган экан. Халтачамдаги қолган тамакини ҳам ҳовучига тўқдим.

— У бирор нарсани билади, деб ўйлайсанми?

— Билганида — айтарди. Бунақа одамларда ҳамжиҳатлик туйғуси бизга ўхшаган расмана кишиларни кидан кўра кучлироқ бўлади... Ишончим комилки, улар ҳам бир-бирларида суриштириб, ўзларича тергов олиб боришипти. Леа менга қизиқ бир гапни айтди. Бу маълумот масалага аинча ойдинлик киритиши мумкин: Келлер олдин Мари кўпрги остида яшамас экан, у ерга «кўчиб» келганига атиғи икки йил бўлибди.

— Қаерда яшаркан илгари?

— Рапэ соҳилида, оқимдан тепароқдаги Берси кўпраги остида.

— Жойларини тез-тез ўзгартириб туришадими унақалар?

— Иёқ. Уларга ҳам осонмас бундай қилиш. Худди бизга уйни алмаштириш оғир бўлгандай, улар ҳам ўз бошпаналарини қадрлашади.

Мегрэ кайфичнолик учун олхўри ароғидан бир қултум қўйиб ичди, сўнг шляпасини олиб, хотинини ўпди.

— Мен кетдим.

— Тушликка келасанми?

Буни ўзи ҳам билмасди. Ҳатто ишни энди қай йўсинг давом эттиришга ҳам ақли етмаётганди.

Торанс эрталабдан суғурта ходими билан унинг дудуқ оғайниси берган кўрсатмаларни текшириш билан овора. Ҳойнаҳой, Тюрин кўчасидаги эшикбон билан Фран-Буржуа кўчасининг муюлишида дўкон очган винофурушни ҳам сўроқ қилиб бўлгандир.

Кучук воқеаси тўғрими ёки уйдирмами, ҳадемай ой-

динлашади. Дарвоқе, ўша иккни оғайни айтган гаплар тасдиқланган тақдирда ҳам, бу нарса уларнинг табибга ҳужум қилиши ҳақиқатдан йироқ, деган маънони билдирамайди.

Лекин нима мақсадда ҳужум қилишган? Бу саволга комиссар ҳали-ҳозир жавоб беролмасди.

Хўш, айтайлик, Келлер хонимга эрини дарёга чўктиришдан нима наф? Бу ишни у кимга топширган бўлиши мумкин?

Бир пайтлар худди шундай сирли тарзда бир ноchor одам ўлдирилган эди. Ўшанда Мегрэ суд терговчисига: «Қашшоқларни ўлдиришмайди», — деган эди.

Дайдиларни ҳам ўлдиришмайди. Лекин кимдир Франсўа Келлердан қутулмоқчи бўпти-ку?..

Мегрэ автобусиниг орқа майдончасида тик турганча иккни ониси маъшуқнинг сўзларига қулоқ солиб борарди. Бирдан ўзининг ўша гапи ёнига тушди: «Қашшоқларни ўлдиришмайди...» Ҳа, ҳа, қашшоқларни ўлдиришмайди...

У кабинетига кирибоқ Келлер хонимга қўнфироқ қилди. Хоним уйда йўқ экан. Ходима унинг дугонаси билан ресторанда овқатланаётганини айтди. Лекин қайси ресторандалигини билмас экан. Шундан сўнг Мегрэ Жаклин Руслэга сим қоқди.

— Ойим билан кўришибсиз-да... Кеча, келиб кетганингиздан кейин қўнфироқ қилди. Бугун ҳам гаплашувдик бир соатча олдин. Демак, отамлиги рост экан-да?

— Бунга ҳеч қандай шубҳа йўқ.

— Унга нима учун ҳужум қилишганини ҳали аниқлаганингиз йўқми? Балки бирор билан муштлашгандир?

— Отангиз шунаقا уришқоқми?

— Йўғ-э, у жудаям мулойим одам! Ҳар ҳолда, бирга яшаган пайтимизда шунаقا эди. Юзига тарсаки туширган одамга ҳам қўл кўтаришига ишонмайман.

— Айтинг-чи, онангизнинг ҳамма ишларидан хабардормисиз?

— Қанақа ишларидан?

— Онангиз турмушга чиққан пайтида мол-давлати бўлмаган, эҳтимол, қачонлардир бойиб кетишини ҳам хаёлига келтирмаган... Отангиз ҳам шундай... Мени бир нарса қизиқтиради: улар никоҳларини бирор ҳужжат билан расмийлаштиришганми? Агар бундай ҳужжат бўлмаса оиласдаги мол-мулк ўртада ҳисобланади бино-

барин, отангиз бойликнинг ярмини даъво қилиш ҳуқуқига эга бўлади.

— Йўқ-йўқ, бундай бўлиши мумкин эмас, — деди ҳеч иккиланмай Руслэ хоним.

— Ишончингиз комилми?

— Онам тасдиқлаши мумкин. Турмушга чиқаётган пайтимда нотариусда шу масала қўзғалган эди. Отам билан мол-мулкка алоҳида-алоҳида эгалик қилишга келишишган экан.

— Ўша нотариуснинг исмини айтольмайсизми?

— Мосье Прижан, Бассано кўчасида туради.

— Ташаккур.

— Касалхонага боришимни маслаҳат бермайсизми?

— Ўзингиз-чи? Боргингиз келяптими?

— Мени кўриб, мамнун бўлишига ишонмайман. Онам билан гаплашмапти-ку... Ҳатто танимаганга олибди...

— Ундан бўлса, бормаганингиз маъқул...

Мегрэ, мен қўл қовуштириб ўтирганим йўқ, деб ўзини ўзи ишонтироқчи бўларди, шу боис у дарҳол жаноб Прижанга қўнигироқ қилди. Аммо иш осон кўчмади. Нотариус саволга жавоб беришдан бош тортди, мижозларнинг сирини ошкор қилишга ҳаққим йўқ, деб оёқ тираб туриб олди. Мегрэ узоқ тушунтирди, ҳатто терговчи имзо чеккан қофоз бор, деб уни қўрқитмоқчи ҳам бўлди. Лекин бўлмади.

— Менга битта нарсани айтсангиз бас,— деди у шунда, — мюлузлик мосье Келлер билан хонимнинг никоҳ қофозида мол-мулкка алоҳида-алоҳида эгалик қилиш шартлари қайд этилганми ва ўша ҳужжат қўлингиздами?

Узоқ жимлиқдан сўнг «ҳа» деган жавоб бўлди-ю, трубкадан қисқа гудок эшитила бошлади.

Демак, Франсуа Келлер ҳақиқатан ҳам қашшоқ бир одам, темир-терсак сотувчи тўплаган ва пировардида хотинига насиб этган бойликка унинг дахли йўқ.

Телефончи аёл комиссарнинг:

— Менга Сюрендаги сув дарвозасини улаб беринг,— деган илтимосини эшитиб, таажжубланди.

— Сув дарвозасини, дейсизми?

— Ҳа, сув дарвозасинй. Нима, у ерда телефон йўқми?

— Бор, ҳозир улайман.

Гўшакдан сув дарвозаси назоратчисининг овози эшитилди. Комиссар ўзини танитди.

— Дарвозангиздан ўтган кемаларни қайд этиб қўя-

сиз, шундайми? Кеча тунда сизнинг дарвозангииздан ўтиши лозим бўлган ўзиюрар баржа ҳозир тахминан қаерга етганикин, шуни билмоқчи эдим? Баржанинг номи «Зваарте Зваан»...

— Эсимда, эсимда! Икки эркак, малла соч аёл билан бир гўдак. Улар бу ерга энг охирида ётиб келиб, тунда оқим бўйлаб қўйи томонга сузиб кетишиди.

— Ҳозир қаердалигини айтольмайсизми?

— Бир лаҳза сабр қилинг... Баржанинг двигатели кучли, бу ерда оқим ҳам анча тез...

Назоратчи аллақандай шаҳар ва қишлоқларнинг номини ғўлдираб, бир нималарни ҳисоб-китоб қилгунча Мегрэ жим кутиб турди.

— Агар янглишмасам, улар ҳозир юз чақирим ерга сузиб, Жюзъега яқинлашиб қолишиди, Ҳар ҳолда, Пуасидан ўтиб кетишган. Ҳаммаси баржанинг Буживаль ва Карьер дарвозалари олдида қанча муддат туриб қолганига боғлиқ....

Комиссар трубкани қўйиб, инспекторлар хонасига ўтди.

— Ораларингизда ким Сенани яхши билади?

— Қайси қисмини; юқорисиними ёки қўйи томониними?

— Қўйи томонини... Пуасси атрофлари ва ундан ҳам нарисини...

— Мен! — деди инспекторлардан бири. — Ҳар йили таътилда ўз қайиғимда Гавргача сузиб бораман. Пуасси атрофини айниқса яхши биламан, чунки қайиқни ўша ерда қолдираман.

Мегрэ кўрининишидан нимжон, шаҳарда туғилиб ўсган инспектор Невэнинг спорт билан шуғулланишини хаёлига ҳам келтирмаганди.

— Жуда соз. Ҳовлидан машинани олиб чиқинг. Мен билан бирга борасиз.

Аммо бир оз тўхташга тўғри келди. Торанс кириб, ўз текширувлари натижасини маълум қилди:

— Ит ҳақиқатан ҳам душанба-куни кечқурун ўлган, — деди у. — Гийо хоним йиғлаб-йиғлаб галириб берди. Икки эркак итнинг жасадини Сенага ташлаб юбориш учун машинанинг юхонасига солиб олиб кетишиган... Уларни Тюрен кўчасидаги қаҳвахонада ҳам кўришиган. Ёпилишидан сал олдинроқ киришган экан.

— Соат неччида?

— Ўн иккиларга яқин. Мижозлардан бир нечтаси

қарта ўйнаб ўтиргани учун қаҳвахона соҳиби ўйин туғашини кутиб кетолмай турган экан. Гийо хоним эрининг кеч қайтганици, анча-мунча кайфи борлигини айтди. Ухлаб ётгани учун унинг қачон қайтганини айттолмади... «Лекин эримнинг бунақа одати йўқ эди, куйганидан ичган бўлиши керак», — деди у.

Ниҳоят комиссар билан Невэ машинага ўтириб, эгри-буғри кўчалардан Аньер қопқаси томон елиб кетишиди.

— Сена ёқалаб машинада юриб бўлмайди, — деди Невэ. — Баржа Пуассидан ўтганига ишончининг комилми?

— Назоратчи шундай деди.

Энди йўлда усти очиқ машиналар кўрина бошлади. Баъзи ҳайдовчилар сулув ҳамроҳларининг елкасидан қучганча машинани бир қўлда бошқариб боришарди. Одамлар чорбоғларида гул ўтқазишаётди. Кўк кўйлакли бир аёл товуқларига дон сочмоқда.

Мегрэ, гўё ҳеч нарса билан иши йўқдай, мудраб ўтиради. Ҳар гал Сена кўзга чалинганди, Невэ ўша жойнинг номини айтарди.

Дарёда кемалар у ёқдан-бу ёққа охиста сузиб ўтиб турнибди. Ана, бир кеманинг саҳинида бир аёл кир ювяпти. Бошқа бир аёл эса рулни бошқармоқда, оёғи остида уч-тўрт ёшли бола ўтирибди.

Бир талай баржа қаторлашиб турган Меланда Невэ машинани тўхтатди.

— Номи нима эди, хўжайн?

— «Зваарта Зваан», «Қора қув» дегани.

Невэ машинадан тушиб, дарё бўйига борди. Унинг аллакимлар билан гаплашганини Мегрэ узоқдан кузатиб турди.

— Баржа ярим соат бурун ўтиб кетибди, — деди Невэ яна рулга ўтираркан. — Унақа баржалар соатига ўн чақирим йўл босади, демак ҳозир Жюзьедан салгина ўтган, холос.

Дарҳақиқат, бир оздан сўнг Жюзье яқинидаги Монталэ ороли бўйлаб сузиб бораётган Бельгия баржаси кўринди.

Улар баржадан бир неча юз метр олдинга ўтиб тўхташиди. Мегрэ машинадан тушиб, соҳилга борди-да, жонжхаҳди билан қўл силкий бошлади.

Баржа рулида оғзига сигарета қистирган Хуберт турарди. Комиссарни танидию шу заҳоти кема саҳнида-

ти туйнукка энгашиб бир нималар деди, сўнг тезликини пасайтириди. Ҳаял ўтмай баржа саҳнида Жеф ван Гут пайдо бўлди: Туйнукдан аввал унинг боши, қейин елкаси ва беўхшов гавдаси чиқди.

— Сиз билан гаплашишим керак! — деб қичқириди комиссар қўлини оғзига карнай қилиб.

Жеф «эшитмаяпман» деган ишора қилган эди, Мегрэ ҳам, «тўхтанг», деган маънода қўли билан имо-ишора қилди.

Қишлоқларга хос одатий манзара. Олис-олиседа уйларнинг қизил ва кул ранг томлари, оппоқ деворлар, бензоколонка, меҳмонхонанинг зарҳал ҳарфлар билан ёзилган номи кўзга ташланади.

Хуберт ван Гут баржани секинлатди. Жефнинг хотини ҳам туйнукдан бошини чиқазиб, бир нималар деди, чамаси, эридан нима гаплигини сўради чоғи.

Ака-уқанинг хатти-ҳаракатларини англаб бўлмасди. Сиртдан қараганда улар бир-бирларини тушунмаётганга ўхшарди. Жеф қишлоқ томонга ишора қилар, балки укасига баржани қишлоқда тўхтат, демоқда эди. Руль ёнида турган Хуберт эса баржани қирғоққа томон суриб келарди.

Бошқа чора қолмаганини кўрган Жеф арқонни улоқтириди. Йлгари денгизчи бўлган инспектор Невэ уни чақонлик билан илиб олди-да, қирғоқдаги тўнгакка чирмади. Баржа тўхтади.

— Яна нима керак?! — деб қичқириди Жеф зарда билан.

У соҳилга тахта кўприкни ташлашни хаёлига ҳам келтирмаётганди.

— Кемани шунаقا жойда тўхтатиб бўларканми? Шикаст ейиш ҳам ҳеч гапмас бунақада!

— Сиз билан гаплашишим керак! — деди Мегрэ.

— Парижда ҳамма гапни гаплашдик-ку. Яна нимани гаплашамиз?

— Унақада ишхонамга чақиртиришимга тўғри келади.

— Нима-нима? Юкни туширмай, Парижга қайтишим керакми?

Табиати юмшоқроқ бўлган Хуберт акасини ҳовридан туширди, сўнг тахта кўприкни ташлаб қирғоққа чопиб ўтди.

— Хафа бўлманг, мосье. Акам тўғри айтяпти... Кемани дуч келган жойда тўхтатиб бўлмайди...

Мегрэ кемага чиқишга чиқди-ю, гапни нимадан бошланиши билмай қолди. Бунинг устига, улар ҳозир Сени-и-Уази департаментиде туришарди, қонунга кўра, фланандияникларни Версаль полицияси сўроқ қилиши мумкин эди.

— Узоқ туранизми?

— Билмадим...

— Эрталабгача бу ерда қолиш ниятимиз йўқ. Акс ҳолда кун ботгуича Мантага етиб боролмаймиз.

— Унақа бўлса, жўнадик!

— Сиз ҳам биз билан бирга борасизми?

— АлбаттА.

— Ё тавба! Бунақасини энди кўришим.

— Невэ, сиз машинага ўтиринг. Ментада учрашамиз.

— Бу ёғи қандоқ бўлди, Хуберт?

— Начора, Жеф! Полиция билан ҳазиллашиб бўлмайди.

Кема остидаги туйшукдан ҳамон ёш жувоннинг тилларанг сочлари кўриниб турар, пастдан гўдакнинг жарангдор овози эшитиларди. Худди кечагидай, пишаётган таомнинг хушбўй жиди теварак-атрофга тараларди.

Кўприк вазифасини бажарган тахтани тортиб олишиди. Невэ тўпкага ўралган арқонни ечиб, сувга улоқтириди-да, машина томон йўл олди.

— Савоннингиз бўлса, марҳамат...

Янадвигатель гувуллаб, баржа ўрнидан жилди.

Мегрэ кема тумшуғида тик турганча трубкасига та-маки тўлдиаркан, гапни нимадан бошлаш ҳақида ўйларди.

## VI боб

— Кеча менга, машина қизил рангда эди, дегандингиз, шундайми?

— Ҳа, мосье. Худди манови байроқقا ўхшаган қизил рангда эди.

Жеф кема тумшуғида ҳилпираб турган қора-сариқ-қизил рангли Бельгия байроғига ишора қилди.

Хуберт рулни бошқаарди; аёл яна пастга, боласининг олдига тушиб кетди. Жеф эса ҳамон ўзини қандай тутишни билмай, гарансираб турарди. Бир томондан, фланандияникларга хос меҳмондўстлик таомили ундан комиссарни муносиб даражада кутиб олиши ва ҳатто бир стакан ичимлик билан сийлашни талаб қилса, иккин-

чи томондан, шиддат билан сузив кетаётган кемани қўқ-қисдан тўхтатгандиклари уни қаттиқ ижиргантирарди. Бунинг устига, ҳозир бўладиган савол-жавобни у сўроқ деб тушуниб баттар асабийлашаётганди.

Мегрэ эса бу сиркаси сув кўтармайдиган сұхбатдининг юрагига қандай йўл топишни билмай ҳайрон эди. У содда ва тўпори одамлар билан кўп маротаба муюмала қилган. Баъзи терговчилар бундай кишиларнинг ғофиллигидан фойдаланишга шошиладилар. Бунинг оқибати шу бўладики, тергалаётган одам ё ҳаддан ташқари маҳмадона бўлиб кетади, ёки аксинча, оғзига талқон солиб олади.

Комиссар баржаларда кўп тергов ўтказган. Айниқса «отлиқ» баржа, яъни канал бўйлаб от судраб юрадиган баржа ёдида қолган... Тунда отни эгаси билан баржага чиқарниб олишарди.

У пайтлардаги кемалар ёғочдан ясалган бўлиб, улардан тахта ораларига сурилган қатроннинг хушбўй ҳиди анқиб туарди. Кема ичи қишлоқ уйларини эслатарди.

Фламандияликнинг баржаси эса тамом бошқача: катутанинг очиқ эшигидан замонавий шаҳар квартираси манзараси: дабдабали мебель, қиммат баҳо гилам, сержило идиш-товоқлар яққол кўзга ташлаб турибди.

— Соҳилда шовқин эшитилганда қаерда эдингиз? Двигателни тузатаётган эдингиз чамаси?

Жеф кўзларини олиб қочди. Бу аснода у қандай йўл тутиш ҳақида ўйлаётганини Мегрэ дарров пайқади.

— Менга қаранг, мосъе... Кеча эрталаб судья мени сўроқ қилганда сиз ҳам шу ерда эдингиз... Ўзингиз ҳам анчамунча саволлар бердингиз... Судья билан бирга, келган анови кичкина одам ҳаммасини ёзиб олди... Кундузи яна келиб, ёзганларига қўл қўйдириб кетди. Тўғрими?

— Ҳа, тўғри...

— Бугуқ сиз тагин ўша гапни бошлайпсиз. Хайронман... Назаримда, гапларимга ишонмаганга ўхшайсиз... Мен бир саводсиз одамман, мосъе... Мактабда ҳам ча-ла-чулла ўқиганман. Хуберт ҳам шунақа... Лекин биз меҳнаткаш одамлармиз, Аннеке ҳам бекор ўтирамайди...

— Шунчаки бир текшириб кўрмоқчи эдим...

— Нимасини текширасиз?! Шу пайтгача, худди сизга ўхшаб, тинчгина яшаётган эдим... Айбим чўкаётган бир шўрликни қутқарганимми? Мен буни бирор тамагирлик билан қилганим йўқ, раҳмат эшитиш ёки пул иш-

лаб қолини учун ўзимни сувга ташламадим... Нега мени бунча қинайсанз, мосъе?!

— Биз қизил машинада келган ўша икки одамни тоңдик... Ростдан ҳам Жефнинг ранги ўзгариб кетдими ёки Мегрэга шундай туюлятими?

— Жуда соз! Ана ўшалардан сўрайверинг...

— Уларнинг айтишия, сиз баржа тепасига яrim кечада эмас, соат ўн яримда чиққансиз...

— Балки соатлари орқада қолгандир?

— Буни ҳам текширидик... Соҳилдан улар тўппа-тўғри Тюрен кўчасидаги қаҳвахонага боришган. Ўшанда соат йингирмата кам ўн икки бўлган.

Жеф укаси билан кўз уриштириб олди.

— Пастга туша қолайлик,— деди сўнг у Мегрэга.

Кенггина каюта айни пайтда ҳам ошхона, ҳам емакхона вазифасини ўтарди. Сирланган оқ кастрюлдан қовурдоқнинг ҳиди-уфуриб турибди. Боласини эмизиб ўтирган Аннеке шоша-пиша ётоқхонага кириб кетди — комиссарнинг кўзи тўқима чойшаб ёпилган каравотга тушди.

— Балки ўтирасиз?

Жеф ҳамон ўзинга келолмасди. Хона ўртасида бир оз гарансиб тургач, ойнаванд буфетдан ичкилик солинган қора сопол кўзача билан иккита стакан олди.

Дераза ортидан соҳилдаги дарахтлар, катта-кичик уйларнинг қизил томлари лип-либ ўтиб турарди. Жеф бир қўлида кўзача, бир қўлида стакан ушлаганича яна анча муддат ўйланиб қолди, сўнг винодан бир ҳўпладида, оғзида бир оз ушлаб тургач:

— У ўлдими? — деб сўради.

— Йўқ. Ҳушига келди.

— Нима деди?

Жавоб беришга энди Мегрэ шошмади. Деразаларга тутилган жимжимадор пардаларни, гултуваклар ўтқазилган мис тўқималарни, бошига денгизчилар фуражкаси, эгнига свитер кийган басавлат бир қариянинг деворда осиғлиқ турган суратини бир-бир кўздан кечириб чиқди.

Кемаларда бунаقا норғул ва шоп мўйловли кишилар кўп учрайди.

— Отангизми?

— Йўқ, мосъе. Аннекенинг отаси.

— Сизнинг отангиз ҳам дарёчи бўлганми?

— Отам Анверда ҳаммоллиқ қилган. Ўзингиздан қо-

лар гап йўқ, ҳаммоллик туппа-тузук тақводор бир олам учун муносиб касб эмас. Тўғримасми?

— Шунинг учун сиз шу касбни танладингизми?

— Ўн уч ёшимдан бери баржаларда хизмат қиласман, шу пайтгача ҳали ҳеч ким мендан нолигани йўқ.

— Кеча кечқурун...

Мегрэ суҳбатдошини ишга алоқаси йўқ саволлар билан ийдиришга уринар, аммо фламандиялик нуқул бош чайқарди.

— Йўқ, мосье!.. Гапим рост... Ишонмасангиз, мен имзо чеккан қофозни бир ўқиб чиқинг.

— Агар берган маълумотларингиз нотўғри бўлса-чи?

— Унда нима қилсангиз ҳам майли.

— Демак, анови икки киши Мари кўприги остидан чиқиб келган, шундайми?

— Ҳамма гапим ёзилган...

— Лекин улар, баржа ёнидан ўтганимиз йўқ, дейишяпти.

— Ҳар ким миясига келган гапни гапираверади-да.

— Ўша пайтда соҳилда ҳеч ким бўлмаган, шундан фойдаланиб улар итнинг жасадини сувга улоқтиришган.

— У ёғини билмадим...

Аннеке қайтиб чиқди, энди қўлида боласи йўқ эди— ухлатган бўлса керак. Эрига фламандчасига бир нима деди, у бош силкигач, овқат суза бошлади.

Баржа секинлади. Мегрэ аввалига манзилга етиб келдик шекилли, деб ўйлаган эди, аммо деразадан қараб, учта баржани оқимга қарши судраб бораётган шатакчи кемани кўрди. У кўприк остидан ўтаётган эди.

Баржа сизга қараашлими?

— Аннеке иккаламизга.

— Укангиз ҳам шерикми?

— Тушунмадим.

— Мол-мулкнинг маълум қисми унга ҳам тегишлими, демоқчиман.

— Йўқ, мосье, баржа фақат Аннеке иккаламизга тегишли.

— Демак, укангиз баржада хизмат қиласми, холос?

— Ҳа, мосье.

Мегрэ унинг ҳадоб «мосье» дейишига кўнига бошлаганди. Жефнинг хотини французчани яхши билмаслиги ва суҳбат мазмунини жудаям билгиси келаётгани шундоқ кўзидан сезилиб турарди.

— Кўпдан бери ишлайдими?

- Икки йил бўлиб қолди...
- Илгари қаерда ишларди? Бошқа баржадами?
- Франциядами?
- Узимга ўхшаган-да: тоҳ Бельгияда, тоҳ Францияда. Ишга қараб...
- Нима сабабдан ўзингизга ишга олдингиз?
- Ёрдамчи керак-ку, тўғрими? Кўриб турибсиз, баржа кичкина эмас...
- Илгари-чи?
- Нима — илгари?
- Олдин қандай уддалардингиз?

Мегрэ суҳбатдошини яна чўчтиб юбормаслик учун ниҳоятда беозор саволлар берар ва шу туфайли мақсад сари жуда секинлик билан яқинлашиб борарди.

- Гапингизга унча тушунмадим.
- Бошқа ёрдамчиларингиз бормиди?
- Албатта...

Шундай дейишдан олдин хотини суҳбат мазмунини илғамаётганига ишонч ҳосил қилиш мақсадида унга бир қараб қўйди.

- Кимлар бор эди?
- Жеф вақтдан ютиш ва жавобни ўйлаб олиш учун яна стаканларга ичимлик қуя бошлади.
- Ўзим, — деди ниҳоят фламандиялик.
- Матросмидингиз?
- Йўқ, механик.
- Кеманинг эгаси ким эди унда?

Хар кимнинг ўз шахсий ҳаёти бор. Бунинг устига, мосъе, мен Бельгия фуқаросиман... — У яна асабийлаша бошлади. — Яхшимас! Нима иш қилишим ўзимга боғлиқ, фламандиялик экан деб, ҳар ким қозонимга тумшуғини тиқавериши керакми?!

Мегрэ охириги иборани дарров илғамади, англағанидан сўнг эса, кулгидан ўзини аранг тийди.

— Бўлти, энди таржимонни олиб келиб, хотинингизни сўроқ қиласман.

- Аннекени тинч қўйинг...
- Илож қанчада.... Судья имзо чеккан ҳужжат билан келаман. Ундан кўра, учовингизни Парижга олиб борганим маъқулмикин?
- Баржа нима бўлади? Бундай қилишга ҳаққингиз йўқ!

— Бўлмаса нега саволларимга тўғри жавоб берма-  
япсиз?

Ван Гут комиссарга ер остидан қаради.

— Чунки бу менинг шахсий ишим.

Шу пайтгача у ҳақ эди. Дарҳақиқат, бундай тарзда сўроқ қилишга Мегрэда ҳеч қандай асос йўқ. У ички бир туйғуга асир бўлиб қолганди, Сабаб, комиссар Жюзье-да баржага чиққанида, Жефнинг ўзини жуда ғалати тутиши унда шубҳа уйғотган эди.

У Париждаги Жефга асло ўхшамасди. Комиссарни кўрниши билан саросимага тушиб қолди. Нуқул каловланади, гаплашгиси келмайди, энди кўзларидағи Селе-стэн соҳилида чақнаб турган шўх учқунлар ҳам сўнган.

— Парижга олиб боришими хоҳляяпсиз, шекилли?

— Бунинг учун далил керак. Қонун деган нарса бор?

— Далил оддийгина —саволларимга тўғри жавоб беришдан бош тортишингиз.

Двигатель ҳамон бир маромда ғувиллар, пастдан рулни бошқараётган Хубертнинг узун оёқлари кўриниб турарди.

— Чунки сиз мени чалғитишга уриняпсиз.

— Унақамас... Ҳақиқатни аниқламоқчиман, холос.

— Қанақа ҳақиқатни?

Жеф каютада у ёқдан-бу ёққа юраркан, гоҳ, ўзининг ҳақлигига юз фоиз ишонар, гоҳ яна бирдан безовтала-ниб қоларди.

— Баржани қачон сотиб олгансиз?

— Сотиб олмаганман.

— Аммо у сизга тегишли-ку!

— Ҳа, мосъе, хотиним иккаламизга тегишли.

— Бошқача қилиб айтганда, Аннекага уйланганин-гиздан сўнг шундай бўлган. Баржа илгари ҳам хотинингизгизга қарашлимиди?

— Нима қипти?.. Биз қонун-қоидага риоя қилган ҳолда, бургомистр ва роҳиб гувоҳлигига никоҳдан ўтганмиз.

— Унга қадар «Зваарте Зваан»нинг эгаси қайнотан-гиз бўлган, шундайми?

— Ҳа, мосъе, исми Виллемс.

— Ў кишининг бошқа фарзанди йўқми?

— Йўқ, мосъе...

— Хотинига нима бўлган?

— Уйланишимиздан бир йил олдин қазо қилган.

— Уша пайтда сиз баржада ишлармидингиз?

— Ҳа, мосъе...

- Кўпдан буёнми?
- Виллемс мени хотини ўлганидан кейинроқ ишга ёллаган...
- Илгари бошқа кемада хизмат қиласмиингиз?
- Ҳа, мосъе. «Дрие Хебрудерс» деган кемада.
- Нега у ердан кетдингиз?
- Чунки «Дрие Хебрудерс» эски баржа эди, Францияга қатнамасди, фақат кўмир таширди.
- Демак, кўмир ташиш сизга ёқмаган?
- Албатта. Қора иш-да...
- Мана, бу кемага ишга ёлланганингизга ҳам учийл бўлиб қопти. Ушанда Аннеке неча ёшда эди?

Аннеке ўз номини эшитиб, сергак тортди.

— Ҳун саккизда.

- Сал илгарироқ онаси вафот этган, шундайми?
- Ҳа, мосъе... Оденардда, боя айтдим-ку...

Жеф двигателга қулоқ тутди, соҳилга назар ташлади, сўнг укасининг олдига бориб, унга бир нималар деди. Хуберт двигатель ҳаракатини пасайтириди: баржа темир йўл кўпригига яқинлашмоқда эди.

Комиссар мақсад сари шошмасдан илгарилар, сухбатни боғлаб турган ингичкагина ипни узиб юбормасликка ҳаракат қиласарди.

— Демак, баржадаги юмушларни олдин ўзлари эплашган,— деди Мегрэ.— Онаси ўлганидан кейин ёрдамчига зарурат туғилган... Шундайми?

— Ҳа...

— Сиз двигателга қарашингиз керак эдими?

— Двигателга ҳам, бошқа ишларга ҳам... Кемада ҳамма юмушни бажаришга тўғри келади...

— Аннекени дарров яхши кўриб қолдингизми?

— Бу энди, мосъе, шахсий масала, тўғрими? Бу факт иккаламизга алоқадор...

— Қачон турмуш қурдинглар?

— Келаси ой икки йил тўлади.

— Виллемс қачон ўлган? Сурат ўшаникими?

— Ҳа, ўшаники...

— Қачон ўлган?

— Никоҳимиздан бир ярим ой илгари.

Мегрэ, назарида, жуда секин илгарилаётган эди. Лекин бошқа илож йўқ, чидаш керак. Акс ҳолда сухбат дошидан гап олиш қийин.

— Никоҳинглар Виллемс вафотидан сўнг эълон қи-  
линганми?

— Бизда никоҳ тўйдан уч ҳафта олдин эълон қили-  
нади. Францияда қандайлигини билмайман...

— Лекин никоҳ масаласи илгарироқ ҳал бўлган,  
шундайми?

— Баски, биз турмуш қурган эканмиз...

— Шу саволни хотинингизга бериб кўринг-чи.

— Нима кераги бор уни аралаштиришни?

— Агар бош тортсангиз, таржимон орқали ўзим му-  
рожаат қиласман...

— Хўп, майли...

У: «Хўп, майли, чақиринг таржимонни!»— демоқчи  
эди. У ҳолда Мегрэ мушкул аҳволда қолган бўларди.  
Чунки баржа Сени-и-уззи департаментида сузиб борар,  
бу ерда бировни сўроқ қилишга комиссарнинг ҳаққи  
йўқ эди.

Ҳайрият, Гут фикридан қайтиб, хотини билан ўз ти-  
лида гаплаша бошлади. Аннеке аввал қизарди, сўнг  
меҳмонга бир қараб қўйди-да, кулимсираб бир нималар  
деди.

— Таржима қилинг.

— Биз бир-биримизни кўпдан буён яхши кўрамиз,  
деяпти...

— Тўйдан бир йил олдин бошланган-да?

— Тахминан шундай...

— Бошқача қилиб айтганда, сиз баржага ишга ёл-  
ланганингиздан кейин?

— Нима қипти?

Мегрэ унинг гапини бўлди:

— Мен фақат бир нарсани билмоқчиман: Виллемс  
бундан хабардор эдими-йўқми?

Жефдан садо чиқмади.

— Хойнахой, ҳамма ошиқлардай, олдінига буни сир  
тутгансиз?..

Ван Гут булар томон бир ўгирилди-ю, яна дарёга ти-  
килди.

— Ҳозир тўхтаймиз... Укамга ёрдамлашишим керак.

Мегрэ ҳам тепага чиқди. Дарҳақиқат, Мант-ла-Жели  
соҳили, кўприк ва бандаргоҳдаги талай баржалар кўз-  
га яқол ташланиб турарди.

Моторнинг шовқини пасайди. Баржа орқага тисари-  
ла бошлади. Бошқа кемадаги дарёчилар буларга қараб  
туришарди. Ўн икки ёшлардаги бир бола арқонни илиб  
олди.

Кема саҳида турган шляпали киши, табиийки, ҳам-  
манинг эътиборини тортганди.

Баржаларининг биридан кимдир Жефга фламандчалаб  
қичқирди, бу ҳам шу тилда жавоб қайтарди. Кема ас-  
та-секин қиргоққа яқинлашарди.

Соҳида буларни сигарета тишлаганча инспектор  
Невэ кутаётганди, унинг ёнида, ғишт уюлган ерда поли-  
циянинг кичкина қора машинаси турарди.

— Энди ўз ҳолимизга қўярсиз? Овқатланишимиз ке-  
рак. Эрталаб соат бешда турамиз.

— Саволимга жавоб бермадингиз.

— Қайси саволингизга?

— Виллемс қизи билан алоқангилини билармиди,  
йўқми?

— Модомики уйланган эканман...

— Виллемс ўлганидан кейин уйлангансиз.

— Ўлса — мен айборманми?

— Узоқ бетоб бўлиб ётганмиди?

Мегрэ билан Жеф баржа қўйруғида туришар, Ху-  
берт қовоғини уйганча буларнинг сұхбатига қулоқ со-  
ларди.

— Виллемс ҳеч қачон касал бўлган эмас, аммо ҳар  
куни кечқурун чўчқадай ичарди.

Мегрэнинг назарида, гапнинг нишоби бошқа ёқقا  
бурилиб кетганидан Хуберт ажаблангандай ва акасига  
ғалати бир қараш қилиб қўйгандай бўлди.

— Нима, у «*delirium tremens*<sup>1</sup>» дардига учраганими-  
ди?

— У нима деганингиз?

— Ашаддий ичкиликбозлар аксар пайт шу дардан  
ўлишади. Иситма хуруж қиласиди да кейин...

— Э, ҳеч нима хуруж қилмаганди. Шунчаки, мол-  
дай ичганидан мункиб кетган...

— Сувгами?

Укасининг сұхбатига қулоқ солиб туришини Жеф  
ёқтирмаётгандек кўринарди.

— Албатта-да...

— Францияда юз бермадими бу воқеа?

Жеф бош силкиди.

— Париждами?

— Э-э, айниқса Парижда кўп ичарди-да...

<sup>1</sup> *Delirium tremens* (лот.) — алкоголизм оқибатида юз берувчи  
руҳий касаллик.

- Нима учун?
- Бир аёл билан учрашиб турарди, қаердалигини билмайман-у, лекин иковлари ярим кечагача ичкилик-бозлик қилишарди.
- Танийсизми ўша аёлни?
- Исмини билмайман...
- Қаерда яашини ҳам билмайсиз?
- Йўқ.
- Иккевларини бирга кўрганмисиз?
- Кўрганман, бир гал меҳмонхонага кириб кетиша-ётганини ҳам кўрганман... Илтимос, Аннеке билмасин...
- Наҳотки отасининг қандай ўлганини хотинингиз билмаса?
- Билади, лекин аёл ҳақида эшиитмаган.
- Уша аёлни кўрсангиз танийсизми?
- Эҳтимол... Тағин ким билади...
- Бахтсиз ходиса юз берган куни ҳам улар бирга бўлишганими?
- Хабарим йўқ...
- Қанақа қилиб йиқилган сувга?
- Аниқ айтольмайман... Тепасида йўқ эдим...
- Қаерда эдингиз?
- Ухлаб ётувдим.
- Аннеке-чи?
- У ҳам ётувди.
- Соат неччи эди ўшанда?
- Тунги иккидан ошуви, — деди Жеф истар-иста-  
мас.
- Виллемс ҳар доим шунақа кеч қайтармиди?
- Парижда шундай қиласарди. Анови аёл туфайли-  
да...
- Ҳар ҳолда, ўлимига нима сабаб бўлган?
- Айтдим-ку: сувга қулаб тушган...
- Нарвон кўприкдан ўтаётибми?
- Қайдам...
- Ёзмиди ўшанда?
- Декабрь ойи эди.
- Ҳеч қандай шовқин эшиитмадингизми?
- Кема сиртига бир нима урилгандай бўлди.
- Виллемс ёрдам сўраб қичқирдими?
- Йўқ...
- Дарров қутқаришга юргургандирсиз?
- Албатта.

- Қип-яланғоч-а?
- Йўқ, апил-тапил шимимни кийволдим.
- Аннеке ҳам сездими?
- Кейинроқ... Қема саҳнига чиққанимдан сўнг сезди.
- Чиқаётганингиздами ёки чиқиб бўлганингиздан кейинми?
- Жефнинг энисаси қотиб кетди.
- Узидан сўранг! эсимда турибдими!
- Виллемсни сувда кўрдингизми?
- Ҳеч нарсани кўрганим йўқ... Бир ниманинг шалоплаётганини эшилдим, холос.
- Сузишни билмасмиди?
- Нега энди, биларди. Лекин ғирт масти ҳолда сузишнинг ўзи бўладими?
- Худди душанба кунгидай ўзингизни сувга отдингизми?
- Ҳа, мосъе.
- Тортволдингизни ишқилиб?
- Ўн минутча овора бўлдим. Энди ушлайман деғанимда чўкиб кетавериб хуноб қилди.
- Аннеке баржа тепасида турганмиди?
- Ҳа, мосъе.
- Тортволганингизда жони узилганмиди?
- Аввалига сезмадим... Лекин кўкариб кетган эди...
- Кейин дўхтири, полиция келгандир?
- Шундай, мосъе. Яна саволларингиз борми?
- Қаерда бўлди бу ҳодиса?
- Парижда... Боя айтдим-ку...
- Парижнинг қаерида?
- Макондан вино ортиб келиб, Парижда тушираётган эдик, Рапэ соҳилида.
- Мегрэ бу жавобдан ажабланганини ҳам, қаноатланганини ҳам сездирмади. Бир лаҳзада асаблари тинчланниб, хушфеъл одамга айланиб қолгандай эди гўё.
- Мана, гаплашиб ҳам олдик. Демак, Виллемс тунда, Рапэ соҳилида чўкиб кетган. Бу пайтда сиз баржада ухлаб ётгансиз. Қизи ҳам. Шундайми?
- Жеф индамай киприк қоқиб қўйди.
- Тахминан ярим ойлардан сўнг Аннекега уйландингиз...
- Бирга яшаб тургандан кейин уйланмай бўладими?
- Укангизни қачон чақиргансиз?

- Ўша пайтдаёқ. Уч-тўрт кундан кейин.
- Тўйдан кейин-да?
- Иўқ. Бахтсиз ҳодисадан кейин.

Қуёш гардиши томларга қизғиши тус бериб уфққа ёнбошлаган бўлса ҳам, ҳали кун ёруғ эди. Аммо бу ёруғлик аллақандай ваҳимали ва мубҳам кўринарди.

Хуберт хаёлга чўмганча руль олдида қимир этмай турарди.

— Афтидан, сизнинг хабарингиз бўлмаса керак?— дея мурожаат қилди унга Мегрэ.

— Нимадан?

— Душанба куни тунда юз берган воқеадан?

— Йўқ, Лапп кўчасида эдим, танцада.

— Виллемснинг ўлимидан-чи?

— Телеграмма олган эдим...

— Бўлдими?— деб унинг гапини бўлди, Жеф ван Гут тоқатсизланиб. — Энди овқатлансанк майлими?

Аммо Мегрэ жуда хотиржам жавоб қайтарди:

— Йўқ, яна сабр қиласиз...

Бу жавоб худди бомба портлагандай бўлиб эши-тилди. Хуберт бошини кўтариб, акасига еб юборгудай тикилди. Жефнинг кўзларида ғазаб ўти чақнади.

— Балки тушунтириб берарсиз: нима учун овқатланмаслигим керак?— деб сўради у Мегрэдан.

— Чунки сизни Парижга олиб кетмоқчиман.

— Ҳаққингиз йўқ.

— Агар керак бўлса, ярим соат ичидаги терговчи им-золаган чақириув қоғози қўлимда бўлади.

— Нима учун, билсак бўладими?

— Сўроқни давом эттириш учун.

— Бор гапни айтдим.

— Яна шунинг учунки, ўзингиз душанба куни кечаси Сенадан тортиб олган дайди билан сизни юзлаштири-моқчиман.

Жеф ёрдам сўрагандай укасига термилди.

— Комиссарнинг бунга ҳаққи борми, Хуберт.

Аммо Хубертдан садо чиқмади.

— Шу машинада олиб кетмоқчимисиз?— у соҳилга, ёнида Невэ турган машинага ишора қилди.— Баржага қачон қайтаман?

— Балки эртага қайтарсиз...

— Эртага қайтмасам-чи?

— У ҳолда ҳеч қачон қайтмаслигинги ҳам мумкин.

— Нима?... Нима дедингиз?

Жефнинг мушилари тугилди, шу тобда у Мегрэга гашланишидан ҳам тоймасди.

— Хониним чи? Қизим-чи? Нима қиляпсиз ўзи? Консулаға хабар қиласман!

— Ихтиёригиз.

— Нима, майна қиляпсизми мени?

У ҳамон комиссарнинг нияти жиддийлигига ишонмасди.

— Ҳеч нарсадан ҳеч нарса йўқ бироннинг кемасига бостириб кириб, бегуноҳ бир одамни қамоққа олиб кетишавераркан-да?

— Сизни ҳали қамоққа олганим йўқ.

— Нима дейиш керак буни бўлмаса?

— Шунчаки, Парижга олиб бориб, ҳозирча туриб юролмайдиган бир гувоҳ билан юзлаштироқчиман.

— Лекин мен уни танимайман. Ёрдамга чақирганини эшигиб, сувдан тортиб олдим. Агар бунақа бўлиши ни билганимда...

Аннеке кема саҳнига чиқиб, эридан фланандчасига бир нималарни сўради. Эри узоқ тушунтириди. Кейин аёл учала эркакка бир-бир назар ташлади-да, яна Жефга мурожаат қилди. У эрини кўндиришга уринаётганини Мегрэ ички бир туйғу билан сезиб турарди.

— Кечаси қаерда тунайман?

— Орфевр соҳилида.

— Турмадами?

— Йўқ, жиноят қидирув полициясида.

— Кийинволсам майлими?

Комисар бош иргади, фланандиялик хотинини эрташтириб тагхонага тушиб кетди. Мегрэ Хуберт билан ёлғиз қолди. У ҳамон миқ этмас, соҳилдаги машиналар ва ўткинчиларни бефарқ нигоҳ билан кузатарди.

Комиссарнинг ҳам гаплашгиси йўқ эди. У охири нима билан тугаши номалум бўлган сўроқ-суҳбатдан ниҳоятда чарчаганди.

Жимликни биринчи бўлиб Хуберт бузди:

— Қўполлигига эътибор берманг,— деди у,— сал қизиқкон, лекин ўзи ёмон йигит эмас.

— Виллемс қизи билан акангиз ўртасидаги алоқадан хабардормиди?

— Баржада бир нарсани яшириш қийин.

— Балки бу никоҳ қизнинг отасига ёқмагандир?

— Қайдам, мен унда йўқ эдим...

Унинг кайфда сувга қулаб тушганига ишонасизми?

— Бунақа воқеалар тез-тез бўлиб туради. Кўп дарёчилар шу йўсинда ҳаётдан кўз юмганлар.

Тагхонадан фламандча гап-сўзлар эшитилиб турарди. Аннекенинг овозида ёлвориш оҳангি бўлса, эри ғазабини тўкиб соларди. Балки комиссар билан кетишдан яна бош тортаётгандир?

Ниҳоят, хотинининг қўли баланд келди. Жеф тепага қайтиб чиққанида нам соchlari силлиқ таралганди. Эгнида оқ кўйлак, деярли яп-янги кўк костюм, йўл-йўл бўйинбог, оёқларида қора туфли — ҳудди меҳмондорчилликка кетаётгандай.

Жеф Мегрэга қарамай, укасига фламандчасига бир нималар деди, сўнг қирроққа тушиб, қора машина олдидা тўхтади.

Комиссар эшикни очди. Невэ буларга таажжубланиб қаради.

— Қаёққа юрамиз, хўжайин?

— Орфевр соҳилига.

Улар йўлга тушишди. Қош қорайиб қолганди. Машина чироғи гоҳ дарахтлар, гоҳ қишлоқ уйларини липпиллёритиб ўтарди.

Мегрэ ўриндиқ бурчагига ястанганча индамай трубка тортар, Жеф ван Гут ҳам миқ этмасди, бу сирли сукунатдан Невэнинг тамом боши қотганди.

— Иш бешми, хўжайин? — деди у ниҳоят сабри чидамай. Аммо саволига жавоб ололмагач, қайтиб оғиз очмади.

Адолат Саройининг дарвозасидан кириб боргандариди соат саккиз эди. Кўп деразаларда чироқ ўчган, аммо қария Жозеф ҳали кетмаганди.

Инспекторлар хонаси ҳам деярли бўм-бўш. Фақат бошлигининг қайтишини кутиб ўтирган Лапуэнтгина машинада ниманидир кўчиради.

— Айт, пиво билан егулик бирор нарса келтиришсин!

— Неччи кишига?

— Икки кишига... Дарвоқе, йўқ, уч кишига. Керак бўлиб қолишинг мумкин. Бўшмисан?

— Ҳа, хўжайин.

Мегрэнинг кабинетида дарёчи янам дарозроқ ва озғироқ кўринди, юзининг тархи ҳам энди кўзга яққолроқ ташланди.

— Ўтиринг, мосъе ван Гут.

Жеф «мосъе» сўзини пўписадай тушуниб, қовоғини солди.

— Ҳозир овқат опкелишади.

Консулни қачон кўришим мумкин?

— Эртага эрталаб.

Мегрэ ўз столи ёнига ўтириб, хотинига қўнғироқ қилиди:

— Кечки овқатга боролмайман... Йўқ... Иш кўп...

Бошқа маҳал бўлганда Мегрэ хоним савонни ёғдириб ташлаган бўларди, лекин бу гал ундан қилмади. Эрини дайдининг тақдиди ташвишлантираётганини яхши билгани учун, биттагина савол билан кифояланди:

— Улдими?

— Йўқ...

Мегрэ хоним бирон кимсанинг қўлга олинган-олинмагани билан ҳам қизиқмади. Модомики эри қўнғироқ қилиб, боролмайман — иш кўп, дедими — демак, сўроқ ё бошланган, ёки бошланиш арафасида.

— Хайрли тун!

Мегрэ Жефга энсаси қотиб қаради:

— Ўтиринг, дедим-ку...

Хонанинг ўртасида қаққайиб турган бу найнов муҳожир комиссарнинг ғашига тегаётганди.

— Ўтиришни хоҳламасам-чи? Ҳаққим бор-ку. Хоҳласам — ўтираман, хоҳламасам — йўқ, тўғрими?

Мегрэ бир хўрсиндию «Дофин» қаҳвахонасидан келадиган тамаддини кута бошлади.

## VII боб

Ўнтадан саккизта ҳолатда муқаррар айбланувчининг иқрори билан яқунланадиган бу тергов тунлари астасекин, худди театр саҳнасида юз мароталаб ўйналган пьесалар сингари ўз анъаналари, ўз шаклу шамойилларига эга бўла бошлади.

«Дофин» қаҳвахонасининг югурдак боласи пиво билан бутербродлар келтирганини кўрган навбатчи инспекторлар гап нимадалигини дарров фахмлашди.

Фламандиялик кайфияти расво ва ғазаби бўғзига қадалиб турган бўлишига қарамай, ўзини овқатга урди, Мегрэдан кўз қирини узмай, кружка тўла пивони бир кўтаришда ичиб юборди.

Мегрэning ғашига тегиш учунми ёки норозилигини билдиromoқчи бўлибми, у оғзидағи таомни ниҳоятда хунук ва беўхшов чапиллатиб чайнар, гўштдан чиққан

майда суюкларни, худди кема саҳнида тургандай ҳеч парвосиз полга тупурарди.

Комиссар бу манзарани, гўё ҳеч нарсани сезмагандай, хотиржам кузатиб ўтириди, қафасга тушган йиртқичдай хона ичида у ёқдан-бу ёқка бориб-келаётган дарёчига халақит бермади.

Мегрэ ҳақмиди? Терговнинг энг қийин жойи — асосий, ҳал қилувчи далилни айбланувчига қай пайтда рўйкач қилиш. Аммо бу ҳолатни белгилаб берадиган аниқ йўл-йўриқ йўқ. Бу нарса терговчининг ички сезгисига боғлиқ.

Мегрэнинг бирон-бир жиддий далилга эга бўлмай туриб терговни бошлаб юборган пайтлари ҳам бўлган. Шуниси қизиқки, ҳар гал осонгина ютиб чиққан. Аксинча, ишончли далиллари ва ўнлаб гувоҳлари бўлишига қарамай туни бўйи ҳеч нарсага эришолмаган пайтлари ҳам оз эмас.

Энг муҳими, ҳар бир ишнинг калитини топиш керак. Фарибона тамадди қилиб олган Мегрэ дарёчига тикиланча ана шулар ҳақида ўйларди.

— Яна ейсизми?

— Тезроқ баржага, хотинимнинг олдига боришини истайман.

Нихоят хона ичида айланиш Жефниг жонига тегиб, комиссар ўтирган стол рўпарасида тўхтади. Мегрэ энди шошмаслик, терговни эҳтиётлик билан, дўқ-пўписасиз сұхбатни аввало айбланувчининг жавобларидағи майдан-чўйда зиддиятларга, сўнг эса очиқ кўриниб турган мантиқизликларга буриш ва шу тариқа уни янгиштириб, ёлғон гапираётганини бўйнига қўйиш керак.

Мегрэ Лапуэнтга иш буюриб, ўзи Жеф билан ёлғиз қолди.

— Қулоқ солинг, ван Гут...

— Неча соатдан бери қулоғим сизда, тўғрими?

— Сұхбатимиз чўзилиб кетганига сабаб — сиз рост гапирмаяпсиз.

— Ҳали мени ёлғончига ҳам чиқарарсиз?

— Унақа ниятим йўқ. Лекин, назаримда, ниманидир яширияпсиз мендан...

— Айтингчи, агар мен оилавий ҳаётингизга аралашсан сиз нима деган бўлардингиз?

— Тушунаман, болалик йилларингиз оғир кечган... Эҳтимол, онангиз тарбиянгиз билан кам шуғулланган-дир?

— Раҳмат, эди онамга ҳам тил теккиздингиз! Аммо у кини беш ёшимдаёқ оламдан ўтган. Қолаверса, онам инҳоятда бамаъни, имони бут аёл бўлган, ҳозир арвоҳи тенамда чирқираб турган бўлса ҳам ажабмас...

Мегрэ сабрсизлик қилмади, суҳбатдошига бамайли-хотир тикилганча савол-жавобни давом эттириди:

— Отангиз иккинчи марта уйланганми?

— Отамнинг йўриғи бошқа... У кўп ичарди...

— Неча ёшингиздан ишлай бошлагансиз?

— Боя айтдим-ку. Ўн уч ёшимдан...

— Хубертдан бошқа aka-укаларингиз ёки опа-син-тилларингиз борми?

— Синглим бор. Нимайди?

— Ҳеч нарса. Шунчаки танишяпмиз-да.

— Ӯнақа бўлса, мен ҳам сизга савол беришим керак.

— Марҳамат.

— Модомики ўз кабинетимда эканман, нимани хоҳ-ласам шуни қиласман, деб ўйлаяпсизми?

Мегрэ суҳбат узоқ ва оғир бўлишини сезди. Ван Гут ақлли йигит эмас, бундайлар билан гаплашиш фурт азоб. Улар қайсарлик қилишади, саволларга жавоб беришмайди, бир соат илгари тасдиқлаган нарсаларини ҳеч иккиласмай рад этишади, ҳатто гап-сўзларидаги қара-ма-қаршиликни эслатиб турсанг ҳам асло уялишмайди.

Агар айбланувчи ақлли бўлса, унинг кўрсатмалари-даги бўш жойларни, ўзини қай йўсинда ҳимоя қилмоқчи бўлаётганини дарров пайқайсан.

— Ҳар ҳолда, сиз меҳнаткаш одамсиз, тўғрими?

Жеф комиссарга хўмрайиб қаради.

— Тўғри, ҳамма вақт иш билан банд бўлганман.

— Баъзи хўжайнларингиз, ҳалоллигингидан ортиқча фойдаланишган. Қунлардан бир кун сиз худди отангиз сингари ичкиликка ружу қўйган Луи Виллемсга дуч келгансиз.

Жеф хонанинг ўртасида қаққайиб туаркан, Мегрэга гўё хавф-хатарни сезган, аммо ҳужум қайси томондан бўлишини ҳали англолмаётган йиртқичдай ҳадик билан тикилди.

— Агар Аннеке бўлмагандага сиз «Зваарте Зваан»-да ишламаган, бошқа бирорта кемага ёлланиб кетган бўлардингиз.

— Виллемс хоним ҳам олижаноб аёл эди.

— Аммо эридай такаббур ва қатиққўл бўлмаган.

— Эрининг такаббурлигини қаёқдан биласиз?

- Мен янгишмадимми?
- У баржанинг эгаси, ҳақиқий хўжайин эди.
- Ишончим комилки, Виллемс хоним тирик бўлганида сизларнинг никоҳингизга эътиroz билдирамасди!
- Фламандиялик ақлли эмас эди, унда ҳайвоний түйғу кучли эди, бу гал ҳам Мегрэ сал шошилди.
- Ҳа-а... Энди шуни ўйлаб топдингизми? Бунақада мен ҳам минг хил воқеани тўқиб ташлашим мумкин, нима дедингиз?
- Ҳеч нарсани ўйлаб топганим йўқ. Ҳаётингизни шундай тасавур қиласман. Эҳтимол адашаётгандирман...
- Сизни хатонинг туфайли қамалиб кетсан қандоғ бўларкин?
- Олдин гапимни охиригача эшитсангиз-чи! Қийналлиб ўсгансиз. Болалигинингданоқ катталарнинг меҳнатини қилгансиз. Кейин Аннекега дуч келгансиз. У сизга, қилган қора меҳнатлари эвазига нуқул ҳақорат эшитадиган қул деб эмас, ҳақиқий инсондек қараган. Сиз уни севиб қолгансиз. Ахир онаси буни кўриб, қувонмасмиди?..
- Ниҳоят Жеф ўтириди, тўғри креслога эмас, унинг тирсаклагичига ўтириди, аммо шунинг ўзи ҳам Мегренинг ютуғи эди.
- Хўш, кейинн-чи? — деди Жеф. — Бу ёғига ўзим ҳам қизиқиб қолдим.
- Бахтга қарши, Виллемс хоним вафот этади. Сиз унинг эри ва қизи билан қоласиз. Уззукун Аннеке билан биргасиз. Буни отаси ҳам сезиб юради...
- Бу сизнинг тахминингиз!
- Кема эгаси чўнтағида хемириси йўқ йигитга қизининг турмушга чиқишини хоҳламайди. Қечқурунлари отволиб, жанжал чиқаза бошлайди.
- Энди Мегре яна ўзига ҳамиша хос бўлган эҳтиёткорлик йўлига тушиб олган, фламандиялик дарёчининг кўзларидаги ифодани сергаклик билан кузатиб ўтиради.
- Бирорларнинг қўл кўтаришига йўл қўйиб қўядиган одам деб ўйлаяпсизми мени?
- Йўқ, албатта. Сизга эмас, қизига қўл кўтарган. Икковинларни ҳалигидақа... пинҳона висол пайтида кўриб қолган...
- Мегрэ трубкасини тутатганча бир муддат жим ўтириди. Орага оғир сукунат чўқди.
- Боя сиз ғалати бир гапни айтдингиз. Виллемс кў-

инича Парижда соҳилга тушган, чунки у ерда аёли бўлган. Бонқа шаҳарларда эса, ё баржанинг ўзида, ёки қиргоқдаги бирорта қаҳвахонада майхўрлик қилган. Сўзларинигизга қараганда, у ҳамма дарёчилардай барвақт туриб, барвақт ётган. Фақат Париждагина Аннеке билан ёлғиз қолиш имкониятига эга бўлгансизлар.

Кўшни хоїнда қадам товушлари ва гангур-гунгур овозлар эшитилди. Ҳаял ўтмай Лапуэнт эшикдан мўралади.

— Хаммаси жойида, хўжайин.

— Бир оз сабр қил.

Сўроқ яна давом этди. Қабинет ичи тутунга тўлиб кетган эди.

— Эҳтимол бир гал у соҳилдан одатдагидан барвақтроқ қайтгану қизини сизнинг қучоғингизда кўрган. Табиийки, жон-пони чиқиб кетган, Сизни ташқарига улоқтирган... Қизининг юзига тарсаки тортган... Шундай бўлиши мумкин-ку!

— Булар сизнинг ўйдирмаларинигиз, — деди чўрт кесиб Жеф.

— Агар мен сизнинг ўрнингизда бўлганимда мана шу ўйдирмага ёпишиб олардим. У ҳолда Виллемснинг ўлимни қарийб бахтсиз ҳодиса деб баҳолаш мумкин эди...

— Ростдан ҳам бахтсиз ҳодиса-да.

— Мен «қарийб» дедим. Ҳатто, унинг сувга қулашига кўмаклашгансиз, демоқчи ҳам эмасман. Фирт маст бўлган... Оёқда туролмайдиган. Балки ўша кеча ёмғир ёғаётгандир?

— Ҳа...

— Ана, кўрдингизми! Демак, тахта сирпанчиқ бўлган. Сизнинг айбингиз шундаки, дарров ёрдам беролмагансиз. Тўғри, агар ўзингиз уни сувга итариб юбориб, оғирроқ жиноятга қўл урмаган бўлсангиз. Аммо бу ҳодиса икки йил муқаддам юз берган ва полиция қофозида қотиллик деб эмас, бахтсиз ҳодиса сифатида қайд этилган...

— Нима гап ўзи? Нега менга қотилликни ёпиштирмоқчи бўляпсиз?

— Унақа эмас. Мен шунчаки ҳақиқатнинг тагига етмоқчиман. Мана, айтайлик, Виллемсни сувга итариб юборганингизни бирортаси кўргандир... у одам соҳилда турган ва сиз уни пайқамаган бўлишингиз мумкин. Худди ўша одам баржадан дарҳол қайиқقا сакрамаганин-

гизни ва Виллемснинг чўкиб кетишини кутиб турганинг гизни полицияга хабар қилган бўлса-чи?

— Аннеке-чи? Наҳотки у ҳам шу воқеани томоша қилиб тураверган бўлса?

— Кечаси соат иккода у ухлаб ётган бўлиши керак... Ҳар ҳолда, ўша кечаси Берен кўприги остида тунаган ҳалиги одам сизни кўрган, лекин полицияга хабар қилмаган. Дайдилар бирорларнинг ишига аралашишни ёқтиришмайди. Уларнинг ўз ақидалари, адолат хусусида ўз тушунчалари бор... Ана энди сиз Аннекега бемалол уйланаверишингиз мумкин. Баржада ёрдамчи керак бўлгани учун Бельгиядан укангизни чақиртиргансиз. Ниҳоятда бахтиёrsиз, ўз сўзингиз билан айтганда, ўзингиз кемага хўжайинсиз. Ўшандан бўён Парижга кўп келгансиз-у, аммо, қасам ичib айтаман, Берен кўприги ёнида бирор марта ҳам тўхтамагансиз...

— Янгишасиз, мосье! Камида уч марта тўхтаганман...

— Шунинг учунки, ўша одам ҳозир у ерда йўқ. Дайдилар ҳам жойларини ўзгартириб туришади, у ҳозир Мари кўприги остида тунайди. Ба ниҳоят, ўша душанба куни у «Зваарте Зваан»ни ҳам, сизни ҳам таниб қолади. Модомики шундай экан...

Мегрэ ўзини миясини янги бир фикр ярқ этиб ёритган киши қиёфасига солди.

— Хўш, шундай бўлди ҳам дейлик?

— Наҳотки, Виллемсни сувдан тортиб олаётган пайтингизда Рапэ соҳилида турган ўша одамни пайқамаган бўлсангиз? Йўқ! Ҳар ҳолда, пайқаган бўлишингиз керак. У ёнингизга келган, лекин индамаган. Аммо ўша душанба куни баржангиз атрофида айлана бошлаганда, оғзидан гуллаб қўймаганмикин, дея ваҳимага тушгансиз, Эҳтимол, у сизга пўписа ҳам қилгандир...

Кейинги гапига комиссарнинг ўзи ҳам ишонмасди. Чунки табиб унақа одамга ўхшамайди... Аммо шу тобда бошқача йўл тутиши мумкин эмас эди.

— Кўрқиб кетгансиз... Кейин бирдан: нега энди Виллемсга ўхшаб бу ҳам сувга қулаб кетиши мумкин эмас, деган ўй ўтган кўнглингиздан...

— Ва уни сувга улоқтирганман? Шундайми?

— Балки туртиб юборгандирсиз...

Жеф яна ўрнидан турди. Энди ўзини анча босиб олган эди.

— Йўқ, мосъе, қилмаган ишимни ҳеч қачон бўйнимга қўёлмайсиз. Ҳаммаси сизнинг тахминларингиз.

— Эҳтимол адашаётган жойларим ҳам бордир. Бўлмаса, айтинг-чи...

— Айтганман.

— Нимани?

— Судья билан келган пакана одам нима деган бўлсам — ҳаммасини ёзиб олган.

— Ўшанда сиз, ярим кечага яқин бир нарса шалоплаганини эшигдим, деган эдингиз...

— Айтган бўлсам — демак, шундай бўлган.

— Гапингизга қараганда, икки одам — уларнинг бири очранг ёмғирпўш кийган — худди ўша пайтда Мари кўприги остидан чиқиб, қизил машина тўмон юришган.

— Тўғри, машина ҳам қизил эди.

— Улар баржангиз ёнидан ўтишган...

Ван Гут миқ этмади. Мегрэ ўрнидан туриб бориб, эшикни очди.

— Киринглар, жаноблар!

Маълум бўлишича, Лапуэнт суғурта ходими билан унинг дудуқ оғайнисини олиб келишга кетган экан. Инспектор уларни Гийо хоним билан учовлан чақчақлашиб ўтирган пайтида босди. Эркаклар ғинг демай унга эргашишди. Гийо ўша душанба кунги очранг ёмғирпўшда эди.

— Қизил машинада кетган одамлар шуларми?

— Одамни кечаси, нимқоронги соҳилда кўрган бошқа, ёп-ёруғ кабинетда кўрган бошқа...

— Булар сиз тасвирлаган одамларга ўхшашади.

Жеф индамай елкасини қисди.

Улар ҳақиқатан ҳам ўша куни кечаси Селестэн соҳилида бўлишган... Айтингиз-чи, мосъе Гийо, у ерда ниша қилгансизлар?

— Машинада қирғоққача тушдик...

— Кўприкдан қанча масофа нарида?

— Юз метрдан мўлроқ.

— Пастда машинани тўхтатдинглар, шундайми?

— Ҳа, мосъе.

— Кейин-чи?

— Кейин машинадан тушиб, итнинг жасадини олиш учун юхонани очдик.

— Оғирмиди?

— Ҳа, мендан ҳам оғир эди: етмиш икки килог-

рамм. Охирги марта икки ой муқаддам қассобнинг та-  
розисида ўзим тортиб кўрганиман.

— Соҳилда баржа тўхтаб турган эканми?

— Ҳа.

— Демак, қопни кўтариб, Мари кўприги томон юр-  
гансизлар?

— Нега у ёқقا боришимиз керак экан. Қаёқдан ол-  
дингиз бу гапни?

— Манови одам шундай деяпти?

— Уша томонга юрганимизни кўрибдими?

— Йўқ... Қайтаётганингизда кўрган экан.

Оғайнилар кўз уришириб олишди.

— Кўриши мумкин эмас, биз баржанинг ёнидан ўт-  
ганимиз йўқ, итни кеманинг тумшуғи рўпарасида сувга  
отганмиз. Ишқилиб қоп рулга илиниб қолмаса гўрга  
эди. деб хавотирга ҳам тушганман. То оқиб кетмагунча  
кўз узмасдан қараб турдим...

— Эшитдингизми, Жеф?

Аммо у пинагини ҳам бузмади:

— Валдираялти. Боя сиз ҳам бир нималарни тўқи-  
ётувдингиз. Бирор у дейди, бирор — бу. Мени нима ало-  
қам бор?

— Соат неча эди ўшандা, мосье Гийо?

Дудук Ардуэннинг тоқати тоқ бўлиб кетди;

— Ү-ү... ү-ү...

— Тахминан ўн бир яримлар эди, — деди жаноб  
Гийо. — Йигирмата кам ўн иккода биз Тюрен кўчасида-  
ги қаҳвахонага етиб келган эдик.

— Машинангизнинг ранги қизилми?

— Ҳа, қизил. «Пежо — 403».

— Номерида иккита тўққиз рақами бор, а?

— 7949, Л-Ф. Техник паспортини кўришингиз мум-  
кин...

— Ҳовлига тушиб, машинани кўриб келасизми, мо-  
сие ван Гут?

— Тезроқ хотинимнинг олдига борганим маъқул.

— Гапларингиздаги чалкашликни қандай тушунтира-  
сиз?

— Тушунтириш сизнинг вазифангиз.

— Қандай хатога йўл қўйганингизни биласизми?

— Ҳа, чўкаётган одамни қутқариб қолдим.

— Лекин буни ўз хоҳишингиз билан қилганингиз  
йўқ.

— Нега энди? Яхшиликка ёмонлик деганлари рост экан-да.

— Сиз бир нарсани унутяпсиз: дайдининг бақирганини сиздан бошқа яна бир одам ҳам эшигандан... Виллемску миқ этолмаган: оғзига сув кириб, ҳаш-паш дегунча чўкиб кетган бўлиши мумкин. Табибга келганда эҳтиёткорлик қилгансиз, аввал бошига уриб, ҳушидан кетгизгансиз. Балки ўлди деб ўйлагандирсиз ёки оқим ва гирдбларга бас келолмайди, деган хаёлга боргандирсиз. Мабодо «Пуату»даги дарёчининг овозини эшигмаганингизда, жойингиздан жилмасдан, бегуноҳ бир банданинг оқиб кетишини кузатиб тураверардингиз. Ҳамкасбингиз сизни ўз баржангизда кўрган. Шунинг учун ноилож халоскор ролини ўйнашга мажбур бўлгансиз.

Жеф яна елкасини қисди.

— Боя, хатога йўл қўйдингиз, деганимда, чўкаётган одамни қутқариш учун ўзингизни сувга отганингизни эмас, балки мени чалфитиш ниятида тўқиган чўпчагингизни назарда тутган эдим, лекин тан бериш керак, жуда пухта ўйлагансиз...

Суғурта ходими билан унинг дўсти гоҳ комиссарга, гоҳ фланандияликка жовдирај-жовдирај, ахийри сўз инсон ҳаёти устида бораётганини англашди.

— Соат ўн бир яримда сиз моторни тузатиш билан машғул бўлмагансиз. Уша пайтда сиз соҳил кўринадиган жойда — ё тагхонада, ёки баржа устида бўлгансиз... Акс ҳолда қизил машинани пайқамасдингиз. Итни сувга улоқтиришганини кўргансиз, полиция сўроққа тута бошлаганда эса, шу воқеадан усталик билан фойдалангансиз. Машинани бари бир топишолмайди деган хаёл билан, Мари кўприги остидан чиқиб келган икки кишини кўрдим, деб қўя қолгансиз.

— Сизлар гапирганда мен жим турдим, тўғрими? Улар ҳам валдираяпти, сиз ҳам валдираяпсиз...

Мегрэ яна эшикни очди.

— Мосъе Гуле, марҳамат!

Лапуэнт кабинетга «Пуату» баржасининг дарёчисини олиб кирди. Баржа ҳанузгача Селестэн соҳилида қум тушираётган эди.

— Дарёда бирор бақираётганини қачон эшигдингиз?

— Ярим кечага яқин.

— Аниқроқ айтолмайсизми?

— Иўқ.

— Вақт ўн бир яримдан ўтганмиди?

— Эҳтимол. Ҳамма иш битгандан кейин, яъни демоқчиманки, тана сувдан қирғоққа олиб чиқилгандан кейин полициячи келди. Ўшанда соат ўн икки ярим эди. Назаримда, у вақтни ён дафтариға ёзиб ҳам қўйди. Албатта, фалокат рўй берган пайтдан то полициячи келганга қадар ярим соатдан ортиқ вақт ўтган эмас...

— Бунга нима дейсиз, ван Гут?

— Менми? Ҳеч нарса... Бу ҳам ўзича валақлаяпти.

— Полициячи ҳамми?

— Полициячи ҳам.

Соат тўққизда, уч гувоҳ кетганидан сўнг «Дофин» қаҳвахонасидан яна бутербродлар билан пиво келтиришди. Мегрэ қўшни хонага чиқиб:

— Энди сенинг навбатинг, — деди Лапуэнтга.

— Нимани сўрашим керак?

— Хоҳлаган нарсангни...

Шундай тартиб бор эди. Тун бўйи улар уч-тўрт марта ўрин алмашишар, айбланувчининг иродасини букиш учун, сал бошқачароқ йўл билан бўлса ҳам, айнан битта саволни такрорлайверишарди.

— Алло! Мени хотиним билан уланг.

Мегрэ хоним ҳали ётмаган эди.

— Мени кутма... ухлайвер...

— Чарчаганга ўхшайсан. Сўроқ оғир кечяптими?

Мегрэ хоним эрининг кайфияти ёмонлигини гап-сўзларидан сезди.

— Бўйнига олмаяпти, қайсарлик қиляпти. Бунақасини умримда кўрмаганиман.

— Табиб-чи?

— Ҳозир суриштираман...

Комисsar касалхонага қўнфироқ қилиб, жарроҳлик бўйлимининг навбатчиси билан гаплашди.

— Ухлайпти. Йўқ, оғриқ қолди... Тушдан кейин профессор кўриб, тузалиб кетади, деди.

— Бемор тилга кирдими?

— Уйқудан олдин сув сўради.

— Бошқа ҳеч нарса дегани йўқми?

— Йўқ. Дори ичиб, ухлаб қолди.

Мегрэ йўлакда яна ярим соатча у ёқдан-бу ёққа юриб, Лапуэнтнинг «жанг» қилишига шароит яратиб берди. Унинг овози эшик ортидан аниқ эшитилиб турарди. Мегрэ қайтиб кабинетига кирганда, ван Гут панша-

хадай қўлларини тиззалари устида чалкаштирганча яна креслода ўтиарди.

Лапуэнтнинг қиёфасидан ҳеч нарсага эришолмагани яққол сезилиб турар, дарёчи эса унга истеҳзо билан тикиларди.

— Яна қанча давом этади бу машмаша? — деди у Мегрэ ўз ўрнига ўтиргач. — Консулни чақиришга ваъда берувдингиз, тўғрими? Ҳамма найрангларингизни гапириб бераман унга, Бельгия газеталари ҳам ёзиб чиқишади ҳали.

— Қулоқ солинг, ван Гут...

— Неччи соатдан бери қулоқ соляпман, нуқул бир гапни такрорлайсиз. Манови ҳам. — У Лапуэнтга ишора қилди. — Балки ташқарида мени сўроқ қилишни кутиб ўтирганлар яна бордир?

— Бўлиши мумкин.

— Уларга ҳам жавобим шу.

— Гапларингизда чалкашлик кўп.

— Нима қипти? Мени ўрнимда сиз бўлганингизда ҳам худди шу аҳволга тушардингиз!

— Гувоҳларнинг сўзларини эшитдингиз-ку.

— Гувоҳлар бошқа гапни гапиришяпти, мен — бошқа гапни. Бу ҳали мени ёлғончига чиқаришга далил бўлмайди. Бутун умрим меҳнатда ўтган. Ван Гутнинг кимлигини хоҳлаган дарёчингиздан сўранг. Ҳеч ким мени ҳақимда ёмон сўз айтмайди.

Мегрэ, эҳтимол бу гал калаванинг учини топсам, деган илинжда сўроқни яна қайтадан бошлади. Илгари ҳам шундай воқеа бўлган. Худди ван Гутга ўхшаган бир қайсар одам ўн олти соат чўзилган сўроқнинг охири дақиқасида, комиссар ҳамма нарсадан энди умидини узган бир пайтда, бирдан айбини бўйнига олган эди.

Бу тун Мегрэнинг ҳаётидаги энг оғир тунлардан бўлди. Ў яна икки марта бошқа хонага чиқиб турди, сўроқни Лапуэнт давом эттирди. Пировардида буторбродлар ҳам, пиво ҳам тугаб, Адолат Саройининг бўм-бўш хоналарида шарпага ўхшаб фақат учовлан қолишиди.

— Ҳалиги икки одамнинг баржангиз ёнидан ўтганини кўрган бўлишингиз мумкин эмас.

— Бир-биримиздан фарқимиз шундаки, мен ўша ерда бўлганман, сиз эса бўлмагансиз.

— Гапларини эшитдингиз-ку?

— Гапираверишади-да.

— Хотиржам бўлинг, қасдан шундай қилгансиз, демокчи эмасман...

— Нима-нима?

— Сиз уни ўлдиришга олдиндан қасд қилгансиз, деяётганим йўқ.

— Кимни? Виллемсними? Ёки ўзим қутқариб қолган одамними? Улар энди иккита бўлди, шундайми? Эртага учта, тўртта, бешта... бўлиши ҳам мумкин. Бунақада ҳисобига етолмай қоламиз-ку.

Соат учда ҳолдан тойган Мегрэ сўроқни тўхтатишга қарор қилди. Унинг ортиқ мажоли қолмаганди — айбланувчининг эмас, Мегрэнинг мажоли қолмаганди.

— Бугунга стади, — деди у ўрнидан туриб.

— Кетаверишим мумкини?

— Ҳозирча йўқ...

— Үхлагани турмага жўнатмоқчимисиз?

— Шу ерда, бирорта кабинетда ётасиз.

Лапуэнт фламандияликни олиб чиқиб кетди, Мегрэ эса Адолат саройидан чиқиб, бўм-бўш кўчада анчагина юрди. Шатлэ яқинидагина такси тутишга муваффақ бўлди.

Оёқ учида юриб ётоҳхонасига кирди, Мегрэ хоним бошини буриб, уйқу аралаш:

— Сенми? — деб сўради, худди бошқа одам ҳам бўлиши мумкиндай. — Соат неча бўлди?

— Тўрт.

— Бўйнига олдими?

— Йўқ.

— Айборд ўшамикини?

— Бунга шубҳам йўқ.

— Қўйвордингми?

— Ҳозирча йўқ.

— Овқат ейсанми?

Мегрэнинг томоғидан ҳеч нарса ўтмасди, шундай бўлса ҳам ётишдан олдин бир стакан винони ичиб юборди, аммо бари бир анча маҳалгача у ёнбошидан-бу ёнбошига ағдарилиб, ухлаёлмай ётди.

Ха, бу бельгиялик дарёчини у энди бир умр ёдидан чиқазмайди!

### VIII б о б

Лапуэнт тунни Орфевр соҳилида ўтказгани учун эрталаб уларга Торанс ҳамроҳлик қиласидаган бўлди. Аммо

Мегрэ жўнашдаи олдин телефонда касалхонадагилар билан гаплашиди.

— Бемор кечак тўла ҳушига келди, — деди профессор. — Фақат, илтимос, чарчатиб қўйманг. Ҳар ҳолда, миёси оғир лат еган, батамом соғайиб кетиши учун яна икки-уч ҳафта керак.

Учовлари офтоб нурига ғарқ бўлиб ётган соҳил бўйлаб кетишиди. Комиссар, Торанс ва ўртада — ван Гут. Кўрган одам уларни баҳор тонгида сайд қилиб юрган кишилар деб ўйлаши мумкин эди.

Устара олишни унуган ван Гутнинг ўсиб кетган соқоли офтоб нурида ярқиради.

Улар Адолат Саройининг рўпарасидаги газакхонага кириб, биттадан қайноқ қаҳва ичишиди. Фламандиялик ҳаш-паш дегунча еттига булочкани туширди:

Ван Гут, Мари кўпригига — воқеа содир бўлган ерга кетяпмиз, деб ўйлаган шекилли, касалхонанинг бефайз ҳовлисига бурилганларида жуда ҳайрон бўлди. Улар ичкарига киришгач, кўпдан-кўп ўйлаклардан ўтишиди.

Баъзан Ван Гутнинг қовоғи солинар, аммо ҳаяжонини сездирмасликка ҳаракат қиласарди.

— Мумкинми? — деб сўради Мегрэ катта ҳамширадан.

У комиссарнинг хамроҳларига ғалати бир қараш қилдиу елкасини қисиб қўя қолди. Бунаقا ишларга унинг ақли етмас ва тушунишга тиришмасди ҳам.

Мегрэ учун фламандияликни Келлер билан юзлашибтиришдан бўлак чора қолмағанди.

Палатага биринчи бўлиб ўзи кирди. Худди олдинги ғалдагидай барча bemorларнинг нигоҳи яна унга қадалди. Мегрэнинг кенг елкалари орқасида Жеф кўринмади, саф охирида Торанс келарди.

Табиб буларнинг яқинлашишини мутлақо лоқайдлик билан кузатди. Ҳатто дарёчини кўриб ҳам бир туки ўзгармади.

Қизиги шундаки, Жеф ҳам, худди кечаси ўзини тутгандай, мутлақо хотиржам эди. У қўлларини кўксида чалкаштирганча, ўзи учун файриодатий бўлган палата ичини бепарволик билан томоша қила бошлади.

Мегрэ кутган ҳодиса юз бермади.

— Яқинроқ келинг, Жеф!

— Яна нима истайсиз мендан?

— Бу ёққа келинг.

— Мана, келдим.

— Танияпсизми бу одамни?

— Дарёга чўкиб кетаёзган ўша одамдир-да, тўғрими?  
Лекин унда соқоли ўсган эди.

- Ҳар ҳолда, танияпсизми?
- Ўхшаброқ турибди...
- Сиз-чи, мосъе Қеллер?

Мегрэ нафасини ичига ютиб дайдинга тикилди. Табиб ҳам комиссарга гарангсигандай андак қараб турди-ю кейин юзини базёр фламандиялик томонга бурди.

- Танияпсизми?

Нима дейиш мумкин: Қеллер билиб туриб шундай қиляптими ё иккиланяптими? Комиссар унинг аниқ жавобдан қочаётганига ишонишни ҳам, ишонмасликни ҳам билмай қолди. Мавҳум сукунат анчагача давом этди, сўнг табиб яна Мегрэга индамай қараб ётаверди.

- Танияпсизми, ўйқми?

Дайди яна жим. Комиссарнинг қони қайнаб кетди. Эҳтимол табибдан гап олиб бўлмаслигига ақли етганидан шундай бўлгандир. Чунки дайдининг нигоҳида аллақандай бир ҳазиломуз киноя бор эди.

Ниҳоят унинг лаблари хиёл очилди.

- Йўқ.
- Сизни дарёдан тортиб олганлардан биттаси шу!
- Раҳмат, деди у шивирлаб.
- Бошингизга уриб, сувга улоқтирган ҳам шу! Бунга ишончим комил! Яна сукунат, Бу гапларни эшишиб ҳам табибда заррача ўзгариш бўлмади, фақат кўзларигина йилтираб турарди.

- Ҳалиям таниганингиз ўйқми?

Ниҳоятда ғалати манзара: суҳбат икки каравот орасида, паст товушда кечар, беморлар булардан кўз ўзмай қараб туришарди.

- Жавоб бермоқчимасмисиз?

Келлердан садо чиқмади.

— Ахир, нима учун жонингизга қасд қилганини биласиз-ку!

Беморнинг нигоҳида синчковлик ифодаси зоҳир бўлди. Афтидан, у Мегрэнинг шунча нарсани билиб олганига ажабланаётганди.

— Бу воқеа икки йил муқаддам, сиз ҳали Берси кўпрги остида тунаб юрган кезларингизда содир бўлган. Бир куни тунда... Эшитяпсизми?

Табиб бош иргади.

— Бир куни кечаси, декабрь ойида, сиз манови киши аралашган бир жиноятга беихтиёр гувоҳ бўлгансиз.

Келлер, афтидан, нима деб жавоб бериш ҳақида ўйларди.

— Ушанда бу одам, — давом этди Мегрэ, — баржа эгасини дарёга итариб юборган. Сувдан унинг ўлигини опчиқишган... Баржа эса сиз остида ётиб юрадиган кўп-рикнииг ёнгинасида турган....

Яна жавоб бўлмади. Ўша-ўша лоқайдлик.

— Шу тўғрими? Душанба куни кечқурун қотил сизни Селестэн соҳилида кўриб, оғзидан гуллаб қўяди, деб кўрқиб кетган.

Бемор бошини аранг буриб, Жеф ван Гутнинг юзига тикилди.

Аммо нигоҳида на ғазаб, на нафрат учқуни йилтиради.

Мегрэ дайдидан гап олиб бўлмаслигига батамом ишонди, шу боис, ҳамшира улардан кетишни илтимос қилганида, эътиroz билдирамди.

Йўлакка чиққанларида дарёчи луқма ташлади:

— Хўш? Ниятингизга етдингизми?

Фламандиялик ҳақ эди; бу гал у ғолиб чиққанди.

— Мен ҳам биламан ҳар хил ривоятлар тўқиши!— деди у яна тантановор оҳангда.

Мегрэнииг жони ҳалқумига келди:

— Учир овозингни!

Мегрэ Жеф билан Торансни Орфевр соҳилида қолдириб, ўзи икки соат давомида судья Данцигер билан суҳбатлашди. Судья прокурор ёрдамчиси Парренга қўнғироқ қилиб, ҳузурига киришни илтимос қилди. Шундан сўнг Мегрэ жиноят қандай содир бўлгани тўғрисидаги ўз мулоҳазаларини ипидан игнасигача баён этди.

Судья қалам билан ёндафттарга баъзи маълумотларни ёзиб борди, Мегрэ гапини тугатганидан сўнг эса:

— Хуллас, сизда унга қарши бирорта далил йўқ,— деди.

— Бирорта ҳам,— дея унинг сўзини тасдиқлади комиссар.

— Фақат фалокат юз берган вақт бундан мустасно. Аммо ҳар қандай тажрибали адвокат бу далилга осонгина чап бериб кетиши мумкин.

— Биламан.

— Уни иқороп этишдан умидингиз борми?

— Асло.

— Дайди бундан кейин ҳам гапирмайди, деб ўйлай-сизми?

— Бунга ишончим комил.

— Қизиқ, нега бунақа қиляптийкин?

Буни тушунтириш осон әмас. Айниңса, кўприклар остида яшайдиган бечораларга дуч келмаган одамга.

— Дарҳақиқат, нима учун? — сұхбатга қўшилди прокурор ёрдамчиси. — Ўлишига бир баҳя қопти-ю, яна қайсарлик қилганига ҳайронман...

— Тўғри-да, Парижнинг энг обод ва кўркам райони — Пассида инстиқомат қиласидиган, ойнга икки марта уйида зиёфат берадиган, ўз мартабасию маоши ошишдан бошқа нарсани ўйламайдиган прокурор ёрдамчиси ҳайрон бўлмай ким ҳайрон бўлсин!

Аммо дайди бундай ўйламасди...

Адолат қарор тоини керак-ку, ахир!

Албатта-да! Бироқ қаҳратон қишида устига эски газеталарни ёпиб кўприклар остида ётишдан чўчимайдиганларнинг ўзлари бу ҳақда камроқ ўйлашади.

— Нега бундай қилаётганининг сабабини биласизми, комиссар?

Мегрэ «ҳа» деб жавоб беришдан ўзини тийди, чунки сұхбатдошларини таажжубга солишини хоҳламади.

— Биласизми... унинг учун суднинг ҳам, терговнинг ҳам, сўроқларнинг ҳам, қўйинг-чи, ҳукм ва турманинг ҳам у қадар аҳамияти йўқ.

Агар комиссар жабрланувчининг кафтига ўзи қўйган шиша соққача ҳақида гапириб берганида булар қандай хаёлларга боришарди? Ёки хотини ҳозир ҳам Сен-Луи оролида яшаётган, қизи эса йирик фабрикачига турмушга чиққан собиқ дўхтири Келлер, худди ўн ёшли болакайдек, чўнтағига шиша соққачалар солиб юришини айтганида-чи?

Гап айланиб яна Жефга тақалди.

Судья прокурор ёрдамчисига бир қараб қўйиб, шундай деди:

— Бу аҳволда уни қамоққа олиш тўғрисидаги қофзга имзо чеколмайман. Гапингизга қараганда, комиссар, ван Гутни ўзим сўроқ қилган тақдиримда ҳам бирор нағижа чиқиши гумон.

Рост, Мегрэнинг қўлидан ҳеч иш келмади-ю, судьяга йўл бўлсин!

— Хўш, нима қилиш керак бўлмаса!

Нима қилиш керак? Мегрэ бу ёққа келмасидан олдинроқ ютқазганини биларди. Энди фақат бир нарса қолди: ван Гутни қўйиб юбориш ва ундан узр сўраш.

— Кечирасиз, Мегрэ, бу аҳволда...

— Тушунаман...

Яна кўнгилсиз дақиқаларни бошдан кечиришига тўғри келди. Ҳар гал калтабин одамларга иши тушганида шундай бўлади.

— Узр, жаноблар, — деди у астагина, судьянинг кабинетидан чиқиб кета туриб.

Орадан сал вақт ўтмай, комисsar бу сўзни ўз кабинетидага такрорлади:

— Узр, мосъе ван Гут! Тўғри, мен фақат расмият учунгина узр сўраяпман. Лекин билиб қўйинг: мен ўз фикримда қоламан. Ўз ҳўжайнингиз Луи Виллемсни сиз ўлдиргансиз, бунга беихтиёр гувоҳ бўлиб қолган дайдидан қутулиш учун унинг жонига қасд қилган ҳам ўзингиз! Бунга заррача шубҳам йўқ. Энди баржангизга, хотинингиз билан қизингизнинг олдига кетаверишингиз мумкин. Хайр, мосъе ван Гут!

Мегрэ, ҳозир фламандиялик осмондан келади, деб кутган эди — бундай бўлмади. У комисsarга андак ҳайротомуз қараб турди-да, сўнг узун, бесўнақай қўлини узатди:

— Ҳамма ҳам хато қилиши мумкин-ку. Тўғрими?

Мегрэ узатилган қўлини кўрмаганиликка олди ва сал ўтмай, чала қолган бошқа ишларга шўнғиб кетди.

Кейинги бир неча ҳафта давомида полиция ҳам Берси соҳилида, ҳам Мари кўприги атрофида шу жиноят юзасидан қаттиқ иш олиб борди. Кўплаб одамлар сўроқ қилинди. Сўровга кўра Бельгия полицияси жўнатган маълумотлар ҳам тергов қофозларига тиркаб қўйилди.

Комисsar эса... Уни кейинги уч ой давомида одамлар Селестэн соҳилида тез-тез кўрадиған бўлиб қолишли. Оғзида трубка, қўлларини чўнтакларига солганча, худди бекорчи одамдай, Мари кўприги ёнидан шошмасдан ўтиб кетарди. Табиб касалхонадан чиқиб, яна кўприк остидаги ўз масканига қайтди. Нарсаларини қайтариб беришди.

Баъзан Мегрэ, худди тасодифан кўриб қолгандай, дайди табибининг рўпарасида тўхтарди. Суҳбатлари жуда қисқа бўларди:

— Қалайсиз?

— Тупроқдан ташқари.

— Ярангиз безовта қилмаяптими?

— Баъзан бошим айланади...

Улар юз берган воқеадан сўз очмасликни маъқул кў-

ришди, аммо Келлер комиссарнинг нима мақсадда бу ёққа келишини биларди. Мегрэ ҳам унинг буни тушенишини биларди. Ўзига хос бекинмачоқ ўйини шу тариқа ёзгача давом этди.

Бир куни эрталаб комиссар суви қочган нон билан қизил вино ичиб ўтирган дайдининг олдида тўхтади.

— Қалайсиз?

— Тупроқдан ташқари.

Эҳтимол, Франсуа Келлер, кутавериб комиссарнинг сабр косаси тўлиб кетди, деб ўйлагандир? Шунданми, соҳилда тўхтаб турган «Зваарте Зваан»га жудаям ўхшайдиган Бельгия баржасига қараб туриб:

— Буларга маза-да, — деди.

Сўнг кема саҳнида ўйнаб юрган икки болакайга ишора қилди:

— Айниқса ановиларга...

Мегрэ унинг кўзларига қаттиқ тикилди: ҳозир яна бир нарса дейди.

— Аммо яшаш осон эмас, — давом этди дайди.

— Улиш ҳам.

— Лекин бу билан ҳеч кимнинг иши йўқ.

Улар бир-бирларини тушунишди.

— Раҳмат сизга, — деди комиссар. Ниҳоят у билмоқчи бўлган нарсасини билволганди.

— Нега энди? Мен сизга ҳеч нарса деганим йўқ-ку. — Сўнг фламандияликка ўхшатиб: — Тўғрими? — деб қўйди.

Ростдан ҳам у ҳеч нарса деганим йўқ. Судлашишдан бош торти. Гувоҳлик беринши хоҳламади.

Шунга қарамай, бир куни ионушта қилиб ўтирганларида Мегрэ хотинидан сўраб қолди:

— Хўанави баржа билан дайди воқеаси ёдингдами?

— Албатта. Бирор янгилик борми?

— Мен янгилишмаган эканман.

— Ҳибсга олдингми уни?

Мегрэ бош чайқади.

— Йўқ! Фламандиялик яна бирор ишкан чиқазмагунча ҳибсга олиб бўлмайди. Лекин энди бундай бўлиши қийин. уни ҳибсга олиб бўлмайди.

— Табиб бирор нима дедими?

— Маълум маънода — айтди...

Эр-хотин бир-бирларини сўзсиз тушунишди, Мегрэ Келлер билан кўпприк остидаги охирги сўхбатини эслаб, мийигида кулиб қўйди.